

Tabourot, Jethan

GV 1590

T₃

1589a

Rosenwald Coll.

26 May 55

DIA

James Edwards
from his Father

J. E.

September 1815.

Excerpts from
The whole book has been
reduced in facsimile
by Beaumont of London.

ORCHESOGRAPHIE.

ET TRAICTE EN FORME DE DIALOGVE,
PAR LE QVEL TOVTES PERSONNES PEVVENT
facilement apprendre & practiquer l'honneste
exercice des dances.

Par Thoinot arbeau demeurant a Lengres.

Eccle. 3.

Tempus plangendi, & tempus saltandi.



Imprimé audict Lengres par Ichan des preyz Imprimeur
& Libraire, tenant sa boutique proche l'eglise
Saint Mammes dudict Lengres.

M. D. LXXXIX.

A maistre Guillaume Tabourot, filz de noble homme & sage maistre
Estienne Tabourot, Conseillier du Roy nostre sire & son
Procureur au Bailliage de Diyon,
sieur des Accordz.

Dernierement que l'estlois a Dijon, voyant les armories De vostre noble
famille, ou sont un lion de sable en un chef d'argent, & trois tambours
avec un chevron d'or en champ d'azur, il me souuint qu'entre les papiers
reuelez & brouillez, que i ay recuillez autrefois soubz maistre Thoinoe
Arbeau demeurat à Lengres, mon premier maistre, il y auoit certains discours
qui parlent du tambour, que ie proposay deslors vous enuoyer si tost que ie se-
rois de retour audict Lengres. Est aduenu que les feuilletant de plus prez, i ay
freuué qu'ilz parlent principallement des dances, & accessoirement du tam-
bour. I'ay imprimé le tout que ie vous enuoye, encor que ledict sieur Arbeau
m'eust deffendu de ce faire, disant telles choses qu'il auoit brouillées seulement
pour tuer le temps, ne meriter l'impression, & encor moins vous estre presen-
tées: toutefois, i ay estimé que prenant ceste hardiesse de le vous presenter,
i auray cest heur de vous faire penser que i ay bonne affection de vous seruer
en quelque chose de meilleur.

Vostre humble serviteur
Le han des prez.

DIALOGUE DE LA DAN- CE ET MANIERE DE DANCER.

Par Thoinot Arbeau, demeurant à
Lengres

Capriol.



Onsieur Arbeau, ie vous viens saluer,
vous ne me cognoissez plus, il y à six ou
sept ans que ie partiz de ce lieu, de Len-
gres pour aller a Paris, & de là à Orleans:
ie suis vostre disciple à qui vous aprinstes
le compot.

Arbeau.

Certes de premier front ie vous ay mescognue, parce-que
vous estes devenu grand depuis ce temps là: & croy que vous
avez aussi agrandy vostre esprit par vertuz, & sciences: Que
vous semble de l'estude des loix? I'y ay estudié autrefrois.

Capriol.

Ie tenuue que c'est vn art fort beau & necessaire a la chose pu-
blique, mais ie me repens qu'estant à Orleans i'ay negligé d'ap-
prendre la ciuité, de laquelle plusieurs escoliers se munissent,
pour accompagner leur scauoir, car estant de retour, ie me suis
tenué ez compagnies, où ie suis demeuré tout court sans lan-
gue & sans piedz, estimé quasi vne buche de bois.

Arbeau.

Vostre reconfort a été que les vieux docteurs vous ont excusé
faisans ce pendant compte du scauoir que vous avez acquis.

Capriol.

Il est ainsi, mais i'eusse bien acquis là dextérité de dançer, aux
heures quel'on intermeut l'estude graue, chose que me rendroit
volontiers veu d'un chacun.

ORCHESOGRAPHIE

Arbeau.

Ce vous sera chose facile à acqueter en lisant les liures françois pour vous aguiter le beq, & apprenant l'escrime, la dance, & le ieu de paulme, pour auoir familiarité avec les hommes, & les dames.

Capriol.

I'ay pris plaisir en l'escrime & ieu de paulme, ce qui me rend bien voulu & familier des ieusnes hommes: Mais i'ay deffault de la dance pour complaire aux damoiselles, desquelles il semble que depend toute la reputation d'un ieusne homme à marier.

Arbeau.

Vous le prenez fort bien, car naturellement, le male & la femme se recherchent: & n'y a chose qui plus incite l'homme à estre courtois, honneste, & faire acte généreux que l'amour: & si voulez vous marier, vous debuez croire qu'une maistresse se gaigne par la disposition & grace qui se voit en vne dance, car quant à l'escrime & au ieu de paulme, les dames ny veuillent assister de crainte d'une espée rompue, ou d'un coup d'estœuf, qu'elles pourroit endommager: vous souuient il pas des vers virgilians parlans de Turnus, & de la belle Lauinia fille du roy Latinus sa maistresse.

Illum turbat amor, figitque in virginem vulnus:

Ardet in arma magis. &c.

Il y a bien plus, car les dances sont pratiquées pour cognoistre si les amoureux sont sains & dispos de leurs membres, à la fin desquelles il leur est permis de baisser leurs maistresses, affin que respectivement ilz puissent sentir & odorot l'un l'autre, silz ont l'alaine souefue, & silz sentent une senteur mal'odorat, que l'on nomme l'espaule de mouton: de façon que de cest endroit oultre plusieurs commoditez qui réussissent de la dance, elle se trouve nécessaire pour bien ordonner vne societé.

Capriol.

I'ay bien consideré quelquesfois ce que venez de dire, & que

non sans cause, ez republiques on auoit admis les ieux & les dâces, mais ce que m'en a degousté, c'est que plusieurs ont vituperé les dances, voires mesmes treuué deshonneur de les regarder comme estant acte muliebre, indigne de la grauité de l'homme, i'ay leu que Ciceron fit reproche a Gabinius consulaire qu'il auoit dancé. Tiberius chassa de Romme les danceurs. Domitian osta du nombre des senateurs, aulcuns qui auoient dansé. Alphonse roy d'arragon blasmoit les gaulois parce qu'il les voioit delecter aux dances. Le S. prophete Moysé se courouça voyant danser les enfans d'Israël.

Arbeau.

Pour vn qui les à blasmées, vne infinité d'autres les ont louées & estimées. Le S. prophete royal dauid dâça au deuât de l'arche de Dieu: Et pour le regard du S. prophete Moysé, il ne se courouça pas de veoir dancer, mais il estoit marry que ce fust a l'en-tour d'un veau d'or, qui estoit vne ydololatrie: Quant a Cicerô il auoit des vatices & iambes enflées, & blasmoit ce qu'il n'eust sceu faire, disant quil ne voioit guieres dácer ceulx qui estoient à ieun. Appius claudius ayant triumphé, les appreuaa. Les indes saluent le soleil en dançant. Et ceulx qui ont voyagé ez terres neufues rapportent que les sauvages dancent quant ilz aperçoivent le soleil se monstrent sur l'orizon. Socrates apprit a danser de Aspasia. Les saliens très nobles prebstres de Mars dançoient en leurs sacrifices. Les choribantes en frigie. Les lacedemoniés & ceux de Crete nalloient a l'assault contre leurs ennemis finō en dançant. Vulcan graua sur vne targue vne danse cōme chose belle a veoir. Museus & Orpheus, voulurent que leurs hymnes qu'ilz auoient composées en l'honneur des dieux, fussent chantées avec dances. Bacchus conquesta les indes, par trois sortes de dances. En l'église primitive la coutume continuée jusques en nostre temps, a esté de chanter les hymnes de nostre église en dançant & ballant, & yest encor en plusieurs.

A iii.

ORCHESOGRAPHIE

lieux obseruée. Pollux & Castor, aprindrent les Cariens à danser. Neoptolemus filz d'Achilles enseigna vne dance appellé la pitrichie a ceulx de crete pour sen aider en la guerre. Epami nundas en vsoit fort dextrement, au choq d'vne bataille, affin que tous ensemble marchassent contre l'ennemy. Xenophon rapporte que ló fit dances & mascarades pour recepuoir les capitaines de Cirus. Les roys & princes, cōmādent dances & mascarades, pour festoier, recepuoir, & faire recueil ioyeux, aux seigneurs estrangiers. Nous practiquostelles resiouissances aux iours de la celebration des nöpces, & ez solemnités des festes de nostre Eglise, encor que les reformez abhorrent telles choses mais ilz meriteroient d'y estre traitez de quelque gigot de bouc mis en pastē sans lard.

Capriol.

Vous me mestez en volûté d'y apprendre & me faictes repen-
rir que ie n'y ay appliqué quelques heures gaillardes, car on
peult prendre plaisir honnestes sans se maculer de luxure & mau-
uaises affectiōns. Il me souuient que le poëte mest les danseurs
entre les bien heureux, disant en son sixieme des Æneides,
Pars pedibus plandunt choreas & carmina dicunt.

Arbeau.

Vous pouviez encor alleguer, que nostre seigneur (en Saint Mathieu vnzieme & Saint Luc 7) reprochoit aux pharisiens, rebours & mal affectionnez, *Nous avons chanté & fluité, & vous n'avez pas dansé.* Je vous diray, il vous fault faire comme fit Demetrius lequel ayant blasné les dances, apres qu'il eut veu danser vne mascarade en laquelle o represētoit l'adultere de Mars & Venus, confessa qu'il n'y auoit si belle chose au monde. Vous pouuez en peu de temps recouurer ceste perte cōsiderément que vous estes musicien, & que la dance est dependant de la musique & modulations d'icelle, qui est vn des sept arts liberaux.

Capriol.

DE THOINOT ARBEAV.

◆

Ie vous prie donc monsieur Arbeau, m'en apprecedre quelque chose car ie scay bien que vous estes musicien & qu'avez en vostre ieunesse receu la reputation d'estre bon danseur, & fort des tre a mil gaillardises

Arbeau.

Dance vient de dancer, que lon dit en latin *Saltare*: dancer c'est à dire faulter, faulteloter, caroler, baler, treper, trepiner, mouuoir & remuer les piedz, mains, & corps de certaines cadances, mesures, & mouuementz, consistans en faultz, pliement de corps, diuarications, claudications, ingeniculations, elcuations, iactations de piedz, permutations & aultres conteneances desquelles Atheneus, Celius, Scaliger, & aultres font mention: aulcunefois on y adiouxte les masques pour monstret les gestes d'un personnage que lon veult reprelenter. Lucian en a fait un traicté, du vous pourrez veoir ce qu'il en dit plus au long: Julius pollux en fait semblaiblement un chappitre bien ample.

Capriol.

Ie pense auoit quelquefois fait lecture de ces aultheurs, & aultres semblables: et si i'ay bonne souuenance ilz recitent trois sortes de dances, vne graue, nommée Emmelie: vne gaye, qu'ilz nomment Cordax: vne autre nommée Siccinnis, entremeslée de grauité & gaieté: ilz parlent aussi de la dance nommée Pittichie & plusieurs autres sortes, comme il me souviét aussi qu'ilz font mention de plusieurs sortes de mascarades, mesmeement d'une qu'ilz appellöient la Tricotie, composée de trois chœurs & assemblées de viculx, d'adolescētz: & de ieusnes enfans, qui chantoyent, nous auons esté, nous sommes, & nous ferons. Ie comprendz bien tout cela en generale notiō, mais ie vouldrois estre apres de quelz piedz & mouuementz cela se faisoit, a proximite moy sil vous plait.

Arbeau.

Anthoyne arena prouençal a escript ce que vous demandez en vers macaronécs.

Capriol

ORCHESOGRAPHIE

En ces vers que vous dîtes il a parlé du mouvement qu'il fault tenir aux branbles, & basses dances seulement, & des contenances que doibuent obseruer les dançeurs, mais la nécessité des vers la rendu obscure, occasion de quoy, ie vous prie m'en clarcir davantage.

Arbeau.

Quant aux dances anciennes, ie n'en scaurois que dire, car l'iniure du temps ou la paresse des hommes ou la difficulté de les descripre a esté cause de nous en oster la connoissance, & aussi vous n'en debuez auoir soucy, parce que telles façons de dancer sont hors de pratique, voires nous auons veu du temps de noz peres, aultres dances que celles de present lesquelles en sont de mesmes tant sont les hommes amateurs de nouveaultez: il est vray que nous pouuons comparer le melle a noz pauanes, & bassédances: le cordax, aux gaillardes, tordions, voltes, cotantes, gauottes, branbles de champaigne & de bourgoigne, branbles gayz & branbles couppez. Le Siccinnis aux branbles doubles & branbles simples. La pirrichie a la dance que nous appelons bouffons ou matachins.

Capriol.

Iç preuoy donc que nostre posterité sera ignorante de toutes ces nouvelles dances que venez de nommer, par les mesmes causes qui nous ont ôté la connoissance de celles de noz anciens.

Arbeau.

Ille fault ainsi conjecturer,

Capriol.

Monsieur arbeau ne permettez cela de vostre pouuoir puis que y pouuez remedier: meitez en quelque chose par escript cela sera cause que i'apprendray ceste ciuité, & en l'eseruant, il vous semblera raiounir & auoit les mesmes compaignies qu'auiez en vostre ieuunesse, & prendrez autant d'exercice d'esprit & du corps aussi, car difficilement vous abstiendrez vous.

DE THOINOT ARBEAV.

5

vous de remuer les membres, pour m'enseigner les mouuemēts y nécessaires: Vray est que vostre methode d'escr̄ire est telle, qu'en vostre absence, sur vos theoriques & preceptes, vn disciple pourra seul en sa chambre apprendre vos enseignements. Et en premier lieu ie vous veulx prier, me dire en quelle estime la pluralité des gens d'honneur tient la dance.

Arbeau.

La dance ou saltation est yn art plaisant & profitable, qui rend & conserue la santé, conuenable aux ieuſnes, agreable aux vieux, & bien feant a tous, pourueu qu'on en yse modeſte-
ment en temps & lieu, sans affectation vicieuse: ie dis en temps & lieu, parce qu'elle apporteroit mespris a ceſſuy qui comme vn pillier de falle y feroit trop assidu. Vous ſcaués quo dit l'e-
ccliaſte.

Cum muliere saltatrix non ſit affidua.

Les enfans des ſenateurs romains au ſortir des eſcolles alloient apprendre à dancer. Homere tesmoigne la dance eſtre vne partie & appendice des banquets, tellement que personne ne ſe peult vanter d'auoir accomplly vn braue festin, ſi n'y a appliqué la dance: laquelle eſt comme vn corps entier accompagné de ſon bel eſprit, ſi on y ioint les masquarades. Quant on reci-
toit dedás les theatres á ciennement les tragœdies, comœdies,
& bergeries, les dances & gesticulations n'y estoient oubliees,
en la partie des dicts theatres qui pour cete occaſion eſtoit ap-
pellée Orcheſtre: que nous pourrions appeller en noſtre langue françoife, le dançoir.

Capriol.

Puis que c'eſt vn art, il depend donq de lvn des ſept arts libe-
raulx.

Arbeau.

Ie vous ay ia dit, quelle depēnd de la muſique & modulations d'icelle: car ſans la vertu rithmique, la dance feroit obſcure & confuſe: daultant qu'il fault que les geſtes des membres accom-

B

ORCHESOGRAPHIE

peignent les cadances des instruments musicaux, & ne fault pas que le pied parle d'un, & l'instrument d'autre. Mais principalement tous les doctes tiennent que la danse est vne espece de Rhetorique muette, par laquelle l'Orateur peult par ses mouvements, sans parler vn seul mot, se faire entendre, & persuader aux spectateurs, quil est gaillard digne d'estre loué, aimé, & chery. N'est ce pas à voitrc aduis vne oraison qu'il fait pour soy-mesme, par ses pieds propres, en gendre demonstratif? Ne dit il pas tacitement à sa maistresse (qui le regarde danser honnestement & de bonne grace) aymés moy, désirés moy? Et quāt les masquarades y sont iointes, elle ha efficace grāde de mouvoir les affections, tantost à choete, tantost à pitie & commiseration, tantost à la hayne, tantost à l'amour. Cōme nous lisons de la fille d'Herodias, laquelle obtint ce quelle demanda au Roy Herode Antipe, après quelle eut dansé au bāquet magnifique qu'il fit aux princes de son royaume à mesme iour qu'il estoit né. Comme aussi Roscius le faisoit bien paroistre à Ciceron, quant il adjançoit ses gestes & actions muettes de telle façōn, qu'au iugement de ceulx qui en estoient arbitres, il mouuoit autant ou plus les spectateurs, que Ciceron eut peu faire par ses elocutions oratoires.

Capriol.

Roscius estoit vn histrion, & me semble que nos loix tiennent telles gens notés d'infamie.

Arbeau

Roscius estoit tenu & reputé (par messieurs du senat, & par tous les romains qui assistoient ordinairement au theatre pour le veoir) fort honneste & habille homme: tellement que quant on vouloit alleguer quelque artisan parfait, on disoit que c'estoit vn Roscius en son art. Ciceron plaida pour luy en vne cause qu'il auoit contre Fannius, & obtint victoire par la faueur de tout le senat, qui l'aimoit, prisoit, & honoroit.

Ceulx véritablement lesquels pour gaigner argent, admettent vn chacun indifferemment à veoir leurs ieu & farces, sont comptez entre les infames: mais la loy n'y à iamais compris ceulx qui s'exhibent gratuitement, pour se donner du plaisir, & recreer les roys, les princes, les seigneurs, les habitans d'vnne ville, ou quelques compagnies particulières: soit par actiōs de tragœdies, comœdies, & bergeries, representées à visage decouvert ou par dâces qu'on fait avec musiques, ou aultres vestures & portementz gratieux, par maniere de resouissance: & ainsi le resoult l'Empereur en l'vnzième du Code, au chappitre des Jeux publiques.

Capriol.

Je croy fermement qu'il se doit ainsi entendre. Ne tardés donc plus davantage à exaulcer ma requeste, & me deduisés par le menu, comme se font les mouuements des dances, affin que ie m'y exerce: & qu'il ne me soit reproché ce que disoit Lucian à Craton, que i'aye vn cœur de porc, & vne teste d'asne.

Arbeau.

Lucian n'adresse ce reproche, à ceulx qui ne veuillent, ou bien qui veuillent, mais ne peuuent apprendre cēt art, mais il attaque ceulx qui le veuillent blasmer & regetter, comme action mauaise, non considerans, qu'il en est de deux sortes: les vnes seruent à la guerre, force, & deffence de la republique, les aultres sont recreatiues & ont avec soy vne vertu d'attirer les cœurs & concilier l'amour, & sont vn préparatif & cautelle (comme ie vous ay ia dit) pour cognoistre si les personnes sont point maleficiées de goutes ou loups éss iambes, & si elles ont bonne contenaunce & modeste. Nous lissons que Clistenes ayat veu dançer & morguer impudemment Hypoclide, lui refusa sa fille en mariage disant qu'il auoit dedancé les noppes.

Capriol.

Dicu mercy, ie n'ay point telles infirmités & n'ay qu'vnscœur

ORCHESOGRAPHIE

qui est aagee de douze ans que i'y feray apprendre quant vous
m'aurés enseigne.

Arbeau.

Galien dit en son liure du régime de la santé, que toute chose naturellement desire de se mouvoir; & que lon se doit exercer par mouvements doulx & temperés comme est la dance, que ceulx d'Ionic iuuentèrent à cest effect: pour ceste occasion elle fert grandement à la santé, mesmement des ieunes filles, lesquelles estans ordinairement sedentaires, & ententives à leur lanifice, broderies, & ouurages desguille, font amas de plusieurs mauuaises humeurs, & ont besoing de les faire exhaler par quelque exercice tempéré.

Capriol.

La dance leur est vn exercice propre car elles n'ont pas liberté de se promener, & aller ça & la dehors & dedans les villes, ainsi que nous pouuons faire sans reprehension, tellement que n'en auons besoing comme elles: neantmoings, ic suis desireux d'apprendre cest art si ancien & si honneste & profitable.

Arbeau..

Pour vous complaire, ic vous en diray ce que i'en scay encor qu'il me sera mal feant (en l'aage de soixante neuf ans ou ic suis) de traicter & practiquer telle matiere.


Parlons donc premierement de la dance guerrière, puis nous parlerons de la recreative. Les instruments seruants à la marche guerrière, sont les buccines & trompettes, litues & clerons cors & cornets, tibies, fifres, arigots, tambours, & aultres semblables, mesmement lesdiēs tambours.

Le tambour des perses (duquel usent aulcungs allemands le portans à l'arçon de la selle) est composé d'une demye sphère de cuyure bouchée d'un fort parchemin, d'environ deux pieds & demy de diametre: & fait bruit comme d'un tounerre, quant la diē peau est touchée avec batons.

DE THOINOT ARBEAV.

7

Le tambour duquel vsent les françois [assés cogneu par vn chacun] est de bois caue long d'enuiron deux pieds & demy, estoupé dvn cousté & d'autre de peaulx de parchemin, arrestées avec deux cercles denuiron deux pieds & demy de diametre, bandées avec cordeaux affin qu'elles soient plus roides: & fai& [comme vous pouuez auoir ouy plusieurs fois] vn grand bruit, quant lesdites peaulx sont frappées avec deux battons que celuy qui les bat tient en ses mains. La figure en est assés cogneue à vn chacun, toutefois ie la mettray icy puis que nous en sommes en propos.



Capriol

Vous meetrez des petits liens & boucles, à chacune reflexion des cordaeux du tambour.

Arbeau.

Bijj,

ORCHESOGRAPHIE,

C'est pour bander les peaulx quant on le veut batre, en approchant lesdits liens près du meillieu : & pour les desbander quant on le veut laisser à repos en approchant lesdits liens des cercles & bords, Je ne scay si les enfans d'Israël vsoient du tambour à vn fonds, comme on faisoit à Rome au sacrifice de la mere des dieux : mais le quinzième chappitre d'Exode rapporte, que Marie sœur de Moysé & d'Aaron, battoit fort bien le tambour. Virgile au sixième de l'Æneide parlant de Misenus, trompette d'Hector, puis d'Ænée, dit ces mots,

Quo non præstantior alter

Are ciere viros, martemque accendere cantu.

Et peu apprés.

Et lituo pugnas insignis obibat, & hastæ.

Le bruit de tous lesdits instruments, sert de signes & advertissements aux soldats, pour defloger, marcher, se retirer : & à la rencontre de l'ennemy leur donne cœur, hardiesse, & courage d'affaillir, & se defendre virilement & vigoureusement. Or pourroient les gens de guerres marcher confusément & sans ordre cause qu'ils seroient en peril d'estre réuerrés & deffaits, pourquoy nosdits françois, ont aduisé de faire marcher les rônes & iougs des escouades avec certaines mesures.

Capriol.

Comment cela.

Arbeau.

Vous estes musicien, & scaués bien que c'est des mesures, du temps, les vnes sont binaires, les aultres sont ternaires, & que de toutes ces deux sortes de temps il en y à de pesantes, de moyennes, & de concitées

Capriol.

Cela est vray.

Arbeau.

Vous me confesserez que si trois hommes se promenoient &

marchoient ensemble, & chacun deulx vouloit aller à part selo
l'vne des trois diuersités ils ne l'accorderoient pas: car il faul-
droit que tous trois marchassent, ou vittement, ou bellement,
ou mediocrement.

Capriol.

Il n'y à point de doubte.

Arbeau.

C'est pourquoy, en la marche de la guerre, le françois à fait
feruir le tambour pour tenir la mesure, suyuant laquelle les sol-
dats doibuent marcher. combien que la plus grand part des
soldats n'y sont guieres bien exercés, non plus qu'en tout le
reste de l'art militaire, mais pour cela ie ne laisseray d'en escrip-
re les modes.

La mesure & battement du tambour, contient huit minimes
blanches, de quelles les cinq premières sont battues & frappées
scauoir les quatre premières chacune d'un coup de baston,
seul & la cinquième des deux battons tout ensemble, & les
trois aultres sont teues & retenues, sans estre frappées.



Tan tan tan tan tan.

Pendant le son & battement de ces cinq blanches & trois souf-
pits le soldat fait vne passée, c'est à dire, il passe & extend ses
deux iambes tellement que sur la première note, il pose &
assiet son pied gaulche, & durant les trois aultres notes, il leue
le pied droit, pour le poser & asseoir sur la cinquième note, &
durant les trois soufferts qui equipolent à trois notes, il releue
son pied gaulche pour recommander vne autre passée comme
auparavant: Et ainsi conseqüemment tant que le chemin dure
en sorte qu'en deux mil cinq cents battements de tambour le

ORCHESOGRAPHIE

soldat marche la longueur d'vn lieue.

Capriol.

Pourquoys faites vous marcher le pied gauche le premier?

Arbeau.

Parce que la plus grand part des hommes sont droictiers, & que le pied gaulche est le plus foible, & s'il aduenoit que le pied gaulche vacilast par quelque inconuenient, le pied droit seroit incontinent prest pour le soulager.

Capriol.

Il me semble qu'vne passée, en latin *passus* est dicté de l'expansion des deux bras, & non des deux pieds,

Arbeau.

Regardés bien & treuuérés en le mesurant que la passée des deux pieds est de mesme longueur, que l'expansion ou extension des deux bras, que les geometriens estiment étre de cinq pieds

Capriol.

Vous forcomptés vous point, de dire qu'il fault pour vne lieue marcher deux mil cinq cents battements de tambour car la lieue ne tient que deux mil passées qui font deux mil battements de tambour à prendre comme vous dites, à chacun battement de tambour vne passée.

Arbeau.

Vne seulle passée, tient véritablement cinq pieds, & en fault deux mil pour la lieue, mais quant on fait soubs le tambour plusieurs passées l'vne après l'autre, chacune passée n'a que quatre pieds, d'autant que le pied de la cadance de la première passée fert de position à la deuxieme: & ainsi de passée en passée tellement que lesdites passées ne contiennent chacune que quatre pieds, & par ainsi fault pour vne lieue deux mil cinq cets passées, qui font deux mil longueurs de cinq pieds geometriques.

Capriol.

DE THOINOT ARBEAU.

Capriol.

,

Ie le comprends fort bien maintenant.

Arbeau.

Oultre ce vous debués penser que quant les battements du tambour sont diuersifiés, ils en sont plus aggrefables, & pour ceste cause ceulx qui le battent meſtent quelqueſſois les cinq minimes blâches & les trois ſouſpirs comme deſſus à eſté noté, quelqueſſois en lieu des blanches, ils meſtent deux minimes noires ou quatre crochues, comme il leur vient en phantafie, mais ce pendant il fault que la cinquieme note ſoit entière blanche, ſi ce n'eſt qu'ils veuillent continuer deux ou trois ou plusieurs battements, car lors il ne font point les trois ſouſpirs fors au dernier.

Capriol.

I entendis quaſi cecy, mais ie vouldrois bien auoir exemple de ces diuersités.

Arbeau.

Les diuersités ſe font par les entremeslements des blâches, noires, & crochues.

Capriol.

Donnés m'en veoir vne liste, ou tabulature.

Arbeau.


Vous ſcavés bien qu'vne minime blanche emporte deux noires: & qu'vne minime noire emporte deux crochues: ainfì pendant le temps d'vne blanche, on en peult battre deux noires ou quatre crochues; & pour le mieulx remarquer appellons le ſon d'vne minime blanche qui ſe fait par vn coup de baſton appellons le dis-je Tan. ou Plan. Et le ſon de deux minimes noires, qui ſe fait par deux coups de baſtons appellons le Tere, & le ſon de 4 crochues qui ſe fait par 4 coups de baſtos Fre. Entremeslons puis après ces diuersités les vnes avec les aultres, & nous en treuuerons de maintes sortes desquelles voicy vne tabulature, en laquelle vous choiſirés les ſortes qui vous plairont le mieulx.

C

ORCHESOGRAPHIE.

Tabulature contenant toutes les
diuersités des battemens du
tambour.


La première facon, est composée seulement de cinq Tan.
comme deuant à esté noté.



Tan tan tan tan tan.

Les aultres battemens sont composés par les meslanges de
Tan avec Tere, Dudi & Tan avec Fre, & des trois ensemble
Tan, Tere, & Fre.

Et premierement meslange de quatre Tan, & vn Tere, se peult
faire en quatre sortes.




Tan tan tan tere tan,



Tan tan tere tan tan.



Tan tere tan tan tan,



Tere tan tan tan tan.

DE THOINOT ARBEAU.

10


Meflange de trois Tan, & deux terc.



Tan tan terc tere tan.



Tan tere tere tan tan.




Tan tere tan tere tan.



Tere tere tan tan tan.



Tere tan tere tan tan.



Terc tan tan tere tan.

Meflange de deux Tan, & trois Tere.



Tan tere tere tere tan.

C i j.

ORCHESOGRAPHIE.



Tere tan tere tere tan,



Tere tere tan tere tan,



Tere tere tere tan-tan,

Aultre meslange de quatre Tere & vn Tan, laquelle ne se
peult diuersifier aultrement, parce qu'il fault par necessité que
le Tan soit à la fin pour faire la cadance.



Tere tere tere tere tan

Meslange de quatre Tan & vn Fre.



Tan tan tan Fre tan



Tan tan fre tan tan

DE THOINOT ARBEAV.

1F

Tan fre tan tan tan,

Mélangé de trois Tan & deux Fré, lequel reçoit six diuersités ainsi qui sensuit.

A musical score consisting of five staves of music for a single melodic instrument, such as a recorder or flute. The music is written in common time (indicated by a 'C') and uses a soprano C-clef. Each staff begins with a sharp sign (F#) and consists of six measures. The notes are primarily quarter notes, with some eighth notes and sixteenth-note patterns. The lyrics, written in a cursive script, are placed directly beneath each staff:

Tan tan fre fre tan.

Tan fre fre tan tan,

Tan fre tan fre tan,

Fre fre tan tan tan,

Fre tan fre tan tan,

ORCHESOGRAPHIE.




Fre tan tan fre tan.

Meslange de deux Tan & trois Fre lequel on peult diuersifier en quatre sortes.




Tan fre fre fre tan.



Fre tan fre fre tan.




Fre fre tan fre tan.



Fre fre fre tan tan.

Aultre batement composé de quatre Fre, & vn Tan le quel ne se peult aultrement diuersifier.



Fre fre fre fre tan.

DE THOINOT ARBEAV.

13

Meslange de trois Tere & vn Fre, avec le Tan final.



tere tere tere fre tan.



tere tere fre tere tan.



tere fre tere tere tan.



Fre tere tere tere tan.

Capriol

Ie croy que le tambour ne scauroit faireaultres diuersités de battemens que ceulx qu'aués declaré cy dessus.

Arbeau.

La deduction vous en a esté ennuyeuse, mais il en y à encor d'autres que l'acheueray affin de ne laisser imparfaict ce que i'en ay commencé.

Meslange de deux Tere, & deux Fre, aucc le Tan final.



tere tere fre fre tan.

ORCHESOGRAPHIE


Tere fre fre tere tan,
Tere fre tere fre tan,
Fre fre tere tere tan,
Fre tere fre tere tan,
Fre tere tere fre tan.

Meslangé d'un Tere & trois Fre, avec le Tan final, lequel on peut diversifier en quatre sortes, après lesquelles je vous déuiray le reste des autres meslanges.


Tere fre fre fre tan,
Fre tere fre fre tan,
Fre

DE THOINOT ARBEAV.

13



Meslange de trois Tan, vn Terc & vn Fre, delaquelle sont faites & composées, les diuersités que sensuyuent en nombre de douze.



D


ORCHESOGRAPHIE



Tan tan fre tere tan.



Tan fre tere tan tan.



Tan fre tan tere tan.



Tere fre tan tan tan.



Fre Tere tan tan tan.



Fre tan tere tan tan.



Fre tan tan tere tan.

Meſſange de deux Tan, deux Tere, & vn Fre, de laquelle ſont faites & composées les diuertitez qui s'entrauuent, & ſont en nombre de douze.

Tere tere tan fre tan,

Tere tan tere fre tan,

Tan tere tere fre tan,

Tere tere fre tan tan,

Tere tan fre tere tan,


Tan tere fre tere tan,

Tan fre tere tere tan,

Tere fre tere tan tan.

D ij


ORCHESOGRÁPHIE



Tere fre tan tere tan.



Fre tan tere tere tan.



Fre tere tan tere tan.



Fre tere tere tan tan.


Mélangé de deux Tan vn tere & deux Fre de laquelle sont faites & composées les diuersités qui s'en suyuent & sont en nombre de huit.



Fre fre tere tan tan.



Fre fre tan tere tan.



Fre tere fre tan tan.

Fre tan fre tere tan.
 Fre tere tan fre tan.
 Fre tan tere fre tan.
 Tere fre fre tan tan.
 Tan fre fre tere tan.

Entre toutes les diuersitez nombrees cy dessus, vn tambour pourra choisir celles quiluy sembleront estre plus aggrefables, & mieulx sonnantes aux aureilles.

Capriol.

Pourquoy y meſt on ces ſouſpirs? Que ne fait le tambour pour chacune paſſee les huit minimes blanches? quatre pour le pied gauche, & quatre pour le pied droit.

Arbeau.

Sile tambour n'uoit point de ſouſpirs, les marches des ſoldats pourroient tumber en confuſion car[comme ie vous ay dit] laſſiette du pied gauche doibt estre ſur la premiere note,

ORCHESOGRAPHIE

& lassiete du pied droit sur la cinquième, & si les huit notes estoient toutes toucheées , vn soldat pourroit faire les assiettes de ses pieds sur aultres notes que sur la première & cinquième: Ce qui n'aduient en y colloquant des repos & soupirs, car battant ainsi il entend bien ladiete première note, & ladiete cinquième.

Capriol.

Ne peult on faire des soupirs es battemens du tambour aultres qu'apres la cinquième note?

Arbeau.

Le tambour des Suyses fait vn soupir aprez la troisième note, & les trois soupirs a la fin: mais tout reuient à vn: car les assiettes des pieds se font tousiours sur la première & cinquième note.



Capriol.

Ces modes de marcher au son du tambour sont belles, quant elles sont bien obseruées.

Arbeau.

Elles se peuvent faire aultrement par ladicté mesure binaire en mettant seulement vng soupir aprez les cinq nottes minimes: & en ce cas le soldat pôse son pied gauche sur la premiere note, puis son pied droit sur la troisième note, puis encor son pied gaulche sur la cinquième. Et au battement qui vient aprez, il fait laissiette de son pied droit sur la premiere note, puis de son pied gaulche sur la troisième note, & encor de son pied droit sur la cinquième, & ainsi continuant tant que le chemin dure.

Capriol.

A ce compte chacun battement de tambour emporteroit plus grand espace de chemin qu'il ne feroit en marchant par pasées.

Arbeau.

C'est chose certaine: Car le premier battement, emporteroit sept pieds, & tous les autres suyuans six pieds seulement, & par ce moyen le soldat chemineroit vne lieue en mil six cents soixante six battemens de tambour ou enuiron. Il feroit possible aussi de battre lesdites cinq minimes blâches & vn soupir, & les marcher & passer par mesure ternaire.



Soubz ladicté mesure ternaire le soldat poseroit laissiette de son pied gauche sur la premiere note & puis laissiette de son pied dreict, sur la quatrième note, & ainsi consequemment.

Capriol.

Ceste mesure ternaire est bien gentile, les pasées y sont semblables comme au binaire, & si nya qu'vng soupir & repos.

Arbeau.

Quant les guerriers approchent l'ennemy, ils se serrent plus estroitement, & doibuent bien obseruer leurs marches com-

ORCHESOGRAPHIE.

me ie vous ay dit en assenant le gaulche sur la premiere nōtte.

Capriol.

Si le soldat assooit le pied droit sur ladiète premiere nōtte, tout ne reuiendroit il pas a vng?

Arbeau.

Non pas bonnement , par ce que [comme il est a presupposer] la plus part des soldats estants droictiers & marchans le pied gauche le premier , si aulcungs commençcoient par le droit & finissoient par le gauche, ils se hurteroient les espaules lors qu'ils sont serrez, & s'empescheroient, par ce que nous gettons l'espaulle du cousté de lassiette du pied. Si donc vn soldat commenceoit du pied gauche , son espaulle yroit a gauche , & l'espaulle de celuy qui commenceroit du pied droit iroit a droit , & se viendroit à heurter. Ce que n'aduient es marches semblables & de mesme pied ou les espaules vont vndoyants d'un cousté puis d'autre sans se heurter ou empescher: ce que vous experiméterez facilement en vous promenant avec quelcung. C'est pourquoi le tambour fait aucunes fois vne continuation de plusieurs battements ioincts ensemble, affin que s'il y a de la confusion par transmutation de marches, les soldats la puissent reparer , & qu'ils se remettent tous aisément sur lassiette gauche, après qu'ils ont ouy le repos du soupir ou de trois soupirs: Et cela fert grandement à faire les euolutions.

Capriol.

Qu'est-ce à dire euolution.

Arbeau.

Ce n'est pas nostre intention de traicter icy de l'art militaire: Si vous voulez sçauoir que c'est euolution, voiez le liure que *Ælianu*s a escript à l'Empereur Adrian, Je vous diray seulemēt: qu'oultre les marches saltations & dances guerrieres cy dessus declarees: le tambour y fe d'une continuation de battemēts plus legiers & concitez par mainimes noires, y entremesflant des

coups

coups de battons, frappez rudement, lesquelz font vn son cōme si cestoient coups d'arquebuzes, & ce quād les soldats approchent l'ennemy de prez: Et lors qu'ils se veullent ioindre contre le bataillon de l'ennemy, les soldats se serrent les vns contre les autres, comme s'ils estoient tous d'vne piece, & couchent leurs picques & sarisses, faisans d'icelles vn rampart fort espaiz, & difficile à forcer & rompre.



Cependant le tambour sonne deux minimes noires continues, qui font la mesure binaire legiere, du pied que les Poëtes appellent Pirrichie, & fauanceans, tenant tousiours le pied

E

ORCHESOGRAPHIE

gauche devant, & en font lassiette sur la premiere note du Pirrichie. Et sur la deuxieme note dudit Pirrichie, ils font lassiette du pied droit dernier, & proche dudit pied gauche, cōme pour s'en servir d'Arc bouttant. Et ainsi fault etat & danceans, commencent le combat, comme si le tambour vouloit dire:



Dedans dedans dedans dedans dedans dedans

Capriol.

Je marcherois & dancerois maintenant fort bien [ce me semble] les passeez militaires soubz les battemens & mesures. Mais pourquoy est ce tambour accompagné d vn ou deux flutteurs?

Arbeau.

Nous appellons le fifre vne petite flutte trauerse à six trouz, de laquelle vsent les Allemandz & Suysses, & d'autant qu'elle est percee bien estroitement de la grosseur d vn boulet de pistolet, elle rend vn son agu:aulcungs vsent en lieu de fifre dudit flajol & fluttot nommé arigot, lequel selon sa petitesse à plus ou moins de trouz, les mieulx faits ont quatre trouz devant & deux derriere, & est leur son fort esclattant, & pourroit on les appeller petites Tibies, par ce que premierement on les faisoit de Tibies & iambes de Grues. Les Ioueurs desdicts tambour & fifre sont appellez du nom de leurs Instruments, quāt nous disons de deux soldats, que l vng est le tambour & l'autre le fifre de quelque Capitaine.

Capriol.

Y à il certaine façon pour iouer du fifre ou arigot?

Arbeau.

Ceulx qui en sonnent iouent à plaisir, & leur suffit de tumber

en cadance avec le son du tambour, toutesfois nous lisons que le ton Phrigien que les musiciens appellent le troisieme ton, incite naturellement à colere, & d'iceluy vsoient les Lydians allans en la guerre: L'histoire rapporte que quand Thimothée en iouoit sur la Tibie, aussi tost Alexandre le Grand se leuoit comme futeux & entré de combatre. Bacchus grand Capitayne nommé Dionisius apprit ses soldats enuironnez des femmes de son camp à danser & faire marches guerrieres au son du tambour & de la Tibie Phrigienne, & par ce moyen subiuga les Indois, car les Indois marchoient en foule & confusion avec cryz & hurlements. & partant furent perturbez & facilement mis en vaude-route & vaincu.

Capriol.

Donnez moy vne tabulature du fifre ou arigot comme vous mauez donné du tambour.

Arbeau.

Ie vous ay dit que la musique du fifre ou arigot se compose au plaisir du ioueur: Toutesfois ie vous en donneray icy vng petit extraict que i'ay retire de M. Ysaac Hnguet Organiste, lequel l'extende sur son Espinette depuis C sol fa vt, ou B fa B my, iusques en E la: Et pour Basse-contre en lieu de tambour, il tient du poulce de sa main gauche C fa vt, & du petit doigt l'octave en bas, lesquelz il touche par recharge, sçauoir l'octave en bas sur la premiere minime blanche. & C fa vt sur la cinquième, tenant tousiours ferme le doigt demonstrant sur le G vt, qui fait l'accord parfaict d'une quinte avec ladiete octave en bas, & d'une quarte contre ledi C fa vt.

Capriol.

Il me semble [sauf vostre correction] que par les reigles de musique, ceste quarte n'est pas recevable pour scruir en la Basse-contre.

Arbeau.

Vous le prenez fort bien, mais cela s'entend quand on veut

ORCHESOGRAPHIE

faire chanter quatre partie avec les voix: mais en ce cas icy , il est question du son du tambour, lequel sert de Basse contre, & parce qu'il n'a point de phtongue & consistance, il est comme ic vous ay dit à tous accords , & n'est pas mal fait que l'Espinette le represente en ces dis cords accordants, & auant que de vous en donner la Tabulature, vous vous sonviendrez qu'il y a deux manieres de flutter, l'une en tetant, l'autre en rollat, au premier la langue du loueur fait té té té, ou tere tere tere , & au second ieu rollé . la langue du loueur fait relé relé relé; Je vous aduerty de cecy , parce que la Tabulature que ic vous veulx escripre doit estre fluttée en ieu té té , & non pas en ieu rollé.

Capriol.

Pour quelle raison la doit on plustost té té, que rollé?

Arbeau.

Pour ce que la pronunciation du ieu té té est plus aigre & rude, & consequemment plus conuenable au son guerrier , que n'est celle du ieu rollé.

Tabulature du Fifre, ou Arigot du troisième ton.



DE THOINOT ARBEAV.

19



ORCHESOGRAPHIE





Capriol.

Ie suis bien aise d'auoir ceste tabulature, i'ay vn petit arigot
ie m'essaitay d'y iouer le contenu en icelle.

Arbeau.

Vous pourrez ampliffler ceste musique, à vostre plaisir &
phantasie . Et si d'aumenture vous presuposés que le tambour
sonne par mesure ternaire, laquelle consiste de cinq minimes
blanches & vn soupir, vous vous pourrez ayder de la musique
cy dessus en retranchant deux minimes blanches sur chacun
battement tantost sur la fin des cadances,tantost sur le com-
mencement , tantost sur le meillieu , tellement que la liaison
n'en soit point corrompue.

Capriol.

Ceulx qui ont cognoissance de la musique, le peuuent faire
facilement. *Arbeau.*

Ie vous en veulx donner vne en mesure ternaire,dont vous
vferez sans auoir la peine de retrancher la susdicté si vous ne
voulez ,laquelle vous pourrez aussi amplifier tant qu'il vous
plaira. *Capriol.*

Puisqu'il vous plaist prendre ceste peine, vous m'obligerez,

ORCHISOGRAPHIE

Tabulature pour iouer du Fifre ou
A rigot en mesure ternaire.




DE THOINOT ARBEAV.

21



ORCHESOGRAPHIE



Capriol.

Ie n'ay aulcune affection d'aller en la guerre, toutesfois ces preceptes que m'auez donnez de la dance guerriere me pourront seruir quant nous ferons quelque monstre en armes par la ville de Lengres : Mais tandis passez oultre, & m'enseignez que cest de la dance recreative.

Arbeau.

Il vous fault premièrement premettre qu'à la similitude du tambour, duquel nous auons parlé cy dessus, on en a fait vng petit que l'on appelle tabourin à main, long d'environ deux petits piedz & vn pied de diametre, que Ysidorus appelle moi-tyé de Symphonie, sur les fonds & peaulx duquel on colloque des fillets retors, en lieu qu'au grand tambour on y mett sur le diametre de l'vng des fonds seulement vn double cordeau.

Capriol.

Dequoy seruent ces fillets retors?

Arbeau.

Ilz sont cause que quant le tabourin est battu d'vng batonnet, ou avec les doigts, le son dudit tabourin est stridule & tremblotant.

Capriol.

Sympophic, cest à dire consonance, & non pas vn tabourin.

Arbeau.

A la verité, ce mot grec de Symphonie est à dire consonance, & de ce mot sont appellez les Musiciens Symphoniaques: Mais il n'est pas impertinent, que le tabourin ait receu ceste denomination d'estre compris soubz le nom de Symphonie, & l'appelle Ysidore demye ou moytié de Symphonie, parce qu'il est accompagné ordinairement d'un ou plusieurs autres Instruments musicaux, avec lesquels il convient, & leur denne grace seruant de Base & Disdiapason à tous accords, c'est vray semblablement, celuy duquel on vsoit avec l'instrument appellé Chorus, pour rendre louange à Dieu en resissance, & dont parle le S. Prophet royal, quand il dit : *Laudate Dominum in tympano & chorus*: En Sainte Luc 15. le filz ainé du pere de famille fut indigné quand il seçut que pour la bien venue de son frere, l'on faisoit grand chere avec le veau gras & la Symphonie & le Chorus. Daniel recite en son 3. Chap. que Nabuchodonosor fit crier que chacun adorast sa statue, si tost que l'on otroit iouer la flute le haubois, la sacqueboutte, la harpe, le psalterion, la Symphonie, & autres instruments musicaux.

Capriol.

I'euſſe interprété ce mot de Chorus pour vne compagnie de danſeurs.

Arbeau.

Jay veu la figure duict instrument Chorus en vn liure où tous les Instrumēts sont descriptis, & estoit ioinct avec la Symphonie ou tabourin, comme maintenant on y ioinct la flute ou grand Tibie. Les Basques & Bearnois vſent d'un autre tabourin qu'ils tiennent ſuspendu à la main gauche, & le touchent avec les doigts de la main droiſte, le bois eſt ſeullement creux de demy pied, & les peaulx d'un petit pied de diametre, & eſt enuironné de ſonnettes & petites pieces de cuyure, rendants vn bruiſt agreable & non affreux, comme celuy grand que descript Suidas remploye de clochettes, duquel vſoit ceulx des Indes en leurs batailles. Quant à nostre tabourin, nous ny

ORCHESOGRAPHIE

mettons point de sonnettes, & l'accompagnons ordinairement d'ynce longue flutte ou grand tibie : Et de ladict flutte le ioueur chante toutes chansons que bon luy semble, la tenant auco la main du bras gauche, duquel il soustient le tabourin.



Capriol.

Est-il possible qu'il puisse faire sonner vne chanson avec sa main gauche seulle : Je ne le puis croire, car ie suis assez empesché de treuuer tant de voix diuerses avec mes deux mains sur vne flutte à neuf trouz, & aussi il me semble impossible de iouer & la tenir d'vne mesme main.

Arbeau.

Le bout pres la lumiere est soustenu dans la bouche du Ioueur, & le bout d'embas est soustenu entre le doigt auriculaire & le doig medicin, & oultre ce afin qu'elle ne coule hors la main du ioueur, il y a vne esguillette au bas de ladict flutte ou se met ledict medicin pour l'engaiger & la soustenir, & n'a que trois pertuis, deux deuant, & vng derrier, & est admirablement inventee, car du doig demonstrant & du doig du meilleur qui touchent sur les deux pertuis deuant & du poulce qui touche sur le pertuis derrier, tous les tons & voix de la game

s'y trouuent facilement.

Capriol.

C'est donc vng secret que l'apprendrois volontiers en pâſſant chemin, puis ie vous remettray en propos.

Arbeau.

Vous debuez ſçauoir quelles tubes ou tuyaulx qui font haults & longs, & ont la lumiere basse & eſtroite comme eſt la flutte de question, faultē facilement & naturellement à leur quinte quant ilz font soufflez vn peu plus fort: Et ſi on les ſouffle encor plus fort, ils montent à l'oētaue: De facon que quant la longue flutte eſt ſoufflée doucement & tous les pertuis font bouchez, ſupposé qu'elle ſonne G vt, ſi on ouvre le premier pertuis que bouche le doigt median, elle ſonnera A re, ſi on ouvre encor le deuxieme pertuis que bouche l'index, elle ſonnera B my, & ſi on ouvre le troisieme pertuis qui eſt derrier que bouche le poulce, elle ſonnera C fa vt: Aprez cela, le tout eſtant bié bouché, ſoufflant vn peu plus fort, elle faulte à la quinte & ſonne D ſol re: Auec ce meſme vent, ſi le median eſt leué, elle ſonnera E la my, & le demonſtrat leué aprez, elle ſonnera F favt: Ce fait, en leuant le poulce, elle ſonnera G ſol re vt, & ainsī co-continuant & leuant les doigs, & donnant le vent fort comme il y appartient, on y trouue plusieurs gradations de voix.

Capriol.

Vous faites ceste oētaue de G ſol re vt ſut l'ouverture du poulce, donc en fermant tout, ce deburroit eſtre A la mi re,

Arbeau.

Le tout bouché ſonne l'oētaue aussi, a cauſe de la naturelle diſpoſition de cete forte de flutte, qui faulte toute bouclée à la quinte, puis à l'oētaue.

Capriol.

Quant on diet en Therence, que la comœdie de l'Amdrie fut jouée ſous les Tibies non paſſilles de Claudius. Se doibt il en-

Fijj

ORCHESOGRAPHIE

tendre de ces flutes dont vous parlés?

Arbeau.

Certes je le croy ainsi, car par les marbres antiques il se trouue qu'un mesme personnage iouoit de deux flutes tout en semble desquelles l'une estoit plus grâde & sonnoit plus graue, l'autre estoit plus courte, & sonnoit plus aigre. La plus grande estoit à la main gaulche: & la plus courte, à la main droite. Et les tenoient ainsi a mon aduis affin de mieulx & plus aisement faire les cadances du dessus, de la diète main droite. Il me souuient d'auoir veu iouer d'une flute double (venant du mont fainct Claude que Ptolomée appelle le mont Iuras) l'une desquelles estoit coupée plus courte, & faisoit vne tierce sur la plus grande, & celluy qui en iouoit des deux mains les faisoit accorder harmonieusement.

Capriol.

Valere maxime, au chappitre des Institutions, anciennes par le du college des ioueuirs de Tibies.

Arbeau.

Ce college estoit comme les bandes des ioueuirs d'instrumëts qui sont par les villes: Et iouoient de diuersités de Tibies, les vnes comme celles dont nous venons de parler, aultres à neuf trous, aultres avec languettes de rozeaulx, approchans le son des trompettes comme sont noz haulbois, desquelz parle le Poëte Horace disant ainsi:

Tibia non ut nunc oricalcho cincta, tubæque

Emula.

Capriol.

À la verité les haulbois ont quelque ressemblance aux trôpettes, & font vne consonance assez agreable, quand les gros sonnans l'octaue en bas, sont menez ensemblement avec les petits haulbois qui tiennent l'octaue en hault.

Arbeau.

Ceste couple est bonne pour faire resonner vn grand bruit, tel qu'il fault es festes de village & grandes assemblees, mais si elle estoit iointe avec la flute, elle offusqueroit le son de ladite flute: Bien la peult-on ioindre avec le tabourin, ou avec le grad tambour.

Capriol.

Sepeult-on ayder du grand tabour pour la danse recreatiue?

Arbeau.

Ouy certes: mesmement avec lesdits haulbois qui sont bruyas & cryards, & sont soufflez avec force,

*Capriol.*

Reuenons au propos du Tabourin, & de la danse.

Arbeau.

Le tabourin accompagné de sa flute longue entre autres instruments, c' estoit du temps de noz peres emploie pour ce qu'un seul ioueur suffisoit à mener des deux ensemble, & faisoient la symphonie & accordace entiere sans qu'il fust besoing de faire plus grad despence, & d' auoir plusieurs autres ioueurs comme violons, & semblables, maintenant il n'est pas si petit manourier qui ne veuille a ses noces auoir les haulbois & sa queboutes. Lors on dançoit plusieurs sortes de dances recreatiues.

Capriol.

ORCHESOGRAPHIE

Dictez moy quelles sont ces dances, & comment il s'y fault conduire.

Arbeau.
On dançoit pauanes, basse-dances, branles & courantes : les basse-dances sont hors d'usage depuis quarante ou cinquante ans : Mais ie preuoy que les matrones sages & modestes les remettront en usage, comme cestant vne sorte de dance pleine d'honneur & modestie.

Capriol.

Comment est-ce que noz peres dançoient la basse-dance ?

Arbeau.

Il y auoit deux sortes de basses dances les vnes communes & regulieres les aultres irregulieres. Les regulieres estoient appropriées aux chansons regulieres & les irregulieres aux chansons irregulieres.

Capriol.

Qu'appellés vous chansons communes & régulieres.

Arbeau.

Les musiciens d'alors composoient leurs chansons de seize mesures qu'ilz repetoient, & ainsi estoient trente deux mesures pour le commencement : & pour la mediation mectoient seize mesures, & sur la fin seize mesures repetées qui faisoient trente deux mesures, ainsi en tout estoient quatrevingtz mesures, dont la basse dance commune & reguliere estoit cōposee : Et si d'auenture l'air de la chanson passoit ces octante mesures, la basse dance iouée sur icelle, estoit appellee irreguliere.


Capriol.

Quelz mouuemens conuenoit-il faire pendant ces mesures ?

Arbeau.

Il vous fault auparauant sçauoir que les chansons des basse dances sont iouées par mesure ternaire, & à chacune mesure, le tabourin pour s'accorder avec la flutte, fait sa mesure ternaire aussi :

aussi : En frappant lesdites octante mesures de son batonnet, lesdites mesures consistans d'une minime blanche & de quatre noires ainsi :



Et a chacune mesure , le danseur fait les mouuements des pieds & du corps, selon les preceptes de la dance.

Capriol.

Comment feray-ie ces mouuements, quant ie voudray danser vne basse-dance.

Arbeau.

En premier lieu, quand vous serés entré au lieu , ou est la compagnie préparée pour la dance , vous choisirés quelque honnesté damoiselle telle que bon vous semblera, & ostant le chapeau ou bonnet, de vostre main gaulche , luy tendrés la main droite pour la mener dancer. Elle sage & bien aprise, vous tendra sa main gaulche , & se leuera pour vous suyure. Lors la conduyrés au bout de la salle , à la veüe d vn chacun, & aduertirés les ioueurs d'instrumétz de sonnet vne basse danse. Car aultrement ilz pouroient sonner par inaduertence quelque aultre sorte de dances. Et quant ilz commenceront à sonner, vous commencerés à dancer. Et notterés que leur demandant vne basse dance, ilz entendront assés qu'en demanderés vne reguliere & commune: toutefois si lair d'une chanson sur laquelle est formée vne basse dance vous aggretoit plus que d'une autre pourrés leur nommer le commencement de la chanson.

Capriol.

Si la damoiselle refusoit je le rois bien honteux.

G

ORCHESOGRAPHIE

Arbeau.

Vne damoiselle bien apprise, ne refuse jamais celluy qui luy fait cest honneur, de la mener dancer & si elle le fait, elle est reputee folle, car si elle ne veult dancer elle ne se doit pas meatre au renc des aultres.

Capriol.

Ie le croy bien, mais tandis la honte du refus en tumberoit sur moy.

Arbeau.

Si vous estiés assuré de la bône gracie d'vne autre damoiselle de la compagnie, il la fauldroit prendre & laisser ceste mal gracieuse, en vous excusant de luy auoir esté importun: toutefois il s'en treuveroit assés d'aultres, qui ne le porteroient pas si patiemment: mais il vault mieulx parler ainsi doucement, qu'avec vne aigreur, & ainsi faisant vous acquerrezs reputation d'estre doulx & humain, & reiecherés sur elle la marque d'vne glorieuse: indigne de l'honneur que luy faisiez.

Capriol.

Nousvoila plantés au bout de la sale, les ioueurs commencent à sonner la basse dance, par quelz mouuementz commencerons nous à marcher?

Arbeau.

Le premier mouuement est la reuerence, marquée par vne grande R. La deuxieme sorte de mouuement, est le branle, marqué par vn b. La troisieme sorte de mouuement, sont deux simples, marqués par ss. La quatrieme sorte de mouuement est le double, marqué par vn d. La cinquieme sorte de mouuement, est la reprise, marquée par vne petite r.

Capriol.

Eft-ce la tout ce qu'il fault dancer en vne basse dance commune & reguliere?

Arbeau.

Il n'y à point d'autres sortes de mouuementz en là basse dace ny au retour de la dicté basse dance, bien y font lesdictes sortes repetées plusieurs fois.

Capriol.

Qu'entendés vous par ce retour de basse dance?

Arbeau.

La basse dance entiere contient trois parties: La premiere partie est appellée basse dance: La seconde partie est appellée retour de la basse dance: Et la troisieme & derniere partie, est appellée tordion. Je vous en ay icy mis par escript vn memoire, affin que l'appreniez par cœur.

Memoire des mouuementz pour la basse dance.

R b ff d r d r b ff ddd r d
r b ff d r b c.

Capriol.

Que veult dire ceste lettre c que vous avez mise à la fin?

Arbeau.

Elle signifie le congé qu'il fault prendre de la Damoiselle, en la saluant, la tenant toufiours par la main pour retourner ou l'õ a commencé, affin de danser la seconde partie & retour de la dicté basse dance.

Memoire des mouuementz pour le retour de la basse dance.

b d r b ff ddd r d r b c.

G ij

ORCHESOGRAPHIE

Ceste lettre c finale, signifie congé comme l'autre, & n'y a point de grand Rau commencement de ce retour, parce qu'on le commence sans faire la reuerence, laquelle se differe iusques après le congé, auant que commencer le tordion.

Capriol.

Exposez moy particulierement & par le menu les gestes & mouuements signifiés par ces lettres & memoires.

Arbeau.

La reuerence premier geste & mouuement, tient quatre battements de tabourin, qui accompagnent quatre mesures de la chanson que sonne la flute. Anthoine Arena considerant que toutes dances commencent par le pied gauche, a esté d'aduis que la reuerence doit estre faicte du pied gauche, toutesfois il semble en fin qu'il le remette en doute, disant ainsi:

Bragardi certant, & adhuc sub iudice lis est,

De quali gamba sit facienda salus.

Quand à moy, ie tiens avec mon maistre, souz lequel i'ay autresfois appris à Poictiers, qu'il la fault faire du pied droit :



Cefaisant on a moyen de tourner le corps & la face deuers la Damoiselle, & luy ietter vn gracieux regard.

Capriol.

Le branle suit la reuerence, comment le fault-il faire?
Arbeau.

Le branle est appellé par Arena *Congeduum*. & croy qu'il le nomme ainsi. pource qu'à veoir le geste du danseur, il sembleroit qu'il voulust finir & prendre congé, & neantmoins apres le branle, il continuera ses marches & mouuements, comme ils sont escrits édits memoires: Ledit branle se fait en quatre batteméts de tabourin, qui accompagnent quatre mesures de la chanson iouee par la flutte, en tenant les pieds iointz, remuant le corps doucement du costé gauche pour la premiere mesure, puis du costé droit, en regardant les assistans modestement pour la deuxieme mesure, puis encor du costé gauche pour la troisieme mesure: Et pour la quatrieme mesure du costé droit, en regardant la Damoiselle d'vnce œillade destrobee doucement & discrettement.

*Capriol.*

Deux simples suyuent le branle, comment fault-il les faire?
Arbeau.

Vous marcherez en auant du pied gauche pour la premiere
 G iiij

ORCHESOGRAPHIE

mesure : Puis mettrez le pied droit ioinct avec ledict gauche pour la deuxieme mesure: Puis auancerez le pied droit pour la troisieme mesure: Et à la quatrieme mesure & battement, ioindez le pied gauche avec ledict pied droit, & ainsi sera parfaict le mouvement des deux simples : Et se fault donner garde de faire les auonces des pieds si grandes qu'il semble qu'on veuille mesurer la longueur de la salle, ioinct que la Damoiselle ne pourroit honnestement faire de si grādes pasées comme vous feriez. Atena & aultres de sa sequelle fōt le simple d'un mesme pied, marquant pour la premiere mesure du pied gauche a couste du droit, puis aduanceant ledit gauche. Et autant du pied droit: Mais il me souviēt que mon maistre de Poictiers impreuuoit ceste mode, disant qu'il estoit plus décent de finir les deux simples par les pieds ioincts, que par l'aduacee de l'un des pieds.

Capriol.

Ceste raison me semble bonne, & suiuray vostre opinion: Venez à ceste heure au double, par quel mouvement le fault-il faire?

Arbeau.

Le double se fait en quatre mesures & battements du tabourin: Sur la premiere mesure, fault auacer le pied gauche. Sur la seconde mesure, il fault aduancer le pied droit. Sur la troisieme mesure, il fault encor auancer le pied gauche : Et sur la quatrieme mesure, il fault ioindre le droit avec ledit gauche. Et ainsi en 4. mesures fera complet le double : Et s'il ya deux doubles : L'autre double suyuant se fait au contraire du premier, auanceant le pied droit, puis le pied gauche, puis encor le pied droit: Et à la quatrieme mesure fault ioindre le pied gauche avec le droit: Et ainsi en huit mesures demeuerront accomplis les deux doubles. Et pour faire encor vng troisieme double, il fault auancer le pied gauche, puis le pied droit, puis le gauche, puis tumber a pieds ioincts comme a esté fait au premier double : Et ainsi demeurent les trois doublesacheuez en

douze battements & mesures du tabourin.

Capriol.

Il reste encor à sçauoir comme l'on fait vne reprise,

Arbeau.

Le mouuement appellé reprise, precede ordinairement le branle, & quelquesfois le double, & tient quatre mesures du tabourin aussi bien comme les aultres mouuements, lequel vous ferez en remuant vn peu les genoux, ou les pieds ; ou les artois feullement, comme si les pieds vous fremoient : Sçauoir sur la premiere mesure les artois du pied droit, puis encor lesdits artois du pied droit sur la seconde mesure, puis les artois du pied gauche sur la troisieme mesure : & les artois dudit pied droit sur la quatrieme mesure : Et en ces quatte mouuements demeure accomplie la reprise & le daceur, prest à faire le branle ou les aultres mouuements qui suyuent.

Capriol.

Si nous voulions appeler les 4. mesures du tabourin & de la flutte vng quaternion ou tetradion : Ie treuue en comptant les caracteres que m'auez donnez par memoire, que la basse-dance contient vingt quaternions : Et le retour de la basse-dance contient douze quaternions.

Arbeau.

La supputation en est bonne : Et après la basse-dance & le retour de la basse-dance : Vous pourrez commencer la dance du tordion, qui est en mesure ternaire, comme est la basse-dance : Mais elle est plus legiere & concitée.

Capriol.

Le tordion est-il composé des mesmes mouuements de la basse-dance & son retour, c'est à dire de simples, doubles, reprises & branles ?

Arbeau.

C'est vne aultre sorte de mouuements qui consiste de certaines assiettes de pieds & vne cadance, ce que ie vous donne-

ORCHESOGRAPHIE

vray plus clairement à entendre quant nous parlerons de la gailarde, car le tordion n'estaultre chose qu'une gaillarde par terre.

Capriol.

Apprenez moyles mouuements de ceste gaillarde.

Arbeau.

Nous en parlerons aprés que nous aurons parlé de la pauane, laquelle on dançoit ordinairement auparauant la basse-dance: Ladicté pauane n'a pas esté abolie & mise hors d'usage du tout, & croy qu'elle ne le fera iamais, vray est qu'elle n'est pas si fréquentee que par le passé: Noz loueurs d'instruments la sonnét quant on meyne espouser en face de sainte Eglise vne fille de bonne maison, & quant ils conduisent les prebstres, le batonnier & les confreres de quelque notable confrarie.

Capriol.

Attendant que traictiez de la gaillarde, dites moy de quels mouuements il fault ufer en la pauane.

Arbeau.

La pauane est facile à dancer, car il n'y a que deux simples & vn double, en marchant & sauanceat. Et deux simples & vn double en reculant & desmarchant: Et se ioue par mesure binnaire. Et noterez qu'en la dançant, lesdits deux simples & ledit double de l'aduance, se commencent par le pied gauche: et lesdits deux simples & le double de la desmarçhe, se commencent par le pied droit.

Capriol.

Le tabourin d'oc & aultres instruments y font huit battements & mesures en marchant, & huit mesures en desmarchant.

Arbeau.

Il est ainsi: Et si on veut on ne recule point, & marche lon tousiours auant.

Capriol.

Nefait-on point de demarches en danceant la basse-dance?

Arbeau.

Arbeau.

Quelquesfois il y a si grand presse & multitude de personnes en la salle, que la place pour dancer est racourcie, parquoy qu'ad vous serez prez du bout, fauldra que faciez de deux choses l'une, ou que desmarchiez vous & la damoiselle que vous menez, ou bien que faciez vne conuersio[n].

Capriol.

Qu'entendez vous faire conuersio[n]?

Arbeau.

C'est à dire qu'approchant du bout, vous faciez touſiours aller droit la damoiselle, & vous desmarchiez autant quelle marchera, iusques à ce qu'aiez torné le doz du couſté qu'auiez les vifaiges.

Capriol.

Lequel des deux vous semble le meilleur à faire?

Arbeau.

Mon opinion est qu'il vault mieux uſer de conuersio[n], affin que la damoiselle puisse veoir ou elle marche, car si elle treuuoit quelque empeschement en faisant les desmarches, elle pourroit tumber, chose qui vous torneroit à blaſme, & qui vous reculeroit de ses bônes graces. Et ainsi me semble de buoir eſtre fait es pauanes quant on les veult dancer, en faisant deux ou trois tours par la ſalle.

Capriol.

Le battement du tabourin pour la pauane, eſt il comme pour la basſe-dance?

Arbeau.

Il eſt binaire, confiſtant d'vne minime blanche & de deux noires, en cete façon:

*Capriol.*

Ie treue ces pauanes & basſe-dances belles & graues, & biē

ORCHESOGRAPHIE

seantes aux personnes honorables, principalement aux dames & damoiselles.

Arbeau.

Le Gentil-homme la peult dancer ayant la cappe & lespee: Et vous aultres vestuz de voz longues robes, marchants honnestement auec vne grauite posee. Et les damoiselles auec vne contenance humble, les yeulx baiffez . regardans quelquesfois les assistans auec vne pudeur virginale. Et quant à la pauane, elle sert aux Roys, Princes & Seigneurs graues, pour se monstrier en quelque iour de festin solemnel, auec leurs grands manteaux & robes de parade . Et lors les Roynes, Princesses, & Dames les accompagnent les grands queüies de leurs robes abaissées & traînans, quelquesfois portees par damoiselles. Et sont lesdites pauanes iouees par haulbois & saquebouttes qui l'appellent le grand bal, & la font durer iusques à ce que ceux qui dancent ayent circuit deux ou trois tours la salle: si mieulx ils n'ayment la dancer par marches & desmarches. On se sert aussi desdites pauanes quant on veult faire entrer en vnemascarade chariotz triumphantz de dieux & deesses, Empereurs ou Roys plains de maiesté.

Capriol.

Mettez moy par escript les airs d'vne pauane & dvne basse-dance.

Arbeau.

Ie le veulx bien pour le desir que i'ay que telles dances honnestes soient remises au dessus, en lieu des dances lasciuies & deshiontees que l'on à introduict en leur place au regret des sagess seigneurs & des dames & matrones de bon & pudique iugement. Premierement ie vous donneray vne pauane auec le battement du tabourin en mesure binaire pesant . accompagnee de la taille, haulte-contre , & basse contre, laquelle suffira pour sçauoir dancer toutes les aultres , & si voulez sans la dancer, la ferez chanter ou iouer à quatre parties. Puis aprez ie vous donneray vne basse-dance commune, auec son retour & le tor-dion, laquelle semblablement vous seruira pour toutes aultres,

DE THOINOT ARBEAV.


30

pourueu que sçachiez par cœur ce que ic vous en ay donné par
escrit cy dessus:

Pauane à quatre parties: avec les mesures
& battemens du tambour,




Superius




bel le qui tiens ma vi e cap tiue dans tes

Contra tenor.




bel le qui tiens ma vi e cap tiue dans tes

Tenor




bel le qui tiens ma vi e cap tiue dans tes

Bassus.

bel le qui tiens ma vi e cap tiue dans tes
n ij

ORCHESOGRAPHIE
Battement du tambour.



Superius.




yeulx, Qui m'as la me ra ui e d'vn soubz-riz

Contra tenor.



yeulx, Qui m'as l'ame ra ui e d'vn soubz-riz

Tenor




yeulx, Qui m'as l'ame ra ui e d'vn soubz-riz

Bassus.




yeulx Qui m'as l'ame ra ui e d'vn soubz-riz

Battement du tambour




Superius.



graci eux, viens tost me secou rir ou

Contra tenor.



graci eux viens tost me scou rir ou

Tenor.




graci eux viens tost me secou rir ou

Bassus.



graci eux viens tost me secou rir ou

ORCHESOGRAPHIE
Battement du tambour.



Superius.



me fauldra mourir. viens tost me secou tir

Contra tenor.



me fauldra mou tir viens tost me se cou tir

Tenor.



me fauldra mourir viens tost me secou tir

Bassus.



me fauldra mourir viens tost me secou tir

Battement du tambour




Superius.




ou me fauldra mourir.

Contra tenor.



ou me fauldra mourir.

Tenor.



ou me fauldra mourir.

Bassus.



ou me fauldra mourir.

ORCHÈSOGRAPHIE

La pauane cy dessuz mise a quatre parties, tient deux aduances & deux desmarches marquées par leurs caractères ainsi s' d s' d s' d & tient trente deux mesures & battements de tabourin. Et pour la prolonger fault recommencer tant de fois qu'il plaist aux ioueurs d'instruments ou aux danseurs, & parce qu'il vous pourra prendre quelque iour enuie de chanter la chanson entiere, la voicy par escript.

CHANSON.

Belle qui tiens ma vie
Captiue dans tes yeulx,
Qui m'as l'ame rauie
D'un soubz-ris gracieux,
Viens tost me secourir
Ou me fauldra mourir.

Pourquoy fuis tu mignarde
Si ie suis pres de toy,
Quand tes yeulx ie regarde
Ie me perds dedans moy
Car tes perfections
Changent mes actions.

Tes beaultez & ta grace
Et tes diuins propos.
Ont eschauffé la glace
Qui me geloit les os,
Et ont remply mon cœur
D'une amoureuse ardeur.

Mon ame souloit estre
Libre de passions,
Mais amour s'est fait maistre

De mes affectiōns,
Et à mis soubs sa loy
Et mon cœur & ma foy.

Approche donc ma belle
Approche toy mon bien,
Ne me sois plus rebelle
Puis que mon cœur est tien,
Pour mon mal appaiser,
Donne moy un baiser.

Je meurs mon Angelette
Je meurs en te baiant,
Ta bouche tant doucette
Va mon bien rauissant
A ce coup mes espritz
Sont tous d'amour espris.

Plus tost on verra l'Onde
Contre mont reculer
Et plus tost l'œil du monde
Cessera de brusler,
Que l'amour qui m'évoine
Decroisse d'un seul poinct.

Capriol

Capriol.

Cestedance de pauane est trop graue & pesant, pour dancer en vne falle avec vne ieune fille seul à seul.

Arbeau.

Les ioueurs d'instruments la sonnent aulcunesfois moins pesamment, & d'vne mesure plus legiere, & par ce moyen elle se ressente de la mediocrite d'vne basse-dance, & l'appellent passe meze. Depuis peu de temps ils en ont apporté vne qu'ils appellent la pauane d'Espagne, laquelle se dance decoupee avec diversité de gestes, & par ce qu'elle à quelque conformité avec la dance des Canaries, ie ne vous en declareray point la mode de la dancer, iusques à ce que nous soyons en propos desdites Canaries, feullement vous entendrez icy qu'il y a aulcuns danseurs, lesquels decoupent le double qui est aprez les deux simples: Car en lieu que ledit double ne seroit que de quatre mesures notees par quatre semibœues, ils en font huit minimes blanches ou seize minimes noires, & conseqüemment font plusieurs assiettes de pieds, passages & fleurets, lesquels retumbent en mesme cadance, & sont de mesme duration de temps, & tels decoupe-ments & mouuemens de pieds legierement faictz, moderent la grauité de la pauane, ioinct qu'aprez la pauane, on dance cou-stumierement la gaillarde qui est legiere.

Capriol.

Apprenez moytous ces passages & decouppements.

Arbeau.

Vostre desir n'estaultre chose que de scauoir comment on peult hacher par le menu vng double. Les bons danseurs agiles & gaillards ypeuuent faire tant & tels decouppements & hachures que bon leur semble pourueu qu'ils retumbent (comme ie vous ay dit) a leur cadance, le pied apresté pour marcher les deux simples qui suyuent ledit double: Et quelquesfois ils anticipent leur passages sur le deuxieme simple. Vous entendrez

ORCHESOGRAPHIE

ces passages & decouppements quant vous scaurez les modes & façons diueries de mouvoir les pieds, dont nous parlerons en declarant la dance de la gaillarde. Cependant je vous donneray icy par escript l'air d'une basse-dance commune, avec la mesure ternaire du tabourin.

Capriol.

Fault-il necessairement qu'és pauanes & basse-dances le tabourin & la flutte y soient employez.

Arbeau.

Non qui ne veult: Car on les peult iouer avec violons, espinettes, flutes trautes & à neif trouz, haulbois, & toutes sortes d'instruments: Voires chanter avec les voix : Mais le tabourin ayde merueilleusement par ses mesures vniiformes à faire les assestes des pieds selon la dispositiō requise pour les mouuemēts.

Basse-dance appellee: Louyssance vous donneray: avec les mesures & battemens du tabourin.



Air de la basse-dance,



REVERENCE:


Battement du tambour ou tabourin.




Continuation de l'air.



BRANLE,



DEVX SIMPLES.



DOVBLE



REPRISE,



DOVBLE,

ORCHESOGRAPHIE

Battement du tabourin



Continuation de l'air.



REPRISE,




BRANLE.



DEUX SIMPLES,



DOUBLÉ,




DOUBLÉ,

DE THOINOT ARBEAV.
Battement du tabourin.

35




Continuation de lair



DOBLE



REPRISE.



DOBLE,



REPRISE.




BRANLE,

I iij

ORCHESOGRAPHIE

Battement du tabourin




Continuation de l'air.



DEVX SIMPLES,



DOVBLE,



REPRISE,



BRANLE & congé

Si tost que vous entendrés le dernier battement du branle précédent le congé vous tournerés le corps deuers la damoiselle pour (estant le bonnet faisant la tuerence) prendre ledict congé, & la restituer ou vous aués commencé la basse-dance affin de

dancer le retour de la dñe basse-dance selon les battemens du tabourin & les mouvementz qui s'en suyent.

Retour de la basse-dance avec le
battement du tabourin.



Continuation de lair



BRANLE.



DOVBLE,




R E P R I S E.



BRANLE.

ORCHESOGRAPHIE
Battement du tabourin.



Continuation de l'air.



DEVX SIMPLES.




DOVBLE.



DOVBLE.




DOVBLE.



REPRISE,

DE THOINOT ARBEAV.
Battement du tabourin.

37



Continuation de lair



DO VBLE,



REPRISE.



B R A N L E ,

& congé.

Capriol.

I'eusse bien voulu que m'eussiez mis par escript cinq ou six
pauances, & autant de basse dances.

Arbeau.

Vous en treuuerez assez grand nombre dedans les liures de
danceries imprimées par feu Attaignant, qui demeuroit près
l'Eglise saint Cosme à Paris, & dedans les liures de feu maistre
Nicolas du Chemin Imprimeur audit Paris, à l'enseigne du
Lion d'argent: Toutesfois, il vous fauldra reduire en mesurc
ternaire lesdites basse-dances, lesquelles sont mises en mesurc

K

ORCHESOGRAPHIE

re binaire.

Capriol.

Qui vous empescheroit de les reduire comme vous dites,
& de les me donner par escript?

Arbeau.

Quand on fçait les marches & mouuements d'vne pauane &
d'vne basse-dance commune, on peult danser toutes les ault-
tres: Car encores qu'elles soient differentes en airs. & qu'elles
sont chantees ou iouees diuersement, elles sont semblables en
mesure. C'est donc afaire aux ioueurs d'instruments d'en ap-
prendre de plusieurs sortes: & quand à vous, il vous doibt suffi-
re de fçauoir comme il lcs fault danser, ce qui vous est mainte-
nant facile, parce qu'en auez aptis & entendu.

Capriol.

Vous obliez de me parler des basse-dances irregulieres, & non
communes.

Arbeau.

Eilles n'ont point d'aultres sortes de mouuements que les com-
munes, & different seulement en ce qu'elles sont plus longues
ou plus courtes, ou bien egales, mais les mouuements sont dis-
posez aultrement qu'en la basse-dance commune. Atena en a
faict vng inuentaire que ie ne reciteray point icy, parce qu'on
n'en dance guieres, & aussi qu'il suffit que fçachiez pour ceste
heure la commune, seulement ie vous en donneray trois par es-
cript: L'une de vingt quatre quaternions, qui est des plus gran-
des: L'autre de quatorze quaternions, qui est des plus courtes:
Et vne de vingt quaternions, comme la commune.

Memoire des mouuements de la basse-
dance appellee confortez-moy, de vingt
quatre quaternions, qui tiennent nonan-

tesix mesures.

R b ff d ff r b ff d ff r b ff ddd ff
r b ff d ff r b c.

Bassédance appellée toute-frelore à quatorze quaternions, qui tiennent cinquante six mesures & batteméts du tabourin.

R b ff d ff r b ff ddd ff r b c.

Basse-dance appellée patience, contenant vingt quaternions comme la commune, qui font octante mesures & battements de tabourin, laquelle toutesfois est irreguliere.

R b ff d r d ff r b ff ddd r b ff d ff
r b c.

Le vous ay bien voulu descrire ces trois pour toutes les autres, ausquelles ne prendrez pas grand esgard, par ce que du passé peu de personnes les dançoient, & n'y auoit à les dancer que ceulx qui se vouloient glorifier par dessus les autres, & faire entendre qu'ils auoient bonne memoire: Et trompoient souuent par tel moyen ceulx qui sçauoient seulement dancer la commune: Car si tost qu'ils voyoient vng autre vouloir dancer avec eux, ils demandoient l'vn de ces irregulieres.

Capriol.

Poult-on dancer plusieurs ensemble?

Arbeau.

k ij

ORCHESOGRAPHIE

Vous pourriez (s'il vous plaisoit) mener deux Damoiselles: Mais il suffit d'vnne, & dit le commun proverbe que *Trop en h^et qui deux en meine*. Semblablement quant cestes planté au bout de la salle avec vne Damoiselle, vngaultre peult se planter avec sa maistresse à l'autre bout de la salle viz à viz de vous pour danser: Et quant vous aprochez les vngs des aultres, il fault retrograder ou user de conuersio[n]. Je vous ay declaré cy deuant, que cest à dire user de conuersio[n].

Capriol.

Vous m'aués dit qu'après la basse-dance & son retour, il failloit danser le tourdion, & que le tourdiō estoit vne espece de gailarde, & m'aués remis a me parler du tourdiō, quant vous seriez en propos de la gaillarde.

Arbeau.

Ceulx qui dansent la gaillarde aujourdhuy par les villes, ilz dansent tumultuairement, & se contentent de faire les cinq pas & quelques passages sans aucune disposition & ne se soucient pourueu qu'ilz tumbent en cadance; tellement qu'vnne grande partie de leurs meilleurs passages sont incogneuz & perduz: Du commencement on la dançoit avec plus grande discretion. Car après que le danceur auoit pris vne damoiselle, & qu'ilz se stoient plantés au bout de la salle, ilz faisoient après la reuerence, vn tour ou deux par la salle, marchans simplement: Puis le danceur laschoit ladict e damoiselle, laquelle alloit en danceant iusques au bout de ladict e salle, ou estant, elle faisoit vne station en danceant en ce mesme lieu: Cependant le danceur qui la suyuoit se venoit presenter deuant elle, & y faisoit quelque passage en tornant s'il vouloit à droict, puis à gauche. Ce fait, elle marchoit danceant iusques à l'autre bout de la salle ou ledict danceur lalloit chercher en danceant, pour faire deuant elle quelque aultre passage. Et ainsi continuants ces allees & ces venues, ledict danceur faisoit passages nouueaux, montrant ce

qu'il seauoit faire, iusques à ce que les ioueurs d'instruments faisoient fin de sonner. Lors il faisoit la reuerence, prenant la damoiselle par la main en la remerciant, la restituoit au lieu ou il l'auoit prise.

Capriol.

Ceste façon de danser me semble plus louable, que d'y aller sans disposition, ainsi que ie les y voy aller ordinairement, car le plus souuent le danceur torne le doz à la damoiselle, ou qui vault aussi peu : la damoiselle torne le doz au danceur pendant qu'il fait quelque paſſage.

Arbeau.

Depuis quelque temps on dance la gaillarde d'une façon qu'ils appellent la lyonnoise, en laquelle le danceur faisant place à vng aultre, prend congé de la damoiselle, la laisse & se retire: Elle ainsi laissée seule, continue la dance peu de temps, puis va choisir vng aultre danceur, & après avoir dansé par ensemble, elle prend congé de luy, & le laisse seul & se retire: Et se continuent ces changements tant que la gaillarde dure.

Capriol.

S'il ny a pas assez de filles ou de danceurs pour changer, peut-on choisir ceulx qui ia ont dansé?

Arbeau.

Vous le pourrez faire. Mais ceste façon a esté introduite pour faire entrer en la dace toutes les damoiselles de la compagnie, pour obuier à la mauuaise couſtume d'aucuns qui indiscrets en leurs affeſtions, veulent tousiours mener celle qui leur eſt fauorite: et aussi que par le moyen de ces rechanges, les moings belles peuent eſtre appellees à la dance.

Capriol.

Quels mouuements sont necessaires à ceste dance, quel'on nomme gaillarde?

Arbeau.

ORCHESOGRAPHIE


La gaillarde est appellee ainsi, parce qu'il fault este gaillard & dispos pour la dancer: Et combien qu'elle se dance par vne pesanteur raisonnable, les mouuements y sont gaillards : Car il la fault plus pesante pour vn homme de grande stature, que pour vng petit : Daultant que le grand met plus de temps à faire ses pas & à getter & reter ses pieds que le petit. Elle comprend soubz soy le tourdion que nous vous auons dit cy devant debuoir estre dance à l'ysse du retour de la basse dance: Mais ledit tourdion se dance plus doulcement, & avec actions & gestes moins violents.

Capriol.

Quels mouuements seruent à la gaillarde & au tourdion?

Arbeau.

La gaillarde deburoit tenir six assiettes de pieds, consideré qu'elle consiste de six minimes blanches sonnees par deux mesures ternaires ainsi:



Toutes fois elle ne tient que cinq assiettes de pieds, parce que la cinquieme & penultime note & minime blanche est consumee & perdue en l'air, comme vous voiez cy dessoubz ou elle est deffaillante, & en son lieu y est mis vng soupir equipient à icelle: Tellement qu'il n'y demeure que cinq notes: Et en comptant pour chacune note vne assiette de pied, fault faire compte de cinq assiettes, & non plus,



Capriol.

C'est donc ce que i'entends si souuent dire que le danseur de gaillarde doibt auant toutes choses sçauoir ses cinq pas: Mais

comment fait-on ces cinq pas ou assiettes?

Arbeau.

Il y a plusieurs manieres d'assiettes, par les meslanges des quelles on bastit les diuersitez des passaiges: Et d'icelles sont tirez & procreez les vocables propres seruants à cest art.

Capriol.

Vous les m'auez cy devant nommez & apres: N'est-ce pas reuerence, branle, deux simples, double, & reprisne, desquels m'auez donne par escript les caracteres R b ff d r.

Arbeau.

Les assiettes de la gaillarde & du tourdion sont aultres, comme ie vous exprimeray, & non sans raison, parce que les marches & mouuements de la pauane & de la basse-dance sont pesants & graues: Et ceulx de la gaillarde & du tourdion sont legiens & gaillards, tellement que les ieuunes hommes de vostre aage sont plus aptes à les dancer que les vieillards cōme moy: et pour plus claire intelligence, ie vous en donneray les figures, & leurs noms dessus, si le treuuez bon, & treuuez qu'il vous soit necessaire de les auoir.

Capriol.

Ie vous pric faire en sorte que ie puisse aisement comprendre ce qu'il vous plaira m'enseigner, & ny point espargner les figures, car ie treuue qu'elles seruēt grandement à l'intelligence de la parole & à la memoire locale.

Arbeau.

Au commencement d'vne gaillarde, il fault presupposer que le danseur tenant la Damoiselle par la main, fait la reuerence lors que les ioueurs d'instruments commencent à sonner, laquelle reuerence faite, se renge en vne contenance belle & decente. Pour faire la reuerence, vous tiendrez le pied gauché ferme à terre, & pliant le jarret de la iambe droite, portez la pointe de l'artel de la semelle droite derriet ledict pied

ORCHESOGRAPHIE

gaulche: Ostant vostre bonnet ou chapeau, & saluant vostre
Damoiselle & la compagnie, comme voyez en ceste figure:



Reuerence.



Apres que la reuerence est ainsi faicte, redresserez le corps, &
recoururāt vostre teste, retirerez vostredict pied droit, & vous
mettrez & poserez les deulx pieds ioincts, que nous entendons
estre contenance decente, quand les deulx pieds sont tellemēt
disposez

disposez, quilz sont lvn audrois de l'autre, comme vous voyez en la figure cy dessoubz, les arteils desquels sont dirigez en ligne droict, & soubstienent egallement le corps du danceur.

Pieds ioincts.



Et si d'auanture l'vne des scinelles demeure diretement posee pour soubztenir sculle la pesanteur du corps, & le tallé de l'autre pied le ioinct a icelle, & torne l'arteil obliquement : Ceste contenance sera appellee pieds ioincts oblique, dont il en est de deux sortes. Scavoir pied ioinct oblique droit, quand le pied droit se repose obliquement, & que le gaulche diiect soubstient le corps du danseur: L'autre sorte est appellee pied ioinct oblique gaulche, quand le pied gaulche se repose obliquement, & que le pied droit soubstient le corps du danseur.

Capriol.

Vous ne me diiez point comme pourra estre ceste oblique, ce que ie ne vous demande pas sans cause, car les Geometres tiennent qu'entre les lignes de l'esquierre, il y a infinites lignes obliques.

ORCHESOGRAPHIE

Arbeau.

Ceste obliquité est delaissée à l'arbitraige du danseur, telle-
ment que s'il luy plait, il mettra le pied qui se repose à l'esquierro
contre le pied qui soustient le corps, ou en tel lieu qu'il luy plai-
ra, entre deux, approchant le pied ioinct, pourueu que ce ne soit
ledit pied ioinct: Car de passer le traict de l'esquierre, la flexion
de la iambe ne le permet naturellement: Voyez cy la figure
dudit mouuement des pieds ioincts obliques.

Pied ioinct obli-
que droict.

Pied ioinct obli-
que gaulche.



Les mouuements de ces pieds ioincts vous apprendront que cest des mouuements contraires, que nous appellons pieds largis, qui se font quand les deux pieds sont a terre, portans tous deux egalement la pesanteur du corps, mais en lieu d'estre ioincts, ils sont eslargiz lvn de l'autre competemment, non pas d'vn eslargissement force & contrainct comme estoient les pieds du Colosse representant la statue du Soleil , gette en cuyure par Colossus ou Charetes disciples de Lysippus planté à Rhôdes, ayant septante couldees de haulteur, qui peuuent monter à

environ cent cinq de noz pieds de Lengres. Ce Colosse auoit les jambes eslargies tant que le naturel le peult endurer, tellement que les nauires passoient aisement entre deux.

Capriol.

Ce n'est donc sans cause qu'il est nombré entre les merueilles du monde, & fut grand domage de ce que cinquante six ans aprez il tuimba par vn tremblement de terre: le vouldrois l'auoir veu, pour essayer s'il est vray ce qu'on en a escript, que peu de gens se sont treuez lesquels peuvent embrasser son poulce: Mais laissant ceste histoire, i'entends bien comme vous lez que les pieds largiz soient faictz, cest qu'ils ne soient pas trop eslargiz & esquartez, ny aussi trop proches ou iointz ensemble.

Pieds largyz.*Arbeau.*

Ce mouvement & contenance de pieds largiz se fait aussi quand lvn des pieds porte la pesanteur du corps, & l'autre pied mis obliquement se repose, ce qui peult aduenir aussi en deux sortes: Sc auoir quand les pieds estans largiz, le pied droit se repose obliquement, & le gaulche soustient le corps du danseur: Et s'appelle pied largy oblique droit: L'autre sorte est au con-

ORCHESOGRAPHIE.

traire, quand le pied gaulche se repose obliquement, & le pied droit toust: et le corps: et s'appelle pied largy, oblique gaulche.

Pieds largis oblique droict. Pieds largis oblique gaulche.



Capriol.

Vous me venez de proposer six manieres de contenances & mouueemens, lesquelles treueuez vous les plus decentes.

Arbeau.

L'une de celles qui ont le pied oblique me semble plus belle, car nous voyons es medalles & statues antiques, que les Monopodes sont treueuez plus artistes & plus agreables. Et quand aux pieds iointz ou aux pieds eslargis directement, ils sentent leur contenance fœminine: Et tout ainsi qu'il est mal-seat à vne Damoiselle d'auoir vne contenance hommace, aussi doit l'homme cuiter les gestes muliebres: Ce que vous pouuez aperceuoir aux reuerences, car à les faire, les hommes portent brusquement le pied croisé en derrier: & les Damoiselles plient les deux genoulx doucement, & se releuent de mesme: Et ce pendant que ie suis en propos de la reuerence. ie vous veulx dire que telles reuerences salutatoires que lon fait au commencement,

À la fin, & quelquesfois au milieu des dances, ne sont comprises au nombre des mouvements gaillards : Bien y sont comprises deux autres sortes de reverences passagieres, cest à dire secrants à aucun pas ou pas de la gaillarde.

Capriol.

Quelle différence y a il entre ces passagieres & les salutatoires.

Arbeau.

En la reverence passagiere, il ne fault point oster le bonnet ou chapeau : Et combien qu'elle soit quasi faicté de mesme, en pliant le jarret & mettant le pied derrier, si est ce qu'elle se fait en plus brief temps, comme vous sçauriez plus à plain : Il en est de deux sortes. Ivne quand le pied gaulche soustenat le corps, le pied droit le croise en derrier, & s'appelle reverence passagiere droicte. L'autre sorte est quand le pied droit soustenant le corps, le pied gaulche se croise en derrier, & s'appelle reverence passagiere gaulche.

Reuerence passa-
giere droicte.

Reuerence passa-
giere gaulche.



En poursuyuant le denombrement des pas & mouuements, ie diray qu'il y a vn mouuement qui s'appelle pied croisé, quand on gette lvn des pieds pour soustenir le corps, & en mesme in-

ORCHESOGRAPHIE

stant on met l'autre pied en l'air devant la greve, & se fait en deux sortes: sçauoir quand le pied gaulche soustient le corps & le droict est croisé en l'air devant ledit gaulche, & s'appelle pied croisé droict: Et au cōtraire quand le pied droit soustient le corps du danseur, & le pied gaulche est croisé en l'air devant la greve dudit pied droit, & s'appelle pied croisé gaulche.

Pied croisé droict. Pied croisé gaulche.



Capriol.

Voila desia de plusieurs sortes de gestes & mouuements.

Arbeau.

Il vous tarde (à ce que ie peulx cognoistre) que vous commenciez à faire les cinq pas, mais il ny a remede, il fault que vous ayez patience d'escouter comme sont faictz tous les mouue-ments: Car vous sçavez qu'c'est l'art de grammaire, le disciple faitz premierement amas de noms verbes & autres parties de l'orai-son, puis il apprend à les lier ensemble congruement. Ainsi en l'art de danser, il vous fault premieremēt sçauoir plusieurs particuliers mouuements, puis par le moyen des compositionz que l'on vous donnera par la tabulature, sçaurerez le tout.

Capriol.

Pourrey ie pas faire lesdiçt sassemblies à mapphantaisie,
quand ic sçauray les mouuemens particuliers.

Arbeau.

Vous le pourtiez: Mais il ne vous y fauldroit pas arrester, que
ne les eussiez communiquéz aux bons danceurs: Et est bien le
meilleur de faire amas de passages ia inuentez & receuz, car il y
a ie ne sçay quelle grace en aucuns passages qui ne se trouue pas
en d'autres.


Capriol.

Poursuyuez s'il vous plaist le reste des mouuemens.

Arbeau.

Aulcunesfois lvn des pieds estant getté & posé pour souste-
nir le corps, on marche du bout de l'arteil de l'autre pied, con-
tre celiuy qui est à terre: Et ce mouuemant s'appelle marque
pied, sçauoir marque pied droit, quand l'arteil du droit fait
ladiete marche: Et marque pied gaulche, quand l'arteil du pied
gaulche faiet ladiete marche.

Marque pied droit. Marque pied gaulche.



Quand au contraire on marche du tallon de lvn des pieds,
l'autre pied estant getté, pour demeurant ferme, soustenir le
corps de celuy qui dance, ceste sorte de mouuemant se nomme:

ORCHESOGRAPHIE

Sçauoir marque-talon droit, quand le talon du pied droit opere , & marque-talon gaulche, quand le talon du pied gaulche y est employé.

Marque talon droit. Marque talon gaulche.



Capriol.

Quand à la denomination de ce mouvement marque talon, il me semble qu'elle soit bien appliquee, mais vous deuiez donc nommer le precedent mouvement marque arteil, & non pas marque pied.

Arbeau.

Vous avez raison : Et le pourrez ainsi denommer si voulez : Mais ic l'ay faict parce que ce mot de marque arteil est plus rude & faschieux à pronuncer, que ce mot de marque pied.

Capriol.

Les Polonois (à ce que jay oy racompter) marchent ordinai-
rement sur leurs arteils.

Arbeau.

Leurs talons sont soustenuz & esleuez par le liege ou ferre-
ments mis en leurs souliers , & ne laissent de courir aussi legie-
rement comme nous : Et si vous y aduisez de prez, treuueriez
comme tous les animaux (peu exceptez) marchent de celle fa-
çon.

çon : Cela est cause que les Polonois se monstrent plus grands de deux ou trois doigs qu'ils ne sont.

Pour retourner à propos des mouuements de la gaillarde, sça-chez encor qu'il y a vn certain mouuement & assiette de pieds, que nous appellons coup de pied, ou greue, quand le daceur gette lvn des pieds pour soustenir le corps, & il esleue l'autre en l'air en deuant, cōme s'il vouloit donner yn coup de pied à quelcun : et se fait tel mouuemēt en deux manieres, sçauoir le pied droit & esleué, que l'on nomme greue droicté, & quand le pied gaulche est esleué, on le nomme greue gaulche.

Quelquesfois ceste esleuation de pieds ne s'esleue qu'un peu hors de terre, & ne s'avance q point ou peu en deuant : Et se nōme pied en l'air droit, si le droit est esleué, ou pied en l'air gaulche, si le pied gaulche est esleué : Vne mesme figure seruira pour lesdiēt es deux sortes de mouuemēts, seulement vous fauldra souuenir, q quāt treuuerés en la tabulature ces mots de pied en l'air, ledit mouuement se debura faire quasi rampant par terre , & douclement comme le feroit vne Damoiselle, & de telz pas & mouuemēnts on vse en dançant le tourdion : Et quand treuuerez en ladictē tabulature ce mot de greue, ledit mouuement se debura faire fort esleué & hardiment.

Capriol.

Il me souviendra fort bien de cest aduertissement, & me souvient bien aussi de la raison que m'en avez donnee cy deuant, car en dançant le tourdion, on tient touſiours la Damoiselle par la main : Et qui danceroit ledit tourdion trop rudement, on donneroit trop de peines & de sargots à ladictē Damoiselle.

Arbeau.

Aujourd'huy les danceurs n'ont point ces honestes considerations en ces voltes & aultres semblables dances lasciuies & esgarees que l'on a amené en exercice , en dançant lesquelles, on fait bôdir les Damoiselles de telle modē, que le plus souuent

ORCHESOGRAPHIE

elles monstrent à nud les genoulx, si elles ne mettent la main à leurs habits pour y obuier.

Capriol.

Ceste mode ne me semble belle ny honnesté , si ce n'est pour dancer avec quelque bonne galoise de chambeliere.

Arbeau.

Ie ne laisseray de vous donner cy aprez la tabulature pour la dancer : Ce pendant voiez cy les figures des mouuements de greue & de pied en l'air.

Greue droictē,

O V

Pied en l'air droict. Pied en l'air gaulche.



Ledit mouuement de greue est fait & causé aulcunesfois, quand le danceur gette & met lvn de ses pieds en la place de l'autre pied, & cependant ledit autre pied est esleué en l'air devant : Et tel mouuement s'appelle entretaille , & en est aussi de deux sortes, comme il y a deux sortes de greue : Sçauoir entretaille du gaulche, causant greue droictē, & entretaille du droict, causant greue gaulche.

Capriol..

I'entends bien cela, ce n'est toufiours que le mesme mouue-
ment,fors qu'il commence par ceste entretaille.

Arbeau.

Le mouuemt contrarie à la greue se fait, quand le dancer se
pour soustenir son corps se gette sur vn pied, & il esleue l'autre
pied en derrier, & tel mouuemt est nommé ruade. Sçauoir
ruade droicté, si le pied droit se haulse en derrier: Et ruade
gaulche, si le pied gaulche est esleué en derrier.

Ruade droicté. Ruade gaulche.



Si lvn des pieds est esleué à coustiere de l'autre, & non en
deuant comme la greue, ny en derrier comme la ruade: Ce moue-
ment s'appelle Ru de vache, parce que les vaches ruent de
cesté mode à cousté, & non en derrier comme les cheualx:
dont il en est aussi de deux sortes, Ru de vache droit, quand le
pied gaulche est getté pour soustenir le corps, & le pied droit
est esleué: Et Ru de vache gaulche, quand le pied droit est get-
té pour soustenir le corps, & le pied gaulche est esleué.

Capriol..

Ce mouuemt de Ru de vache n'est pas guieres usité, com-
me ie croy.

M. Lijour

ORCHESOGRAPHIE

Arbeau.

A la verité il n'est pas guieres mis en pratique, mais ic ne l'ay
peu obmettre, astin de ne riens laisser en arriere pendant que
nous sommes en propos des mouuements & pas de la gaillarde:
Et seruitront ces mesmes non à la gaillarde seulement : Mais
aussi aux aultres dances dont nous parlerons cy aprez.

Capriol.

Ce sera donc autant de besoigne faicte quand viérez à tra-
iter desdictes aultres dances,

Arbeau.

Il y aura quelque peu de limitation à desduyre.

Capriol.

Quelle limitation?

Arbeau.

Ie les vous diray quand nous en serons en propos: Pour le pre-
sent, voiez les figures des cœux sortes de Ru de vache , dont ic
vous viens naguieres de parler.

Ru de vache droict. Ru de vache gaulche.



Quand les deux pieds sont gettez & posez à terre, l'un deuant
& l'autre derrier, supportans tous deux ensemblement le corps

du danseur, ceste contenance & mouuement s'appelle position, ou posture, laquelle fera ordinairement pour faire les dances: Et se fait en deux façons, quand le pied droit est deuant, cela s'appelle posture droicte: Et si le pied gaulche est deuant, il s'appelle posture gaulche: En ces postures, il y a vn petit aduertisfement, cest que lesdites postures ont meilleur grace quand elles se font le pied derrier posé sur terre vn peu plus tost que ce lly deuant: Car quand on les pose tous deux eusement, il semble que ce soit vn sac de bled qui foit deschargé a terre.

Posture droicte. Posture gaulche.



Capriol.

I'ay remarqué, qu'en tous ces mouuements cy deuant mentionnez, il y a tousiours lvn des pieds, ou tous les deux a terre.

Arbeau.

Vous dites vray: Et certainement ceux qui n'ont qu'un pied a terre, sont plus gaillards : Mais il y a vn mouuement appellé fault, qui se fait quand les deux pieds sont hors de terre esleuez en l'air, qui est encor plus gaillard: Et debuez entendre qu'il est deux sortes de faultz, sçauoir fault majeur, & petit fault: Quand

M iiij

ORCHESOGRAPHIE

au petit fault, il fait partie & portion des mouuements : & n'a point de notte en la tabulature qui le designe.

Capriol.

Ie n'entends point ce que vous dîtes.

Arbeau.

Imaginez que vous soyez les pieds ioints. Si la tabulature vous commande de faire vne greue droicté, comment feriez vous?

Capriol.

Ie laisferois mon corps sur le pied gaulche , & esleuerois le pied droit en l'air en deuant.

Arbeau.

La greue droicté seroit passable ainsi , mais elle ne seroit pas gaillarde, cest pourquoy en lieu de laisser le gaulche à terre , il le fault poser de nouveau: Et pource faire , il est nécessaire de faire vn petit fault sur ledit pied gaulche: Et en mesme instant faire la greue du pied droit: Quoy faisant , vous entendez assez que ledit fault est comme ie vous disois , partie dudit mouuement de greue. Et ainsi fault user dudit petit fault en tous les aultres pas & mouuements ou lvn des pieds s'esleue en l'air , & aussi si vous y prenez garde , ie vous ay dit qu'il failloit getter & poser les pieds : Pour ceste cause , quand ie vous donneray par escript la tabulature de la gaillarde, ie taisseray ledit petit fault , & vous escriray seulement lesdits pas & mouuements , d'autant qu'il y est subentendu & comprins.

Capriol.

Qu'est ce que le grand fault?

Arbeau.

Cest vn mouuement à part , qui precede la cadance , & sera notté & nombré en la tabulature de gaillarde par vn soupir , qui tient place de l'vne des six minimes blanches des mesures ternaires, desquelles consiste la gaillarde , tellement que ledit grand fault equipole en duration de temps à lvn des aultres.

cinq pas ou mouuements.

Capriol.

Pour faire donc les mesures du temps necessaires aux cinq pas, il fault faire quatre mouuements, puis vn fault majeur : puis la posture.

Arbeau.

Cela est vray, quand on fait cadance, que les musiciens appellent *Clavulam*, & se treuuent plusieurs danseurs si agiles, qu'en faisant ledit fault majeur, ilz remuent les pieds en l'air, & tel remuement est appelle capriole, comme voyez en ceste figure cy dessoubz: Mais il la fault faire si dextrement, qu'elle conuienne iustement à la posture, qui s'uyt ordinairement le fault majeur pour faire la dite cadance.

C A P R I O L E.



Capriol.

I'apprendray voluntiers ceste capriole puis qu'elle porte mon nom: Mais qu'appellez vous cadance.

Arbeau.

Cadance n'estaultre chose qu'un fault majeur suiuy d'une posture: Et comme vous voiez qu'és châsons musicales, les ioueurs d'instruments ayans ioué l'accord penultime, se taisent vn peu

ORCHESOGRAPHIE

de temps: Puis iouent le dernier accord pour faire fin doulce & harmonieuse, ainsi le fault majeur qui est quasi comme vn silen. ce des pieds & cessation de mouuements est cause que la posture qui le suyt ha meilleur grace, & se treuuue plus agreable: Oltre ce, vous pouuez entendre, que si le danceur ne faisoit ce fault, il fauldroit qu'à chacune des six minimes blanches de la gaillarde, il fist mouuements, qui seroient en nombre six, & ainsi retumberoit sa cadance tousiours sur vn mesme cousté: Ce qui n'aduient pas, a cause dudit fault, qui fait que les mouuements & pas sont impairs, & consequemment la cadance tumbe d'un cousté, puis aprez d'un autre.

Capriol.

Quel inconuenient si la cadance tûboit tousiours d'un cousté?

Arbeau.

Sçauez vous pas bien que la varieté de leste: et que mesme chose repeatee est odieuse, telmoing Ladage cōmun, *Crambe repetita:* Et le vers d'Horace si souuent allegué:
Ridetur chorda qui semper oberrat eadem.

Capriol.

Fait-on ceste cadance tousiours sur la sixiesme minime blanche?

Arbeau.

Ordinairement, & le plus souuent, vray est qu'il y a quelques adnotations à faire: Mais ic uous en parleray quand il viendra à propos, dont ie vous en diray presentement ceste cy, qui est que le danceur fait six assiettes & mouuements de piedz sur toutes les six nottes, & passe & dilaye la cadance, iusques sur la douzième notte, en gardant le soupir pour faire le fault sur la vnzieme, & ainsi demeure le passage de vnze pas: Et si ledit danceur veult, il passe & dilaye la cadance, iusques à la dixhuitiesme notte, & fait vn soupir pour le fault majeur sur la dixseptiesme notte, & ainsi demeure ledit passage de dixsept pas, le danceur peult encor passer la cadance & la dilayer, iusques à la vingtquatriesme.

quatriesme, ou trentiesme ou trentesixieme notte: Et ainsi cō-
sequeument, faisant passages ēc vingt trois, vingt neuf, & tren-
te cinq pas: Mais ie ne vous conseille point d'en vser, parce que
les spectateurs se pourroient ennuyer d'attendre trop long
temps ladiete cadance, & auroient opinion que fuisse hors de
ceruelle: Et à la verité la memoire se pourroit troubler en pa-
sages si longs.

Capriol.

Sont-ce la tous les pas, assiettes, & mouuements desquels on
vse en la gaillarde?

Arbeau.

Ce sont ceulx qui pour le present me sont venuz en memoire: Si en regardant les bons baladins vous prenez garde qu'ilz en facent d'autres, vous les mettrez en escript, & leur donnez tel nom que bon vous semblera.

Capriol.

Me voila tenant vne Damoiselle par la main, ma reuerence
faicte, mon chapeau temis, & en contenance decente, par quel
bout me fauldra-il commencer?

Arbeau.

Vous ferez voz pas & mouuements selon la tabulature que
vous aurez mise en memoire: Mais ie vous conseillerois d'y
estre modeste, cest à dire de dacer par terre, garder les cinq pas
doulement, comme si vous danciez le tourdion, & oultre ce,
de faire vn tour de salle tenant tousiours vostre Damoiselle,
puis quand vous serez en train prenant congé d'elle, la laisserez
dancer à part, & commencerez à dacer voz cinq pas plus hault,
iusques à ce que vous serez au deuant d'elle: Et alors avec gail-
lardise ferez tels passages que bon vous semblera: Car si d'en-
tree vous faultiez trop gaillardement il sembleroit que voulsis-
sez rompre (comme on dit) l'andouille au genoil.

Capriol.

ORCHESOGRAPHIE

I'en ay veu maintes lesquels demeurent assez long temps, en
se guindant le corps auparauant que de marcher & danser.

Arbeau.

Je ne pris pas ceste façon, parce qu'ilz se rendent subiects à
ce que leur obiecte le Poëte.

Quid dignum tant offeret hic promissorhiatus.

Capriol.

Donnez moy en premier lieu l'air d'un tourdion , puis vous
me donnerez l'air de la gaillarde.

Arbeau.

L'air du tourdion & l'air d'une gaillarde sont de mesmes , &
ny a difference finon que le tourdion se dance bas & par terre
d'une mesure legiere & concitée: Et la gaillarde se dance fault
d'une mesure plus lente & pesante: Tandis vous faictes bien de
demander l'air d'un tourdion : Car quand les airs sont cogneuz
par le danseur , & qu'il les chante en son cœur avec le ioueur
d'instrument, il ne peult faillir à les bien dancer: Vous prendrez
donc l'air qui s'ensuyt pour tous les aultres tourdions , dont il
en y a des dincrsitez innumerables.



Capriol.

Je comprehends bien cest air: Mais ie ny apperçois point les ca-
dances dont m'auez parlé.

Arbeau.

Ie vous ay distingué par bastons & lignes perpendiculaires les limites des cadances, lesquelles vous pouuez de vous mesmes reduire ainsi.

*Capriol.*

Ie le comprends bien mieulx que ie ne faisois, ne me reste qu'à sçauoir quels mouuements ie mettray en œuvre.

Arbeau.

Faictes pied en l'air gaulche durant la premiere minime blanche, pour le premier pas.

Puis pied en l'air droict sur la seconde minime blanche, pour le deuxiesme pas.

Puis pied en l'air gaulche sur la troisiesme minime blanche pour le troisieme pas.

Puis pied en l'air droict sur la quatriesme minime blanche pour le quatrieme pas.

Sur le soupir qui tient place d'vnne minime blanche, faictes vn fault moyen, consideré que cest vn tourdion que vous dancez.

Sur la derniere minime blanche, faictes vne posture gaulche pour le cinquiesme pas.

Continuant vostre tourdion, changez & faictes à droict ce que

N ij

ORCHESOGRAPHIE

vons aurez fait a gaulche, & a gaulche ce que vous aurez fait a droict, sçauoir:

Pied en l'air droict sur la premiere minime blanche pour le premier pas.

Puis pied en l'air gaulche sur la seconde minime blanche pour le second pas.

Puis pied en l'air droict sur la troisieme minime blanche pour le troisieme pas.

Puis pied en l'air gauche sur la quatrieme minime blanche pour le quatrieme pas.

Sur le soupir qui tient place d'une minime blanche, faites le fault majeur, qui precede la posture : Mais vous ferez ledit fault mediocre, attendu que dancez le tourdion & non la gaillarde. Sur la derniere minime blache, faites une posture droicte pour le cinquieme pas.

Et ainsi continuiez tant que le ioueur d'instrument continuera de iouer, de permutter & tumber reciproquement en cadance, à l'une des fois en posture gaulche, & l'autre fois en posture droicte: Et affin que le tout vous soit plus facile à conceuoir, ie vous feray icy une tabulature de ce que ie vous viens de dire, qui vous representera le tout en un clin d'œil. Car ie vous mettray encor par escript l'air de ce tourdion, & audroict de chaque note, ie vous donneray par escript lesdits pas & mouvements: Et me delibere d'en faire de mesme l'air d'une gaillarde: Ladiete tabulature vous seruira pour toutes les autres gaillardes, qui sont aussi innumerables.

Capriol.

Aprez que le ioueur d'instrument à finy le tourdion . fault-il pas faire une reuerence salutatoire pour prendre congé de la Damoiselle.

Arbeau.


Ouy, & la fault doucement restituer en la place ou lauez pris, en la remerciant de l'honneur qu'elle vous a faict.

Tabulature pour danser le tourdion incontinēt
aprez le retour de la basse-dance.

•

*Air du tourdion reduict
en minimes blanches, qui
font la mesure du temps.*

*Mouvements que le danseur doit
faire en dansant le tourdion,
lequel se dance incontinent
apres la basse-dance.*



Pied en l'air gaulche.
Pied en l'air droict.
Pied en l'air gaulche.
Pied en l'air droict.
Sault moyen.
Posture gaulche.


Le reuers des precedents.

Pied en l'air droict.
Pied en l'air gaulche.
Pied en l'air droict.
Pied en l'air gaulche.
Sault moyen.
Posture droicte.

Comme au commencement.

Pied en l'air gaulche.
Pied en l'air droict.
Pied en l'air gaulche.
Pied en l'air droict.
Sault moyen.
Posture gaulche.

N° iiij



ORCHESOGRAPHIE

- Pied en l'air droit.
Pied en l'air gaulche.
Pied en l'air droit.
Pied en l'air gaulche.
Sault moyen.
Posture droite.

Les mouvements de marque-pied & de marque talon se font assez doucement, & les pourriez mettre en visage en lieu des pieds en l'air ainsi.

Air du tourdion.



Mouvements pour les cinq pas du tourdion.


- Marque-pied gaulche.
Marque talon gaulche.
Marque-pied droit.
Marque-talon droit.
Sault moyen.
Posture gaulche.
Marque-pied droit.
Marque-talon droit.
Marque-pied gaulche.
Marque-talon gaulche.
Sault moyen.
Posture droite.

Capriol.

La tenuue fascheuse ses reductions en cadances : Sooit ce pas tout vn de partit le tourdion par bastons, lesquels enfermeroient deux mesures ternaires, & faire sur la derniere mesure vn pas, vn sault majeur, & vne posture.

Arbeau.

Tout reuiendroit à vn: Et ne vous auoys proposé ladiete reducion, sinon pour vous enleigner plus clairement voz cinq pas: Je n'vteray donc plus de reduction: Et laisseray en la tabulature l'air de la gaillardc en sa forme, sans y riens reduyre; Seullement souuenez vous d'employer les pas selon les mesures du temps que l'air monstrera en leur marge: Et ingez que sera cadance semblable des mesures escriptes & notees cy dessoubz, des quelles la troisième est reducie.

*Capriol.*

La deuxieme mesure du ternaire que vous appellez cadance, ne peult-elle estre d'autre musique, que de l'une de ces trois qu'auez icy notees. *Arbeau.*

Elle peult estre de plusieurs autres sortes, telles qu'il plait au compositeur, & que l'air de la gaillardc le requiert: Et fault necessairement que ladiete deuxieme mesure face cadance, ou qu'elle passe sans cadance iusques à la quatrieme mesure, que nous auons dit estre passage d'unze pas, ou iusques à la sixieme mesure, que nous auons dit estre passage de dixsept pas.

Capriol..

Il est temps que me dōniez la tabulature des pas de la gaillardc. *Arbeau.*

Il est de tant de gaillardes par escript, que ie ne sçay laquelle

ORCHESOGRAPHIE


choisir pour commencer & y prendre pied: Du commancemēt que i apprins à danser à Poictiers, nostre maistre en sonnoit vne qu'il appelloit *La traditore my fa morire*, de laquelle l'air estoit tenu des plus beaulx entre toutes les aultres gaillardes: le la vous veulx icy notter en musique.

Air de la gaillarde appellee, *La traditore my fa morire.*



Ie tiens ceste air merueilleusement agreable: A Orleans quāt nous donnions des aulbades , nous auions tousiours sur noz Lutz & Guiternes la gaillarde appellee la Romanesque : Mais ic la treuuoit trop frequente & triuiale : I'en apprins vne sur le Luth que ie voyois voluntiers dancer par mes compagnōs, parce que ie la scauois iouer & chanter, & aussi qu'il me sembloit que les pas y estoient bien marquez, par ceulx qui la dançoient: Elle se nomme Anthoinette: La voicy en musique.

Air de la gaillarde appellee Anthoinette.



Arbeau.

Vrayement l'air de ceste gaillarde Anthoinette est gaillard: Et puis que l'auez en main, nous le prendrons pour en faire le premier pied & fondement de la tabulature des pas & mouvements de la gaillarde.

Capriol.

Puis que tous les airs des gaillardes se rapportent, ce me sera tout vn si vous prenez pied sur la gaillarde Anthoinette, ou sur telle aultre que bon vous semblera.


Arbeau.

Le commenceray par vostre gaillarde ma tabulature: Puis ie vous en donneray d'autres, pesle mesme, selon qu'elles me viendront en memoire.

Tabulature des cinq pas de la gaillarde, de laquelle les mouuements sont comme au tourdiō, fors qu'ils sont faiēs plus hault & plus virilemēt, & en lieu du pied en l'air, le daceur fera des coups de pied ou greues.

*Air de la gaillarde
Anthoinette.*


*Mouuements que le danseur
doibt faire en dançant
la gaillarde.*



- Greue gaulche.
- Greue droicte.
- Greue gaulche.
- Greue droicte.
- Sault majeur.
- Posture gaulche.

O

ORCHESOGRAPHIE



Reuers.

Greue droite.
Greue gaulche.
Greue droite.
Greue gaulche.
Sault majeur.
Posture droite.

Et ainsi continuant, en repetant le commencement.

Aultres cinq pas.

Pied croisé droit.
Pied croisé droit.
Pied croisé gaulche.
Pied croisé gaulche.
Sault majeur.
Posture droite.


Reuers.

Pied croisé gaulche.
Pied croisé gaulche.
Pied croisé droit.
Pied croisé droit.
Sault majeur.
Posture gaulche.

Et ainsi continuant en repetant le commencement.

Aultres cinq pas.

Greue droite.
Posture droite sans petit fault.
Entretaille gaulche causant greue droite.
Greue gaulche.
Sault majeur.
Posture droite.

*Reuers.*

Greue gaulche.

Posture gaulche sans petit fault.

Entretaille droicte causat greue gaulche.

Greue droicte.

Sault maieur.

Posture gaulche.

*Et ainsi continuant en repetant le commencement.**Capriol.*


Pourquoy auez vous commandé vne posture droicte sans petit fault sur la deuxieme minime blanche pour le deuxieme pas?

Arbeau.

Il fault conjecturer que les danseurs l'ont treuué ainsi de meilleur grace pour apporter quelque variation delectable, & d'avantage aulcuns en lieu de mettre pour ladite posture les deux semelles à terre, ilz se soustienent sur le talon du pied deuant, & tiennent le genoil dudit pied roide & non plié, disans qu'il à meilleur grace

Air de la gaillarde appellee Baisons nous belle. &c.

Mouuements que le danseur doit faire pour danser la dicte gaillarde



Ruade droicte.

Pied-croisé ou greue gaulche.

Ruade droicte.

Entretaille droite causant greue gaulche.

Sault majeur.

Posture droicte.

O ij

ORCHESOGRAPHIE

Reuers.

- Ruade gaulche.
Pied croisé ou greue droicte.
Ruade gaulche.
Entretaille gaulche causat greue droicte.
Sault majeur.
Posture gaulche.
Et ainsi continuant en repetant le commencement.

Aultres cinq pas.

- Piedz ioincts.
Greue droicte.
Ruade droicte.
Entretaille droicte causat greue gaulche.
Sault majeur.
Posture droicte.

Reuers

- Piedz ioincts.
Greue gaulche.
Ruade gaulche.
Entretaille gaulche causat greue droicte.
Sault majeut.
Posture gaulche.
Et ainsi continuant en repetant le commencement.

Vous pourrez mettre es cinq pas cy dessus, en lieu des piedz ioincts des postures, & encore faire les dites postures non en auant, mais de costé comme si c'estoit vn pied largy.

Capriol.

Vous commandez de continuer en repetant le commencement: Ainsi faisant on ne feroit qu'une sorte de cinq pas en une gaillarde.

Arbeau.

DE THOINOT ARBEAV.

55

Cela se remettra à la volonté du danceur, car s'il veult, en lieu de repeter comme au commencement, il mettra en avant vne forte nouuelle de cinq pas, & ne fçauroit estre que bon d'ainsi le faire, pourueu toutesfois qu'il ay fait le reuers de ses premiers cinq pas: Et si le danceur se treuue pressé, & auoit faul- te de place, qu'il ne puisse marcher tout droit, il pourra dancer lesdits cinq pas en ronde, & en tornant son corps tâcher à se retreuuer planté devant la Damoiselle.

Capriol.

Fauldra il que ie dance mes cinq pas allant tout droit; quand la place y sera?

Arbeau.

Quand ie parle d'aller tout droit, i'entends de ne point torner le corps entierement, car sera dancer d'y ne bonne grâce si vous tornez maintenant le cousté droit, maintenant le cousté gaulche deuers la Damoiselle, comme si vous vouliez escrimer: La greve droicte desire de montrer le cousté droit, & la greve gaulche desire de montrer le cousté gaulche.

Capriol.

Il m'est aduis que par les meslanges des mouuements diuers que m'auez figurez, ie composerois bien des cinq pas à ma phantaisie.

Arbeau.


Faire le pourriez certainement: Mais il fault que nottiez qu'il y a des cinq pas appellez cinq pas, parce qu'ils sont mesurez par les mesmes mesures du temps que les cinq pas sont mesurez: Et neantmoins ont plus ou moins de cinq mouuements. Et ceste consideration prouient des mesures extendues ou racourties: Car puis qu'il y a deux mesures ternaires en vne cadance, & que lesdites deux mesures tiennent six minimes blanches, dont l'une est conuertie en vn soupir, restans quatre avec la posture, il s'efuyt biē que si on coupe les quatre premières chacune en deux,

ORCHÉOGRAPHIE

seront huit noires en lieu de quatre blanches, & en adaptant à chacune cette son mouvement, il y aura (avant la posture) huit pas en lieu de quatre, & en tout la posture comprise seront neuf pas.

Air de la gaillarde appelle Si i'ayme ou non, &c.

Cinq pas de deux mouvements que le danseur peult faire en dansant la gaillarde.



Pieds ioincts ou greue droite.

sault majeur, avec capriole.

Posture gaulche.

Reuers.


Piedz ioincts ou greue gaulche.

sault majeur, avec capriole.

Posture droite.

Et ainsi continuant en repetant le commencement.

Voyez vous pas cy dessus, que les pieds ioincts ou greue droite tiennent autant de temps que trois minimes blanches. & le sault majeur avec la posture contiennent le reste du temps, & pour y parvenir, la quatrième minime blanche est conuerte en soupir, & anticipée pour faire le sault majeur.



Aultres cinq pas de trois
mouuemements.

Greue droite.

Entretaille droite causat greue gaulche.
sault majeur.

Posture droite.

Reuers.


Greue gaulche,

Entretaille gaulche causat greue droite.
sault majeur.

Posture gaulche.

Et ainsi continuant en repetant le commencement.

Confiderez sur ce que dessus , que la greue tient deux minimes blanches , l'entretaille faisant greue,tient deux autres minimes blanches , le sault majeur tient le soupir , equipolent à vne minime blanche , & la posture le temps d'vne autre minime blanche: Et ainsi tous lesdits cinq pas sont reduits & racourfiz à trois pas , equipolents à cinq.



Aultres cinq pas racourfiz.

Reuerence gaulche.

Pied croisé gaulche.

sault majeur.

Posture droite.

ORCHESOGRAPHIE

Reuers.

Réverence droite.

Pied croisé droit.

Sault majeur.

Posture gaulche.

Et ainsi continuant en repetant le commencement.

Aultres cinq pas racoursiz.

Pied croisé droit.

Entretaille droit causat greuc gaulche.

Sault majeur.

Posture droite.

Reuers.

Pied croisé gaulche.

Entretaille gaulche causat greuc droité.

Sault majeur.

Posture gaulche.

Et ainsi continuant en repetant le commencement.

Capriol.

Vous me debuez donner exemple d'vn'e cadance contenant plus de cinq pas & mouuements.

Arbeau.

Il en est d'vn'e infinité de sortes que vous practiquerez & apprendrez de ceulx de vostre aage, receuez pour le present les sept pas qui s'ensuyuent, qui sont equipolents, & qui se reduyent aux deux mesures ternaires des cinq pas, parce que comme voiez en marge les premiere & troisieme minimes blanches, lesquelles

lesquelles ne deburoient faire chacune qu'un pas, font chacune deux pas marquez en la tabulature par deux minimes noires: Et noterez que deux minimes noires & vne blanche , sur les quelles le danseur fait deux pieds en l'air & vne greve sans petit fault, s'appellent fleuret, tellement que deux fleuretz, un fault majeur,& vne posture font les cinq pas.

Air de gaillarde. Mouvements que le danseur peult faire en ceste gaillarde.



- | | |
|------------------------|----------|
| Pied en l'air droit. | |
| Pied en l'air gaulche. | Fleuret. |
| Greue droite. | |
| Pied en l'air gaulche. | |
| Pied en l'air droit. | Fleuret. |
| Greue gaulche. | |
| Sault majeur. | |
| Posture droite. | |
| <i>Reuers.</i> | |
| Pied en l'air gaulche. | |
| Pied en l'air droit. | Fleuret. |
| Greue gaulche. | |
| Pied en l'air droit. | |
| Pied en l'air gaulche. | Fleuret. |
| Greue droite. | |
| Sault majeur. | |
| Posture gaulche. | |
- Et ainsi continuant en repetant le commencement.*

Dernierement ie fuz de nopus, ou iev is faire cinq pas à vn ieu nre homme qui me semblaient de bonne gracie: Illes dançoit ainsi:

ORCHESOGRAPHIE

Air de la gaillarde à la partie droite.
Autres sortes de mouvements
appelés La fatigue. que le danseur doit faire
pour cette gaillarde.



Posture gaulche.

Greue gaulche.

Tornez le corps à main gaulche à la partie opposée, & faites greue droite.

Greue gaulche.

Sault majeur.

Posture droite.

Reuers.

Posture droite.

Greue droite.

Tornez le corps à main droite à la partie opposée, & faites greue gaulche.

Greue droite.

Sault majeut.

Posture gaulche.

Et ainsi continuant en repetant le commencement.

Vous notterez que ces cinq pas augmenteront leur grâce, si vous les faites mignardez.

Capriol.

Qu'appellez vous pas mignardez?

Arbeau.

Vous ferez les pas mignardez, quand extendrez les cinq minimes blanches en dix minimes noires, & qu'en lieu de faire vn pas en mesme instat, avec son petit fault, vous en ferez deux morceaux, anticipant vn peu ledit petit fault sur la premiere minime noire, & incontinent après faisant le pas sur la deux-

ieme minime noire: Et telles façons de pas mignardez ne sont à la vérité que les cinq pas, mais ils ont meilleur grace & sont moins lourds, car en lieu de tumber le corps à plôb d'un coup, on l'assiet en traînant.

Capriol.

S'il aduenoit que la musique ne continst que des minimes blanches, y pourroit on adapter des fleurets?

Arbeau.

Ouy certes, car yimaginant la dernière minime blanche estre couppee en deux noires, des deux premiers pas, vous en feriez trois, & faisant le semblable de la troisième minime blanche, augmenteriez d'un pas, & ainsi vostre cadance contiendroit sept pas & mouuements, comme si la musique y estoit notree, & ainsi yimaginerez telles recouppes que bon vous semblera, & yappliquerez ou moins ou plus de pas, cōme veirez bon estre.

Capriol.

Le fault majeur & la posture tiennent le temps de deux minimes blanches. En faisant deux minimes noires du soupir, i'en pourrois donc faire encore vn fleuret, & par ainsi les deux mesures ternaires seroient accomplies par trois fleurets.

Arbeau.

Vous avez raison: Mais il n'y auoit plus de cadance, & fauldroit faire la cadance suu la quatrième mesure, & cela s'appelleroit faire vn passage, parce que passeriez vne cadance pour l'aller chercher plus auant. Et supposé que fissiez aux deux mesures suyuants deux fleurets & vne posture . vostre passage en tout contiendroit seize pas, à scauoir neuf pas pour les trois premiers fleurets, & sept pas pour les deux fleurets, fault majeur & posture de la cadance, en tout seize pas. Et si vous vouliez encor passer & differer vostre cadance iusques à la sixième mesure ternaire , vostre passage ieroit de vingt cinq pas & mouuements.

ORCHESOGRAPHIE

Capriol.

Vous m'auez cy deuant dit que le premier passage aprēz les cinq pas, se fait d'vnze pas sur la quatrieme mesure, & de dix-sept sur la sixieme mesure, & de vingt trois sur la huitiesme mesure, & ainsi conséquemment comptant six pas pour les deux mesures que l'on passe, & cinq pas pour deux mesures, ou l'on fait cadance.

Arbeau.

Ie le vous ay dit ainsi : Mais cela s'entend quand on dance vn pas sur chacune minime blanche : Or est augmenté le nombre des pas , quand nous couppons vne minime blanche en deux noires, & que sur chacune minime noire, nous voulons attribuer son pas : Quand aussi les passages sont moindres d'vnze, dixsept , vingt trois pas , & quand nous faisons seruir deux ou trois minimes blanches à vn seul pas, vous vous souviendrez de ce que ie vous ay dit, que l'action du danseur est belle, quand le mouvement des pieds accompagne les battements de la musique , comme vous experimenterez en l'air de la gaillarde appellee la Milannoise que voyez cy dessoubs compoee d'un passage d'vnze pas extenduz en quinze par cinq fleurets, suyvis de cinq pas racourisis en trois pas.

Capriol.

Peult-on pas faire des fleurets en dançant la gaillarde, encōtre que la musique ne porte point de minime blanche coupée en deux minimes noires.

Arbeau.


Aiseement, en yimaginant la diète section, encor qu'elle ne soit pas ainsi hottee, & generallement pourrez , ou par escript , ou par ymagination former voz mesures , de notes entieres ou coupées telles que vouldrez.

Capriol.

I'attends l'air de ceste Milannoise, & la tabulature des pas &

Arbeau.

Air de la gaillarde appellé la Milannoise. Monuements que le danseur doibt faire en dansant la gaillarde.



- | | |
|--|----------|
| Pied en la'ir droit, sans petit fault. | |
| Pied en l'air gaulche, sans petit fault. | Fleuret. |
| Greue droicte. | |
| Pied en l'air gaulche, sans petit fault. | |
| Pied en l'air droit, sans petit fault. | Fleuret. |
| Greue gaulche. | |
| Pied en l'air droit, sans petit fault. | |
| Pied en l'air droit, sans petit fault. | Fleuret. |
| Greue droicte. | |
| Pied en l'air gaulche, sans petit fault. | |
| Pied en l'air droit, sans petit fault. | Fleuret. |
| Greue gaulche. | |
| Pied en l'air droit, sans petit fault. | |
| Pied en l'air gaulche, sans petit fault. | Fleuret. |
| Greue dtoicte. | |
| Pied croisé droit, sans petit fault. | |
| Reuerence passagiere droicte, Ou entreaille du droit caufant greuegaulche. | |
| Sault majeur. | |
| Posture droicte. | |

ORCHESOGRAPHIE

111.

Reuers.

Pied en l'air gaulche, sans petit fault.

Pied en l'air droit, sans petit fault. **Fleuret.**
Greue gaulche.

Pied en l'air droit, sans petit fault.

Pied en l'air gaulche, sans petit fault. **Fleuret.**
Greue droictē.

Pied en l'air gaulche, sans petit fault.

Pied en l'air droit, sans petit fault. **Fleuret.**
Greue gaulche.

Pied en l'air droit, sans petit fault.

Pied en l'air gaulche, sans petit fault. **Fleuret.**
Greue droictē.

Pied en lair gaulche, sans petit fault.

Pied en l'air droit, sans petit fault. **Fleuret.**
Greue gaulche.

Pied croisé gaulche.

Reuerence passagiere gaulche, ou entretaille gaulche caufat greue droictē.

Sault majeur.

Posture gaulche.

Et ainsi continuant en repetant le commencement.

Capriol.


Passons oultre, & me donnez la tabulature de quelque passage d'vnze pas.

Arbeau.

Les passages d'vnze pas peuvent estre formez en comptant


& liant ensemble deux cadances de cinq pas, ou équivalents à cinq pas, telles que voudrez choisir, pourvu qu'en lieu du soupir (sur lequel se fait le sault majeur de la première cadance) vous y colloquiez un mouvement, ou bien que conuertissiez ledit soupir & la posture suyante en un fleuret, ou deux pas pour rompre la dite première cadance, & si ne voulez prendre ceste peine, vous vous ayderez de la tabulature suyante, en attendant qu'en ayez recueillé d'autres des bons baladins, car l'usage vous en apprendra plus que les préceptes : Et noterez que ces passages d'unze ou plusieurs pas, sont naturellement propres pour les fins des gaillardes, & de meilleur gracie, quand on les fait en tornant le corps.

Air de la gaillarde appellée l'aymerois *Mouvements qu'il convient faire au danseur pour mieulx dormir salette, &c.*



- Ruade droite.
Entretaille qui fait greve gaulche.
Ruade gaulche.
Greve gaulche.
Ruade droite.
Entretaille qui fait greve gaulche.

Ruade gaulche.
Entretaille qui fait greve droite.
Ruade droite.
Entretaille qui fait greve gaulche.
Sault majeur pour preparer cadance,
Cadance en posture droite.




ORCHESOGRAPHIE

Reuers du passage precedent.

- Ruade gaulche.
Entretaille qui fait greue droite.
Ruade droite.
greue droite.
Ruade gaulche.
Entretaille qui fait greue droite.
Ruade droite.
Entretaille qui fait greue gaulche.
Ruade gaulche.
Entretaille qui fait greue droite.
Sault majeur pour preparer cadance.
Cadance en posture gaulche.

Il vous fauldra torner deux fois le corps en dâçant les vnze pas, & auttant de fois en dançant le reuers, car vn seul tornement de corps ny suffiroit pas.



Aultre passag e d'vnze pas.

- Ruade gaulche.
greue gaulche.
Ruade gaulche.
greue gaulche.
Position droite.
greue droite.

Position gaulche.
greue gaulche.
Ruade gaulche.
greue gaulche.
Sault majeur pour preparer cadance.
Cadance de posture droite.

Reuers

DE THOINOT ARBEAV.

61

Reuers du passage precedent.

Ruade droi&e.

Greue droi&e.

Ruade droi&e.

Greue droi&e.

Position gaulche.

Greue gaulche.

Position droi&e.

Greue droi&e.

Ruade droi&e.

Greue droi&e,

Sault majeur pour preparer cadance.

Cadance de posture gaulche.

Air de la gaillarde appellée L'ennuy qui me tourmente, &c.

Mouvements que le danseur doit faire en dansant la gaillarde.

Aultre passag d'vnze pas.

Greue droi&e.

Greue droi&e.

Ruade gaulche.

Greue gaulche.

Posture droi&e.

Greue droi&e.

Posture gaulche.

Greue gaulche.

Ruade gaulche.

Greue gaulche.

Sault majeur pour preparer cadance.

Cadance en posture droi&e.



ORCHESOGRAPIE

Reuers du passage precedent.

- Greue gaulche.
- Greue gaulche.
- Ruade droite.
- Greue droite.
- Posture gaulche.
- Greue gauleche.
- Posture droite.
- Greue droite.
- Ruade droite.
- Greue droite.
- Sault majeur.
- Posture gaulche.

Capriol.

Iay (Dieu mercy) assez de quoy m'exercer maintenant en la
gaillarde: Toutesfois ie vous pris me donner encore vne cou-
ple de passages , s'il ne vous ennuye.



Aultre passage d'vnze pas.

- Ruade droite.
- Entretaille qui fait greue gaulche.
- Ruade droite.
- Entretaille qui fait greue gaulche.
- Posture droite.
- Greue droite.
- Posture gaulche.
- Greue gaulche.
- Ruade gaulche.
- Greue gaulche.
- Sault majeur.
- Posture droite.

DE THOINOT ARBEAU.

62

Reuers du passage precedent.

Ruade gaulche.

Entretaille qui fait greue droite.

Ruade gaulche.

Entretaille qui fait greue droite.

Posture gaulche.

Greue gaulche.

Posture droite.

Greue droite.

Ruade droite.

Greue droite.

Sault majeur.

Posture gaulche.

Aultre passage d'vnze pas , la où le sixieme pas est decoupé en deux & le septieme aussi , telle-
ment qu'il y a treize pas pour vnze.

Pied ioinct.

Greue droite.

Entretaille qui fait greue gaulche.

Entretaille qui fait greue droite.

Posture droite.

Greue gaulche.

Posture droite.

Greue droite.

Posture gaulche.

Greue droite.

Greue droite.


Greue droite.

Sault majeur.

Posture gaulche.

Q ij

LA CHOREOGRAPHIE



Reuers du passage precedent.

Pied ioinct.

Grecue gaulche.

Entretaille qui fait grecue droite.

Entretaille qui fait grecue gaulche.

Posture gaulche.

grecue droite.

Posture gaulche.

grecue gaulche.

Posture droite.

grecue gaulche.

grecue gaulche.

grecue gaulche.

Sault majeur.

Posture droite.

Pour faire des passages de dixsept pas, il vous fault lier ensemble trois cadances de cinq pas, & rompre les deux premières: Ou bien liez ensemble vn passage d'vnze pas avec vne cadance de cinq pas, & rompez les cadances, gardant seulement la dernière: Pour faire des passages de vingt trois pas, fault lier ensemble quatre cadances de cinq pas, ou deux passages d'vnze pas, & rompre toutes les cadances, fors la dernière: Et ainsi consequemment.

Capriol.

Cela est bien facile: Jugez si ic feray bien ce premier passage d'vnze pas.

Arbeau.

Vous avez bien formé voz pas & mouuements, & estes biē tumbé en cadance, mais quand vous dancerez en compagnie ne baissez point la teste pour contrerooller voz pas & veoir si vous dancez bien: Ayez la teste & le corps droit, la vheue at-

scuree, crachez & mouchez peu, & si la necessité vous y contrainct, tornés le visage d'autre part & vitez d'un beau mouchoir blanc: Deuisés gracieusement, & d'une parole douce & honneste, vos mains soient pendantes, non comme mortes, ny aussi pleines de gesticulations, & soyés habillé proprement & nettement, avec la chausse bien tiree, & l'escarpin propre, & vous souuenés de ces aduertissemens, non seulement en ceste dance gaillarde, mais aussi en toutes autres sortes de dances.

Nous auons assés parlé de la gaillarde, & n'en parleray d'autre, sinon pour vous dire que pouuez maintenant cognoistre estre facile de decouper le double d'une pauane, en l'extendat par tels mouuements que vouldrez choisir, lesquels seront mesuréz par six minimes blanches, un soupir pour le fault majeur & une posture, ou par douze minimes noires, un soupir pour le fault majeur & une posture. Ou par extensions & raccourcissements de leurs meslanges, contenants la mesure du temps que l'on mettroit à former le double que voulés decouper. Il s'est treuué des personnes si gaillardes & si bondissantes, qu'ils ont accommodé & approprié plusieurs faults en l'air, & quelquesfois doublé ou triplé lesdits faults, en lieu des cinq pas ou vneze pas; & à la fin desdits faults, sont retumbés à la cadance, si bien & proprement qu'ils ont acquis le renom d'estre des plus braues danseurs: Mais il est aduenu maintesfois qu'en faisant les souples faults, ils se sont laissez tumber, dont la mocquerie & les risees s'en sont ensuyuies, parquoy les sages ont toufiours conseillé de ne faire tels faults, ou bien de les faire si aisez, que le danseur n'en puisse tumber en cest inconue-

Caprial.

Ce m'est chose maintenant bien claire à entendre: Au reste je serois bien content de ne point ignorer la volte, puisque le temps la receut en usage.

ORCHESOGRAPHIE
LA VOLTE.

Arbeau.

LA Volte est vne espece de gaillarde familiere aux Provençaux, laquelle se danse comme le tourdion par mesure ternaire: Les mouuements & pas de ceste dance, se font en tornant le corps, & consistent en deux pas, vn sault pour le sault majeur, vne assiette de pieds iointz, & en fin deux soupirs ou pauses. Pour enténdre ce que dessus: Soiez par ypothe-
tic de front devant moy à pieds iointz, faites pour le premier
pas vn pied en l'air assez court, en saultat sur vostre pied gaul-
che, & en ce faisant me monstrez vostre cespaulle gaulche, puis
faites le deuxième pas assez long sur vostre pied droit sans
saulter, & en ce faisant me monstrez vostre dos: Puis faites le
sault majeur en tornant vostre corps & tumbés à pieds joints,
quoy faisant me monstrez vostre cespaulle droictz: Ainsi au-
rez accouplly le premier tour.

Capriol.

A vostre compte, on ne torne pas tout le corps.

Arbeau.

Qui torneroit tout le corps, on se retrouveroit comme au commencement, & ne bougeroit-on quasi d'yne place: Après ce premier tour (qui est de trois quartiers du corps) vous ferés au second tour vn pied en l'air pour le premier pas assés court, comme auparavant, en saultant sur vostre pied gaulche, & en ce faisant me monstrez vostre estomac: Puis ferez le deuxième pas assez long sur vostre pied droit sans saulter, & ce faisant me monstrez vostre cespaulle gaulche: Puis ferés le sault majeur en tornant vostre corps, & tumberés en pieds iointz, quoy faisant me monstrez le dos.

Pour le troisième tour & cadance, ferés pied en l'air pour le premier pas assez court, en saultant sur vostre pied gaulche, &

en ce faisant me monstrerez le couste droit: Puis ferés le deu-xieme pas assez long sur vostre pied droit sans faulter , ce fai-sant me monstrerez l'estomac : Puis ferés le fault majeur en tornat vostre corps & tumberez en pieds ioincts, quoy faisant me monstrerés vostre espaule gaulche.

Pour le quatrième tour & cadance, ferés pied en l'air pour le premier pas assés court, en faultant sur vostre pied gaulche, & en ce faisant me monstrerés le dos: Puis ferés le deuxicme pas assés long sur le pied droit sans faulter, ce faisant me monstre-rés l'espaule droite: Puis ferés le fault majeur en roenant vo-stre corps, & tumberés en pieds ioincts, quoy faisant me mon-strarés l'estomac , comme vous esties planté au commencement : Et partant voiés qu'en quatre cadances , vous pouués reuenir au mesme lieu & en mesme aspect que vous esties au commencement : Ce n'est pas toutesfois vne nécessité que ie vous prescris ; car il pourra aduenir que tournerés plus ou moins vitte : Mais ic vous ay fait ceste hypothese pour plus claire intelligence.

Capriol.

Si ie tiens vne damoiselle par la main, il seroit impossible qu'elle fit le tour avec moy, d'autant qu'elle est plus esloignée du centre.

Arbeau.

Vostre argument est bon, supposé (comme il est vray) que la damoiselle fait les mesmes pas & mouuements que vous: Et pour ceste occasion, celuy qui dance la volte se contemplant estre comme le centre & meillieu d'un cercle, doit approcher de son corps la damoiselle le plus qu'il luy est possible quand il veult torner, car par ce moyen ladite damoiselle treuvera les pas moins spacieux & plus aisez à faire: Pour l'approcher de vous ferés ainsi que s'ensuyt.

Aprés vostre iuerēce faite (tenat la damoiselle par la main)

ORCHÉSOGRAPHIE

auant que de tourner, faites quelques pas par la file, par maniere de préparation, comme si vous danciez le tourdion : Or en cest endroit noterez qu'aucuns dancent commencement par cinq pas à droit, puis cinq pas à gaulche faits à rechâge, ou bien par cinq pas racourcis en deux pas, vn sault majeur & vne posture, & autant pour le reuers, & ainsi continuant: Autres dancent ce commencement ainsi que le reste de la volte par vn pied en l'air, vn pas, vn sault majeur. & la posture de pieds ioincts, comme dessus a esté dit.

Capriol.

Laquelle sorte vous agrée le plus?

Arbeau.

La dernière sorte: Car par ce moyen ceste dance demeure uniforme en toutes ses parties, tant au commencement qu'à la fin: Quand voudrez torner, laissés libre la main gaulche de la damoiselle, & gettés vostre bras gaulche sur son dos, en la prenant & serrat de vostre main gaulche par le faulx du corps au dessus de sa hanche droicte, & en même instant getterez vostre main droicte au dessoubz de son busq pour l'ayder à faulter quand la pousserez devant vous avec vostre cuisse gaulche: Elle de sa part, mettra sa main droicte sur vostre dos ou sur vostre collet, & mettra sa main gaulche sur sa cuisse pour tenir ferme sa cotte ou sa robe, affin que cucillant le vent, elle ne monstre sa chemise ou sa cuisse nue: Ce fait vous ferez par ensemble les tours de la volte, comme cy dessus a esté dit: Et après avoir tournoyé par tant de cadances qu'il vous plaira, restituerez la damoiselle en sa place, ou elle sentira (quelque bonne contenance qu'elle face) son cerneau esbranlé, plain de vertigues & tournoyements de teste, & vous n'en aurez peult estre pas moins: Je vous laisse à considerer si cest chose bien seante à vne ieusne fille de faire de grands pas & ouvertures de jambes: Et si en ceste volte l'honneur & la santé y sont pas hazardez


Partez & interessez le vous en ay desia dit mon opinion.

Capriol.

Cevertigues & tournoiemens de ceruau me fascheroiēt,
Arbeau.

Dancez donc quelque autre sorte de dance. Ou si vous dacez cette cy à la gaulche, recommencez vne autre fois de la danser à la main droict, & parainsi redetornerez à la seconde fois, ce que vous avez tourné à la premiere.

Air d'une volte. Mouvements que les danseurs doivent faire en dansant la volte.



Petit pas en saultant sur le gaulche, pour faire pied en l'air droict.

Plus grand pas du droict.

Sault majeur.

Posture en pieds ioincts.

Petit pas en saultant sur le gaulche, pour faire pied en l'air droict.

Plus grand pas du droict.

Sault majeur.

Posture en pieds ioincts.

Petit pas en saultant sur le gaulche, pour faire pied en l'air droict.

Plus grand pas du droict.

Sault majeur.

Posture en pieds ioincts.

Petit pas en saultant sur le gaulche, pour faire pied en l'air droict.

Plus grand pas du droict.

Sault majeur.

Posture en pieds ioincts.

ORCHESOGRAPHIE

Vous continuerez à tourner par cadances à la gaulche, tant qu'il vous plaira: Et si vous voulez à vne autre fois dancer la volte à main droite, vous fauldra mettre vostre main droite sur le doz de la Damoiselle, & la main gaulche soubz son busq. & en la poussant de la cuisse droite soubz la fesse, tourner le revers de la tabulature cy dessus: Et notez qu'il y a dexterité à empocher & fermer contre vous la Damoiselle, car il fault ce faire en deux mesures ternaires, desmarchat sur la première mesure pour vous planter devant elle, & sur la fin de la deuxième mesure, luy mettant l'une des mains sur la hanche, & l'autre soubz le busq, pour à la troisième mesure commencer à tourner selon les pas contenus en la tabulature.

Capriol.

La courante comment la fault-il dancer, est-elle bien différente de la volte?

LA COVRANTE.

Arbeau.

Elle differe beaucoup de la volte, & se dance par vne mesure binaire legiere, consistant de deux simples & vn double du cousté gaulche, & autant du cousté droit, en marchant toufiours en avant ou de cousté, & quelquesfois en retrogradant selon qu'il plait au danseur: Et noterez qu'il fault saulter les pas de la Courante, ce qui ne se fait pas en la Pauane, ny en la Basse-dance: Pour faire donc vn simple à gaulche en la Courante, vous qui estes en contenance decente, saulterez sur le pied droit, en assenant le pied gaulche pour vostre premier pas, puis saulterez sur le pied droit, en tumbant en pied ioint pour le second pas, & ainsi sera accompli le simple à gaulche: Autrant en ferez à revers, pour accomplir le simple à droit: Pour le double à gaulche, saulterez sur le pied droit, en assenant le pied gaulche pour le premier pas dudit double à gaulche,

puis saulterez sur le pied gaulche, en faisant le second pas du pied droit, puis saulterez sur le pied droit, en faisant le troisième pas du pied gaulche : Puis saulterez sur le pied droit, en faisant le quatrième pas à pied ioinct : Et ainsi sera accompli le double à gaulche : Aultant en ferez à reuers pour les deux simples & double à droit : De mon ieufne aage ils dressoient sur la Courante vne forme de ieu & ballet : Cartrois ieusnes hommes choissoient trois ieunes filles : Et s'estants mis en renc, le premier danceur avec sa damoiselle la menoit en fin fister à l'autre bout de la salle, & retornoit seul avec ses compagnons, le deuxième en faisoit de mesme, puis le troisième, tellement que les trois filles demeuroient séparées à l'un des bouts de la salle, & les trois ieusnes hommes de l'autre : Et quāt le troisième estoit de retour, le premier alloit en se gambadat & faisant plusieurs mines & contenances d'amoureux, comme espoussetant & guindat ses chausses, tirant sa chemise bien a propos, alloit (disie) requerir sa damoiselle, laquelle luy fairoit refus de la main, ou luy tornoit le doz, quoy voyant, le ieune homme s'en retornoit en sa place, faisant contenance d'estre desesperé : Les deux autres en faisoient autant : En fin ils alloient tous trois ensemble requerir leur dites damoiselles chacun la sienne, en mettant le genoil à terre, & demandant mercy les mains iointes : Lors lesdires damoiselles se rendoient entre leurs bras, & dançoient ladite Courante pescle mesme.

Capriol.

Dancent-ils pas les Courantes maintenant de ceste mesme façon?


Arbeau.

Quand aux pas, ils doibuent estre de mesme : Mais les ieusnes hommes qui ne sçauent & n'ont p. int apris que cest d'un simple ny d'un double, dancent à leur phantaisie, & se contentent

ORCHESOGRAPHIE

moyennant qu'ils retumbent en cadanee, & en dançant tor-
nent le corps, lachant la main à la damoiselle, & apres le tour
fait, tout en dançant repreignent ladite damoiselle par la main,
& continuent: Et quand les compagnons de celuy qui danse
voient qu'il est lassé, il viennent oster & derober sa damoiselle,
& la meinent dancer, ou bien luy en mettent en main vne aut-
tre, quand ils voient que la premiere est lassée: Voicy vne tabu-
lature de la Courante.

*Air de la Courante. Mouvements qu'il convient faire
pour danser la Courante.*



Pas du gaulche.

Simple gaul-
che.

Pieds ioincts.

Simple droit.

Pas du droit.

Pieds ioincts.

Pas gaulche.

Ces quatre
mouueméts,
font double
a gaulche.

Pas droit.

Pas gaulche.

Pieds ioincts.

Vous en ferez autant pour le reuers, & continuerez en re-
petant comme au commencement: Aucunes des minimes blan-
ches de la tabulature cy dessus, font a vuide & pendant le
temps d'icelles, ferés les petits faults qui accompagnent les

mouuements, ou quand serez lasié & ne vouldrez faulter, elles vous seruiront de soupirs, comme si elles y estoient reduictes.

Capriol.

Quelle dance est l'Allemande?


L'ALLEMANDE.

Arbeau.

L'allemande est vne dance plaine de mediocre grauité, familiere aux Allemáds, & croy qu'elle soit de noz plus anciennes, car nous sommes descendus des Allemands: Vous la pourrez danser en compagnie: Car ayant vne damoiselle en main, plusieurs autres se pourront planter derrier vous, chacun tenant la sienne, & dancerez tous ensemble, en marchant en avant, & quand on veult en retrogradant, par mesure binaire, trois pas & vne greue, ou pied en l'air sans fault, & en quelques endroits par vn pas & vne greue, ou pied en l'air: Et quand vous aurez marché iusques au bout de la salle, pourrez danser en tornant, sans lascher vostre damoiselle: Les autres danseurs qui vous suyuront en feront de mesme quand ils feront audit bout de la salle: Et quand les ioueurs d'instruments cesseront este premiere partie, chacun s'arrestera & deuillera avec sa damoiselle, & recommencerez comme au parauant pour la secunde partie: Et quand viendra à la troisième partie, vous la dancerez par la mesme mesure binaire plus legiere & concerte, & par les mesmes pas, en y adioustant des petits faults comme à la Courante: Ce que vous entendrez facilement par la tabulature, laquelle ne seroit quasi point necessaire, attendu qu'il ny a guieres de diuersitez de mouueméts, toutesfois afin que vous voyez le tout plus clairement, ie n'espargneray la peine de la vous donner par elcript.

ORCHESOGRAPHIE

Air de l'Allemande, pour Mouvements qu'il faut
la premiere & seconde faire pour danser l'Al-
partie.



Pas du gaulche.

Pas du droit,

Pas du gaulche.

Greue droite.

Pas du droit.

Pas du gaulche.

Pas du droit.

Greue gaulche.

Pas du gaulche.

Pas du droit.

Pas du gaulche.

Greue droite.

Pas du droit.

Pas du gaulche.

Pas du droit.

Greue gaulche.

Pas du gaulche.

Greue droite.


Pas du droit.

Greue gaulche.

Voyez en ces deux dernieres mesures, qu'il ny a qu'un pas & vne greue en chacune, parce que l'air le requiert ainsi.

DE THOINOT ARBEAV.

*Continuation de l'air. Continuation des mouuements
de l'Allemande.*



Pas du gaulche:

Pas du droit.

Pas du gaulche.

Greue droicté.


Pas du droit.

Pas du gaulche.

Pas du droit.

Greue gaulche.

*Tabulature de la troisième partie de l'Allemande, qui se dance par mesure
binaire, comme la courante, avec les mouuements.*



Pas du gaulche.

Pas du droit.

Pas du gaulche.

Greue droicté.

Reuers.

Pas du droit.

Pas du gaulche.

Pas du droit.

Greue gaulche.

Et ainsi continuant, en repetant le commencement.

ORCHESOGRAPHIE

Les minimes blanches qui sont icy a vuyde, tiennent lieu de soupirs & pauses, ou de petits faultz, comme dit a esté en la Courante: En dançant l'Allemande, les ieunes hommes quelquesfois derobent les damoistelles, les ostant de la main de ceulx qui les meynent, & celuy qui est spolié se trauaille d'en r'auoit vne aultre: Mais ie n'ap'reuuue point ceste facon de faire, parce qu'elle peult engendrer des querelles & mescontentements.

Capriol.

Je me suis prins garde qu'ez bonnes compagnies, on commence ordinairement les dances par branles. Dites moy cōment il les fault dancer?

BRANLE DOVBLE.

Arbeau.

Puis que vous sçavez bien dancer la rauane & la basse dance, il vous sera facile de dancer les branles à la mesme mesure binaire, & entendrez que les branles se danceent de cousté, & nō pas en marchant en avant: En premier lieu, quand au branle appellé branle double, vous y marcherez vn double du cousté gaulche, puis vn double du cousté droit, vous sçavez bien qu'un double consiste de trois pas, & un pied ioinct: Pour faire lesquels de cousté, vous qui serez en contenance decente (apres la reuerence salutatoire) tenant ferme & posé le pied droit, getterez à cousté le pied gaulche, qui sera vn pied largy pour la premiere mesure: Puis pour la secunde mesure (tenant ferme & posé le pied gaulche) approcherez le pied droit du gaulche, qui sera vn pied largy quasi ioinct: pour la troisieme mesure (tenant ferme & posé le pied droit) getterez à cousté le pied gaulche, qui sera vn pied largy Et pour la quatrieme mesure (tenant ferme le pied gaulche) approcherez le pied droit près dudit gaulche, qui sera pied ioinct. Ces quatre pas faicts en quatre mesures ou battements de tabourin, nous les appellerons

terons double à gaulche, aultat en ferez vous du cousté droit, en faisant le reuers du double précédent. Cartenant ferme & posé le pied gaulche, gettez à cousté le pied droit, qui sera vn pied largy, pour la cinquième mesure: Puis pour la sixième mesure (tenant ferme & posé le pied droit) approcherez le pied gaulche du droit, qui sera vn pied largy, quasi ioint: Pour la septième mesure (tenant ferme & posé le pied gaulche) gettez à cousté le pied droit, qui sera vn pied largy: Finalement pour la huietieme mesure (tenant ferme & posé le pied droit) approcherez le pied gaulche pres dudit droit, qui sera vn pied ioint, & ces quatre derniers pas, nous les appellerons double a droit: Et ainsi en ces huit pas & mesures, sera accô-ply le branle double, comme verez en la tabulature, & le repeterez comme au commencement, faisant vn double a gaulche, puis vn double a droit.

Cupiol.

Iayouylà bas en vostrelallette maistre Guillaume avec son violon, donnez moy de la tabulature pour le branle douole, & ic la pratiqueray pour veoir si i'en viendray bien au bout.

Arbeau.

Oclavicht bien à propos: De l'endrons, & luy faisons sonner son violon: Les ioueurs d'instruments sont tous accoustumez à commencer les dances en vn festin par vn branle double, qu'ils appellent le branle commun, & en aprez donnent le branle simple, puis aprez le branle gay, & à la fin des branles qu'ils appellent branles de Bourgoigne, lesquels accuns appellent branles de Champaigne: La suerte de ces quatre sortes de branles, est approptriee aux trois differences de personnes qui entrent en vne dance: Les anciens dancent grauement les branles doubles & simples: Les ieunes mariez dancent les branles gayz: Et les plus ieunes comme vous dancent legierement les branles de Bourgoigne; Et neantmoins tous ceulx de la

ORCHESOGRAPHIE


dances s'accordent du tout comme ils peuvent, chacun selon son aage, & la disposition de sa dexterité.



Tabulature pour danser les branles doubles.

Air d'un branle double.

Mouvements pour danser
le branle double.



- Pied gaulche largy.
- Pied droit approché.
- Pied gaulche largy.
- Pied droit ioint.

- Pied droit largy.
- Pied gaulche approché.
- Pied droit largy.
- Pied gaulche ioint.

Ces quatre pas
font double a
gaulche.

Ces quatre pas
font vn double
a droit.

Capriol.

Ce branle double est bien facile à danser: Mais il me semble que les danseurs ne bougent d'une place, d'autant qu'ils font à gaulche quatre pas, lesquels ils dessont à droit par autres quatre pas.

Arbeau.

Pour obuier à cela, ils font le double à droit plus restreint, & ainsi gaignent toufiours auantage à la gaulche: En aulcuns lieux, en lieu dudit double à droit, ils font vne reprise ou va branle.

Capriol.

Les branles me plaisent, parce que plusieurs y preignent plaisir ensemble.

Arbeau.

Quand vous commencerez vn branle, plusieurs autres se joindront avec vous, tant ieusnes hommes que damoiselles: Et quelquesfois vne qui est la dernière en la dance, prendra vostre main gaulche, & ainsi se fera vne dance ronde.

Capriol.

Celuy qui meyne le devant de la dance, quand il ny a point de ronde, demeure-il toufiours le premier?

Arbeau.

Ouy bien souuent: Car il ne se treuue point d'autre qui avec sa damoiselle veuille presumer d'aller le premier, mesmement quand cest vn Seigneur de reputation; & sur lequel on ne veult pas entreprendre.

Capriol.

Quelle place prendra cestuy cy qui vouldra estre de la partie?

Arbeau.

Il le mettra à la queue, en prenant sa damoiselle par la main droite, ou bien treuera gracieusement quelque place entre ceulx qui sont en la dance.

ORCHESOGRAPHIE

Capriol.

Ecray ic point de decouppemens en dançant ces branles?

Arbeau.

On a tousiours estimé, que le plus grauement & pesamment quel l'on peult danser les branles doubles, cest le meilleur, & toutesfois il n'est pas indecet de faire sur la premiere minime blanche de la septieme mesure vn pied en l'air gaulche, & sur la seconde minime blanche de la dixie septieme mesure, vn pied en l'air droit, & sur la premiere minime blanche de la huitieme & derniere mesure, vn pied en l'air gaulche, prest à continuer & repeter comme au commencement, tenant ledit pied gaulche en l'air, autant de temps que vault & emporte la derniere minime blanche.

Continuation de l'air du branle double.

Mouuements decoupés, comme dessus est dit.



Pied gaulche largy.

Pied droit approché.

Pied gaulche largy.

Pied droit ioinct.

Pied droit largy

Pied gaulche approché.

Pied en l'air gaulche.

Pied en l'air droit.

Pied en l'air gaulche
souspir.

Ces quatre pas
font vn double
a gaulche.

Ces cinq pas fēt
double a droit
decouppé.

Capriol.

Nefait on point d'auttres decoupemens es branles dou-
bles?

Arbeau.


Les ieusnes hommes qui ont vne grande agilité, y font des
decoupemens a leur plaisir: Mais ie vous conseille de les dan-
cer possement.

BRANLE SIMPLE.

Soubz la mesme mesure binaire, & par mesmes pas que ie
veus viens de proposer pour le branle double, vous dancerez
le branle simple, faisant vn double a la gaulche pour le com-
mencement, mais voicy la difference: Car en lieu de faire apres
eclav'n double droit, ferez seulement vn simple par vn pied
droit largy, & pour la fin le pied gaulche ioinct, duquel simple
decouperez les quatre minimes blâches, par trois pied en l'air
& vn soupir, comme nous venons de dire ey deuât au branle
double.

Tabulature du branle simple.

*Air d'un branle simple. Mouemens pour danser le
branle simple.*



Pied gaulche largy.

Pied droit approché.

Pied gaulche largy.

Pied droit ioinct.

Pied droit largy.

Pied gaulche ioinct.


Ces quatre pas
fot vn double
a gaulche.

Ces deux pas
font simple a
droict.

ORCHESOGRAPHIE

*Continuation de l'air
du branle simple.*

*Mouvement decoupé, com-
me nous avons dit au
branle double.*



Pied gaulche largy.

Pied droit approché.

Pied gaulche largy.

Pied droit ioinct.

Pied en l'air gaulche.

Pied en l'air droit.

Pied en lair gaulche:
soupir.

Ces quatre pas
font double a
gaulche.

Ces trois pas
font vn simple
a droict.

BRANLE GAY.

Aprez le branle simple suyt le branle gay , lequel vous dan-
cerez du cousté gaulche seulement, par deux mesures ternai-
res, en quatre pas & vne pause : Pource faire , vous largirez
le pied gaulche , & l'asseant a terre , ferez pied en l'air droit
pour le premier pas , sur la premiere minime blanche: Puis
vous approcherez le pied droit du gaulche , & l'asseat a terre,
ferez pied en l'air gaulche pour le deuxieme pas , sur la deu-
xieme minime blanche: Puis largirez le pied gaulche , & en
l'asseant a terre,ferez pied en l'air droit pour le troisieme pas ,
sur la troisieme minime blanche: Puis approcherez ledit pied
droit prez du gaulche , & l'asseant a terre , ferez pied en l'air
gaulche , & le tiendrez ainsi prest a repeter comme au com-
mencement , pendant le temps de deux minimes blanches ,
qui seront equipotents a deux sonspirs, ou vne pause: Et si en
l'air de la tabulature trouuez des semibreues , imaginez quel-

les soient coupées en deux minimes blâches, pour y asseoir,
les pas qu'il conuient faire pour danser le branle gay.

Tabulature du branle gay.

Air du branle gay. *Mouuements qu'il conuient faire
pour danser ce branle.*



Pied en l'air droit.
Pied en l'air gaulche.
Pied en l'air droit.
Pied en l'air gaulche.
Pause.
Pied en l'air droit.
Pied en l'air gaulche.
Pied en l'air droit.
Pied en l'air gaulche.
Pause.
Pied en l'air droit.
Pied en l'air gaulche.
Pied en l'air droit.
Pied en l'air gaulche.
Pause.
Pied en l'air dtoit.
Pied en l'air gaulche.
Pied en l'air droit.
Pied en l'air gaulche.
Pause.

Capriol.

Ce branle (non sans cause) est appellé gay, car à ce que je
voy l'un des pieds est tousiours en l'air : Mais poursuyuez, &
parlez du branle que vous nommez branle de Bourgoigne.


ORCHESOGRAPHIE
B. DE BOVRGOIGNE.

Arbeau.

Aprez ce branle gay, les ioueurs d'instruments sonnent le branle de Bourgoigne, lequel se dance de costé & d'autre, par mesmes pas que le branle double par mesure bidaire, mais la diète mesure est plus legiere & concitée: Et ny a difference esdits pas, sinon qu'en lieu des pieds iointz, on y fait des greues ou pieds en l'air, ès quatrième & huitième pas.

Tabulature du branle de Bourgoigne.

Air du branle de Bourgoigne. *Mouuements qu'il convient faire au branle de Bourgoigne:*



Pied gaulche largy.

Pied droit approché.

Pied gaulche largy.

Greue droictè, ou pied en l'air.

Pied droit largy.

Pied gaulche approché.

Pied droit largy.

Greue gaulche, ou pied en l'air.

Ces quatre pas font double à gaulche.

Ces quatre pas font double à droict.

Et ainsi vous continuerez, en repetant le commencement.

B. DV HAVLT BARROIS.

Il y a vneaultre sorte de branle appellé le hault barrois, lequel se dance ainsi que le branle double, ou comme le branle de Bourgoigne: Mais il y a difference, parce que ce branle icy ne requiert pas seulement le mouvement des pieds, mais il requiert le mouvement des espaules & bras, avec petits faults, par mesure binaire, legiere & concitée: Pour le dancer, vous ferez ainsi, saulterez des deux pieds, en gaignant chemin du cousté gaulche, en tumbant sur pied largy gaulche: Puis saulterez encore des deux pieds, en gaignant chemin du cousté gaulche, & tumbant sur pied droit approché: Puis saulterez encore des deux pieds, gaignant chemin a gaulche, tumbant sur pied larg y gaulche: Puis saulterez encore des deux pieds, en gaignant chemin a gaulche, tumbant sur pieds ieincts, ou bien tumbant sur le pied gaulche, & faisant greve droicte, ou bien pied en l'air droit, & ainsi sera accomply le double a gaulche: Aultant en ferez a reuers, du cousté droit, pour accomplir le double a droit: Et si l'air du hault barrois est comme le branle simple, en retrancherez les deux penultimes mesures, pour accomplir ledit simple: Ce branle se dance par les vallets & chamberieres, & quelquesfois par les ieufnes hommes & damoiselles quand ils font quelques mascarades, desguisez en paysans & bergiers ou qu'ils se veullent elgayer priuelement, La tabulature des branles double & simple escrits cy deuant: vous deburoit suffire, si ne laisserayie a vous en donner vne sur l'air d'un branle de Monstierandel.


Capriol.

Ce branle icy me semble plus remuant que les precedents, & seroit propre pour dancer en l'hyuer, afin de s'eschauffer: Puis que vous avez commencé a donner dela tabulature, ie vous prie m'en donner pour ce branle icy.

T

ORCHESOGRAPHIE
Tabulature du branle du hault Barrois.

*Air d'un branle hault Mouvements pour danser
Barrois. le hault Barrois.*



- | | |
|-----------------------|--|
| Pied gaulche largy. | Ces quatre pas
fōt vn double
a gaulche. |
| Petit fault. | |
| Pied droit approché. | |
| Petit fault. | |
| Pied gaulche largy. | |
| Petit fault. | |
| Pieds ioinctz. | |
| Petit fault. | |
| Pied droit largy. | Ces deux pas
font simple a
droict. |
| Petit fault. | |
| Pied gaulche approché | |
| Petit fault. | |
| Pied droit largy. | |
| Petit fault. | |
| Pieds ioinctz. | |
| Petit fault. | |

Et ainsi vous continuerez, en repetant le commencement.

De tous les branles cy dessuz comme d'vne source sont de-
riuez & emannez certains branles compoſez, & entremeslez
de doubles, de simples, de piedz en lair, de piedz ioinctz &
faultz quelques fois variez par intercalation de mesures diuer-
ses, pesantes ou legieres, felon que bon a semblé aux com-
poſiteurs & inuenteurs. Les ioueurs diſtrumentz les appellent

branles de Châpagne coupeez. Et affin de s'accorder par ensemble, ils ont mis ces branles par suites de certains nobres, comme les nostres de Lengres en iouent dix de suite, quilz appellent branles de Champagne coupeez. Ilz en iouent vn certain autre nombre de suite, qu'ilz appellent branles de Camp, vne autre suite, ilz la nommèt branles de Henault, vne autre suite, ilz la nomment branles d'Auignon: Et autant qu'il furuent de fresches compositions & nouveaultez, autant en font ilz des suites, & leur attribuent des noms à plaisir.

Caprial.

Donnés moy la tabulature de toutes ces suites.

Arbeau.

Je ne vous en donneray point de tabulature, vous remettâ à en faire les memoires de vous mesmes, soubs les instructiōs des maistres ioueurs d'instruments, ou de voz compagnons. Et quās ferés instruisez, & les vouldrez danser en quelque festin, vous demanderez auxdits ioueurs, la suite que vouldrez danser, par son nom, & ilz la vous donneront. Ce pendant je vous aduertiray, que si voulés bien danser ces bráles coupés, il vous fault scauoir les airs par cœur, & les chanter en vostre esprit avec le violon.

Caprial.

Donnés men ou moings la tabulature de deux ou trois, car par ce moyen i'auray plus facile entrée à l'intelligence de tous les autres.

Arbeau.


Je le veulx bien, voicy la tabulature des bráles de Cassandre & Pinagay , premier & second de la suite des branles de Champagne coupés, qui se dansent par mesure binaire, le gierement sans fault (comme aussi font ceulx de Camp, de Henault & d'Auignon) ou bien les dancerez comme les branles du hault barrois, avec petits faultz.

ORCHESOGRAPHIE

Tabulature du branle coupé nommé Cassandre.

Air du branle coupé nommé Cassandre.

Mouuements qu'il convient faire au branle coupé, nommé Cassandre.



Pied gaulche largy.
Pied droit approché.
Pied gaulche largy.
Pieds ioincts.

Pied droit largy.

Pied gaulche approché
Pied droit largy.
Pieds ioincts.

Pied gaulche largy.
Pied droit approché.
Pied gaulche largy.
Pieds ioincts.

Pied droit largy.

Pied gaulche approché.
Pied droit largy.

Pieds ioincts.

**Ces quatre pas
font double à
gaulche.**

**Ces quatre pas
font double à
droict.**

**Ces quatre pas
font vn double
à gaulche.**

**Ces quatre pas
font vn double
à droict.**

continuation de l'air Mouvement

Pied gaulche largy.
Pieds ioincts.

Ces deux font sim-
ple à gaulche.

Pied droit largy.

Ces quatre pas


Pied gaulche appro-
font vn double a

Pied droit largy.

gaulche.

Pieds ioincts.

Tabulature du brâle coupé appellé Pinagay.

Air du branle Pinagay. Mouvements.

Pied gaulche largy.

Ces quatre pas
font double a
gaulche.

Pied droit approché.

Pied gaulche largy.

Pieds ioincts.

Pied en l'air gaulche.

Pied gaulche largy.

Pied droit approché.


Pied gaulche largy.

Piedz ioincts.

Ces quatre pas
font vn double
a droict.

ORCHESOGRAPHIE

Continuation de l'air. Continuation des mouuements.



Pied en l'air gaulche.

Pied en l'air droit.

Pied en l'air gaulche.

Pied largy gaulche.

Pied droit approché.

Pied largy gaulche.

Pieds ioincts.

Pied largy droit.

Pied gaulche approché.

Pied largy droit.

Pieds ioincts.

**Ces quatre pas
font vn double
a gaulche.**

**Ces quatre pas
font vn double
adroict.**

Capriol.

Je croy que sçavez tous les mouuements des branles coupés.

Arbeau.

Du commencement que ie vins demeurer en ceste ville de Lengres, on ne parloit que de dances, mascarades, & allegrefses: Nous sauvions maistre Claudio qui iouoit diuinement bien des instruments, & nous faisoit exercer gaillardement: Depuis quelque temps, ie ny voy plus que du chagrin, avec cela ie suis deuenu vieil & pefant: Nous dancions lors entre autres branles couppez, le branle de la Guerre, le branle d'Aidan, le branle de Chailotte, & vne infinité d'autres.

Capriol.

Comment danciez vous ces branles que vous dîtes?

Arbeau.

Vous le verrez par leur tabulature.

Tabulature du branle couppé Charlotte.

*Air du branle couppé
appelé Charlotte.**Monuements requis pour
dancer ce branle.*

Pied largy gaulche.

Pied droit approché.

Pied largy gaulche.

Pieds ioincts.

Pied en l'air gaulche.

Pied en l'air droit.

Pied largy droit.

Pied gaulche approché.

Pied largy droit.

Pieds ioincts.

Pied largy gaulche.

Pied droit approché.

Pied largy gaulche.

Pieds ioincts.

Ces quatre pas
fōt vn double
a gaulche.Ces quatre pas
fōt vn double
a droit.Ces quatre pas
font vn double
a gaulche.

ORCHESOGRAPHIE

Continuation de l'air. Continuation des mouvements.



Pied en l'air gaulche.

rié en l'air droit.

ried largely direct,

Ces deux pas font
ried gaulche approché, simple à droict.

pied en l'air gaulche.

rié en l'air droit.

ried en l'air gaulche.

Pied large gaulche.

Ces deux pas sont simple a gaulche.

Pied en l'air droit.

pied en l'air gaulche

ried en l'air droit.

picd largy droit,

Ces quatre pas
pied gaulche approché. fōr vn double

bied largy droit

had largely dropt. a droict.

Pieds joints.

Et continuerez en repetant comme au commencement:
Et noterez que si vous le voulez danser en forme de hault-
barrois

barrois, vous fauldra faire des petits faults, ou voiez les minimes blanches a vuyde.

Tabulature du branle coupé de la guerre.

*Air du branle coupé de Monuements requis pour danser
la guerre.*



Pied largy gaulche.

Ces quatre pas
fōt vn double
a gaulche.

Pied droict approché.

Ces quatre pas
fōt vn double
a droict.

Pied largy gaulche.

Ces quatre pas
font vn double
a gaulche.

Pied largy droict.

Ces quatre pas
font vn double
adroict.

Pied gaulche approx.

Pied largy droict

Pieds ioincts.

Pied largy gaulche.

Pied droict approché.

Pied largy gaulche.

Pieds ioincts.

Pied largy droit.


pied gaulche approx.

pied largy droit.

Pieds ioincts.

ORCHÉOGRAPHIE

Continuation de l'air. Continuation des mouvements.



Pied largy gaulche.

Pied droit approché.

Pied largy gaulche.

Pieds ioincts.

Pied largy droit.

Pied gaulche approx.

Pied largy droit.

Pieds ioincts.

Pied largy gaulche.

Pieds ioincts.

Pied largy droit.

Pieds ioincts.

Pied largy gaulche.

Pied droit approché.

Pied largy gaulche.

Pieds ioincts.

Pied largy droit.

Piedz ioinctz

Pied largy gaulche.

Pieds ioincts.

Pied largy droit.

Pied gaulche approx.

Pied largy droit.

Pieds ioinctz.

Pied largy gaulche.

Pieds ioincts.

Greue gaulche.

Greue droicte.

Greue gaulche.

Pieds ioincts.

Sault majeur avec capr.

Ces quatre pas
font vn double
a gaulche.

Ces quatre pas fót
vn double a droit.

Ces quatre pas
font vn double
a gaulche.

Ces quatre pas
font vn double
a droit.

Tabulature du branle coupé appellé Aridan.

Aridan branle coupé
appelé Aridan.

Mouvements requis pour
dancer ce branle.



- pied largy gaulche.
- Pied droit approché.
- Pied largy gaulche.
- Pieds ioincts.
- Pied en l'air gaulche.
- Pied en l'air droit.
- Pied en l'air gaulche.
- Pied largy gaulche.
pied droit approché.
Pied largy gaulche.
- Pieds ioincts.
- Pied largy droit.
pieds ioincts.
- Pied largy gaulche.
pieds ioincts.
- Pied largy droit.
pieds ioincts.

Ces quatre pas
font vn double
a gaulche.

ces quatre pas
font vn double
a gaulche.


Ces deux pas font
simple a droit.

Ces deux pas font
simple a gaulche.

Ces deux pas font
simple a droit.

En tournant le feuillet, vous treuverez la continuation de l'air
& des mouvements de ce branle.

ORCHESOGRAPHIE



- pied largy gaulche.
 pied droit approché.
 pied largy gaulche.
 pieds ioincts.
 pied en l'air gaulche.
 pied en l'air droit.
 pied largy droit.
 pied gaulche approché.
 Pied largy droit.
 pieds ioincts.
 pied largy gaulche.
 pied droit approché.
 pied largy gaulche.
 greue droict.
 pied largy droit.
 pied gaulche approché.
 greue gaulche.
 soupir.

**Ces quatre pas
font vn double
a gaulche.**
**ces quatre pas
font vn double
a droict.**

Plusieurs branles preignent denomination des pays esquellez
 on les praticque ordinairement : Les Poicteuins dancent
 leurs branles de Poictou : Les Escossois les branles d'Escosse :
 Les Bretons, les branles qu'ils appellent le Triory, ou passe-pied.

Capriol.

I'attens que m'en donniez les tabulatures.

DE THOJNOT ARBEAV,
BRANLE DE POICTOV.

79

Arbeau.

Aulcuns ignorans, ont corrompu les mouuements du branle de Poictou, lesquels ie n'entends tuy utre, & vous en donneray la tabulature, a la mode que ie les ay aultresfois dance avec les Bachelettes de Poictiers : Ce branle se dance par mesure ternaire, en allant tousiours a main gaulche, sans diuertir a la droide : Je ne vous en donaeray que le commencement d'un air, parce que le reste dudit air, & tous les aultres branles, dont il en y a grand nombre, ont mesmes mouuements.

Air du branle de Poictov.

Mouuements.



pied en l'air droit.

pied en l'air gaulche.

soupir.

Capriol.

Ne fait-on point d'avantage de decoupements en ce branle de Poictou : Iay ouy dire que les Poictuines le decouppent, & en font vn bruit gracieux de leurs sabots.

ORCHESOGRAPHIE

Arbeau.

A la verté, elles le trepignent d'avantage sur les deuxieme & troisieme mesures ternaires, qui contiennent six minimes blâches, sur chacune desquelles elles font six pieds en l'air, a recchange, ainsi que voyez cy dessoubz.

Continuation du mesme air. Mouuements plus decouppés.



pied en l'air droit.

pied en l'air gaulche.


soupir.

BRANLE D'ESCOSSÉ.

Les branles d'Escosse estoient en vogue y a enuiron vingt ans: Les ioueurs en ont vne suitte de certain nombre de branles, differens de mouuements, que vous pourrez apprendre par l'instruction de dits ioueurs, ou de voz compagnons: On les dance par mesure binaire legiere, comme voyez en la tabulation de ces deux branles suyuants, qui sont les premier & deuxieme de la fuytte.

Tabulature du branle d'Escoſſe.

*Air du premier branle Mouuements pour ce premier
d'Escoſſe.*



pied largy gaulche.

pied droit approché.

pied largy gaulche.

pied croisé droit.

pied largy droit.

pied gaulche approché.

pied largy droit.

pied croisé gaulche.

pied largy gaulche.

pied croisé droit.

pied largy droit.

pied croisé gaulche.

pied largy gaulche.

pied droit approché.

pied largy gaulche.

pied croisé droit.

Ces quatre pas e-
quipolēt vn dou-
ble a gaulche.

Ces quatre pas e-
quipolēt vn dou-
ble a droit.


Ces deux equipo-
lēt a simple gaul.

Ces deux equipo-
lēt a simple droit.

Ces quatre equipo-
lēt vn double
a gaulche.

OKCHESOGRAPHIE

Continuation de l'air. Continuation des mouuements.




- pied largy droit.
- pied gaulche approché.
- pied largy droit.
- pied croisé gaulche.
- pied largy gaulche.
- pied croisé droit.
- pied largy droit.
- pied croisé gaulche.

Ces quatre pas e-
qui polent vn dou-
ble a droict.

Ces deux equipo-
lent simple gaulc.

Ces deux equipo-
lent simple droit.

*Air du second branle. Mouuements pour danser ce
d'Escoffe. second branle.*



- pied largy gaulche.
- pied droit approché.
- pied largy gaulche.
- pied croisé droit.
- pied largy droit.
- pied croisé gaulche.
- pied largy gaulche.
- pied croisé droit.

Ces quatre equi-
polent vn double
a gaulche.

Ces deux equipo-
lent simple gaul.

Ces deux equipo-
lent simple droit.

Continuation

Continuation de l'air. Continuation des mouuements.



- Pied largy droict. Ces quatre equipois
Pied gaulche approc. lent a vn double a
pied largy droict. droict.
pied croisé gaulche.
Pied gaulche largy. Ces quatre equipois
Pied droit approché lent a double gaul-
Pied gaulche largy. che.
pied croisé droict.
Pied droit largy. Ces deux equipolés.
Pied gaulche croisé, a simple droict.
pied en l'air droict.
pied en l'air gaulche.
pied en l'air droit.
Sault & capriole.

TRIORY DE BRETAGNE.

Ce branle est peu ou point pratiqué par-deça : Sil vous ad-
vient quelque iour de le dancer, ce sera par mesme binaite le-
giere, ainsi que ceste tabulature vous le monstre: Je l'ay aultres-
fois appris a dancer d'un ieune Breton, lequel demeuroit avec
moy es collier à Poictiers.

Capriole.

Je seray bien ayse de scauoir ce Triory: On ne peut que
mieux valoir d'auoir l'intelligence de beaucoup de choses.

ORCHESOGRAPHIE
Tabulature du branle appellé Triory.

Air de ce branle.



*Mouuements pour ce branle
Triory.*

Pied gaulche largy.

Pied droit approché.

Pied gaulche largy.

Pied en l'air gaulche.

Sault a gaulche, a pieds
joincts.

Pied en l'air gaulche.


Pied en l'air droit.

Pied en l'air gaulche.

**Ces quatre pas
equipolent à
double gaulc.**

Et ainsi vous continuerez, en repetant les mouuements comme dessus.

En lieu des trois pieds en l'air qui sont a la fin de ce Triory,
vous vous tiendrez ferme sur les bouts de voz arteils, & remuant voz tallons joincts, en lieu du marque pied gaulche,
remuerez vos deux tallons a droit, & en lieu du marque pied
droit, remuerez voz deux talons à gaulche, & en lieu du dernier
pied en l'air gaulche, remuerez voz talons a droit, en leuat
en mesme instant vostre pied gaulche en l'air, & astin que le
voyez plus clairement à l'œil, ie vous donneray la tabulature
des trois dernieres notes de l'air cy dessus.



Hauſe talon droit.

Hauſe talon gaulche.

Hauſe talon droit.

En faisant ce dernier hauſe talon, en mesme instant fault faire un pied en l'air.

Ily a encore plusieurs sortes de branles, desquelles ie suis d'aduis de vous en donner les tabulatures, puis que vous estes curieux d'en beaucoup sçauoir: Et fault que vous sçachieze que quand on a fait quelque branle nouueau, qu'ils appellent vn ballet (pour s'en seruir en vne mascarade de quelque festin) incontinent les ieusnes gens l'apportent ès compagnies, & luy attribuent vn nom a leur plaisir. De ce nombre sont les brâles dont s'ensuyuent les tabulatures, desquels branles & ballets, la pluspart sont dancez avec mines, morgues, & gestulations, & pour ceste occasion, on les peult appeller branles morguez: Nous les commencerons par le branle de Malte.

BRANLE DE MALTE.

Aulcuns Sieurs Cheualiers de Malte firent vn ballet pour vne mascarade en Cour, ou ils estoientaultant d'hommes que de Damoiselles habillez à la Turque, lesquels dançoient vn branle en rond, qu'ils appellerent le branle de Malte, avec certains gestes & tornoyements de corps: Et depuis fut ce branle dance par la France, comme nouueau, il y a enuiron quarante ans: L'air & les mouuements sont en mesure binaire, pesamment, comme verrez en ceste tabulature.

Capriol.

Peult-estre qu'à Malte, les habitans du pays dancent ordinairement ce branle, & que ce n'est pas vn ballet inventé à plaisir.

Arbeau.

Je ne peulx croire que ce soit autre chose qu'un ballet, car on le dance avec certaines morgues, gestes & côteances, que l'on y a obserué pédant qu'il a été en regne: Quoy qu'il en soit la tabulature suyuante vous seruira.

ORCHESOGRAPHIE
Tabulature du branle de Malte.

Air du branle de Malte. *Mouvements.*



Pied gaulche largy.

Ces quatre premiers pas font vn double gaulche.

Pied droit approché.

Pied gaulche largy.

Pieds ioincts.

Pied largy droit.

Ces deux font simple droit.

Pieds ioincts.

Pied gaulche auancé.

Pendant ces mouvements ici, les danseurs font une gesticulation, s'approchent et se serrant au milieu de la danse, comme ils vouloient parlementer ensemble.

Pied droit auancé.

Pied gaulche auancé.

Pied droit auancé.

Pied gaulche auance, avec greve droite.

Pied droit auancé.


Greve gaulche.

Pied gaulche auancé.

Greve droite.

Dès ici, ils lachent leurs mains, et commencent chacun à faire le tour main gaulche.

Continuation de l'air. Continuation des mouuements.



pied en l'air gaulche.

pied en l'air droit.

pied en l'air gaulche.

pieds ioincts.

Apres que les danceurs ont fait le tour, & qu'ils sont tumbez a piedz ioincts, ils se repreignent par les mains pour repeter comme au commencement.

Fault notter, qu'à toutes les fois que l'on fait repetition de ce branle, on fait aussi de nouvelles mines & gesticulations, comme sont touchemens de mains, & à vne aultresfois, esleuations d'icelles avec admiration la teste esleuee au ciel, & ainsi d'aultres morgues, telles qu'il plaist aux danceurs de changer.

B. DES LAVANDIERES.

Le branle morgue, appellé le branle des Lauandieres, se danse par mesure binaire, & est ainsi appellé, parce que les danseurs y font du bruit avec le tappement de leurs mains, lequel represente celuy que font les batoirs de celles qui lauent les buées sur la riuiere de Seyne, à Paris.

Capriol.

Fait-on plusieurs diuersitez de morgues en ce branle des Lauandieres, duquel vous parlez?

Arbedau.

Vous verrez par les annotations que ie vous mettray en marge de la tabulature, les diuersitez qui y sont, desquelles on ne fait point de reclinge, quand on repete ledit branle comme au commencement, dont ie vous eusse adectiy quand bien vous ne me l'eussiez presentement demandé.

ORCHESOGRAPHIE

Tabulature du branle des Lauandieres.

Air de ce branle. Mouuements d'iceluy.



pied largy gaulche.

pied droit approché.

pied largy gaulche.

pieds ioincts.

pied largy droit.

pied gaulche approché.

pied largy droit.

pieds ioincts.

pied largy gaulche.

pieds ioincts.

Pied largy droit.

Pieds ioincts.

pied largy gaulche.

Pied droit approché.

Pied largy gaulche.

pieds ioincts.

Ces quatre pas
font vn double a
gaulche.

Ces quatre pas
font vn double a
droit.

Durant ces deux simples,
les semmes se tiennent par les
coustez, & les hommes les
menacent du doigt, & a
la repetition desdits deux
simples, les hommes se pre-
gnent par les coustez, &
les femmes les menacent.

Pendant ce double a gau-
che, tous les danseurs font
vn bruit de leurs mains
frappees l'une sur l'autre.

S'enfuyt le reste de l'air & des mouuements de ce branle.

*Air.**Mouvements.*

Pied largy droit.

Pied gaulche approc.

Pied largy droit.

Pieds ioincts.

Pied largy gaulche.

Pied droit approché.

Pied largy gaulche.

Pieds ioincts.

Pied en l'air gaulche.

Pied en l'air droit.

Pied en l'air gaulche.

Sault majeur tumbant pieds ioincts.

Ces quatre pas
font yn double
a droit.Pendant ces quatre pas, tous
les danseurs font encore du
bruict, en frappant de leurs
mains l'une sur l'autre.Pendant ces quatre pas, les
danseurs laschās leurs mains,
tornent chacun un tour a la
main gaulche, & aprez le
sault se repreignent, pour repe-
ter le commencement.


BRANLE DES POIS.

Entre les branles morguez & gesticulez, est celuy des Poiz, autrement appellé le branle de Margueritotte, lequel se dance par mesure binnaire legiere, comme le branle commun, ou comme le hault baïrois, qui veult, il y entre autant d'hommes que de femmes, qui le dancent ainsi que vous voyez en la tabulature suyuante, en la marge de laquelle, ie vous ay mis les annotations des gestes & morgues qu'il y conuient faire, lesquelles ne sont pas difficiles.

ORCHESOGRAPHIE

Tabulature du branle appellé des Pois.

Air de ce branle. Mouvements d'iceluy.



pied largy gaulche.

pied droit approché.

pied largy gaulche.

Pieds ioincts.

Pied largy droit.

pied gaulche approché.

Pied largy droit.

Pieds ioincts.

Sault majeur, par les hō. *Pendant ces deux pas les femmes ne se bougent.*

Pieds ioincts.

Sault majeur par les fem mes. *Pendant ces deux pas , les hommes ne se bougent.*

Pieds ioincts.

pied largy gaulche.

Petit fault.

Pieds ioincts.

Petit fault.

Pieds ioincts.

Petit fault.

Pieds ioincts.

Ces quatre pas font vn double a gaulche.

Ces quatre pas font double a droit.

Pendant que les hommes font ces trois saults icy , les femmes ne font aucun mouvement.

S'ensuit la tabulature de l'acheuement de l'air & mouvements du present branle, appelle le branle des Pois.

Air.

*Mouvements.**Air.*


Sault majeur par les femmes, Pendant ces deux pas, les hommes ne se bougent.
Pieds ioincts.


Sainte Maure par les hommes.


Pendant ces deux pas, les femmes ne se bougent.
Pieds ioincts.

Pied lat gy gaulche.


Pendant que les femmes font ces trois sautes icy, les hommes ne font aucun mouvement.
Petit fault.

Pieds ioincts.


Petit fault.
Pieds ioincts.

Petit fault.


Pieds ioincts.

B. DES HERMITES.

Le vous colloquerois entre les branles morguez, le branle des hermites, lequel a esté ainsi nommé, parce que l'on y fait des gestes semblables à ceulx qu'ont accoustumé de faire les hermites, quand ils saluent quelqu'un, & croy qu'autrefois il soit issu de quelque mascarade, en laquelle les ieusnes hommes estoient revestus d'habits taillez en forme de ceulx que les hermites portent. Mais je ne vous conseilleray point de porter tels habits en masque, ny de contrefaire les contenances des Religieux, car il fault honorer & leurs habits & leurs personnes: Pour cette occasion, je m'en tairay.

Capriol,

Le suuray voluntiers vostre conseil: Mais ne laissez de me donner la tabulature, comment on l'a danceé.

Y



ORCHESOGRAPHIE

Arbeau.

Ie veulx bien satisfaire à vostre desir, puisque n'avez intention aultre, sinon de l'apprendre, pour n'en estre ignorant. Ce branle a été dansé par mesure binaire mediocre, en la forme que voiez en la tabulature cy dessoubz.

Tabulature du branle des Hermites.

Air du present branle. Mouvements pour iceluy.



pied largy gaulche.

pied droit approché.

pied largy gaulche.

pieds ioincts.

pied largy droit.

pied gaulche approché.

pied largy droit.

pieds ioincts.

Pied en l'air droit.

Pied en l'air gaulche.

Pied en l'air droit.


Pieds ioincts.

Le reste de l'air & des contenances, est cy après.

Ces quatre pas
fōt vn double
a gaulche.

Ces quatre pas
fōt vn double
a droict.

Pendant ces quatre pas, les
dansceurs font vn demy tour
a la main gaulche, & se re-
tressent le visage en dehors
la dance.

Air.*Monuments.*

Marque pied droit&t;

Pendant ces quatre pas, les danseurs entrecroisent leurs bras, & s'enclinent, comme font les ieunes nouices.

Marque pied gaulche.

Marque pied droit&t;

Pieds ioincts:

Pied en l'air droit.

Pied en l'air gaulche.

Pied en l'air droit.

Pieds ioincts.

Marque pied droit.

Marque pied gaulche.

Marque pied droit.

Pieds ioincts.

*Pendant ces quatre pas, les danseurs font vn demy tour a gaulche, & se retrouuent le visage en dedans, comme au commencement:**Pendant ces quatre pas, les danseurs s'enclinent comme nous venons de dire.*

B. DV CHANDELIER.

Ce branle, autrement appellé le branle de la torche, se danse par mesure binaire mediocre, ainsi & par mesmes pas que l'Allemande: Celuy qui le veult danser, prend vn chandelier avec la chandelle allumee, ou vne torche ou flambeau, & en dançant & marchant en avant vn tout ou deux par la salle, regardant ça & là celle qu'il veult mener, la choisit telle que bon luy semble, & dancent par ensemble quelque petit espace de temps, & en fin la colloque & laisse seule au boet de la salle, & faitant la reverence, l'y donne en main le chandelier, torche, ou flambeau, & en dançant le retire en la place: La damoiselle

ORCHESOGRAPHIE

tenant le chandelier, fait comme elle a veu faire au ieune hōme, & en dançant, en va choisir quelque aultre . auquel en fin, aprez l'auoir mis en sa place, elle donne le chandelier, & ainsi conseqemment s'appellent a ceste dance les vns les aultres.

Tabulature du branle de la torche.

Air de ce branle.

Mouuements d'iceluy.



Pied gaulche auancé.

Pied droit auancé.

Pied gaulche auancé.

Greue droictē:

Pied droit auancé.

Pied gaulche auancé.

Pied droit auancé.

Greue gaulche.

Pied gaulche auancé.

Pied droit auancé.

Pied gaulche auancé.

Greue droictē.

Pied droit auancé.

Pied gaulche auancé.

Pied droit auancé.

Greue gaulche.

Pendant ces pas & mouuements , le danseur fait vn, ou deux tours de salle, en cherchant celle qu'il veult choisir , pour luy donner le chandelier.

Continuation de l'air. Continuation des mouvements.



Pied gauché avancé. Pendant ces quatre pas le cœur regarde ça & là, pour
Greue droite. pied droit avancé, choisir celle qu'il aenvie de
Pied droit avancé. Greue gaulche. prendre entre les autres.

Capriol.

Ceste dance est propre à faire entrer tous ceulx d'une com-
pagnie, ainsi côme vous m'auez dit en la gaillarde Lyonnaise.

Arbeau.

BRANLE DES SABOTS.

Rofinus en son liure des antiquitez Romaines rapporte aprez Denis Halicarnassée liure 7. qu'entre les magnificences que l'on faisoit à Rome es pompes des ieuz publicques, marchoient en leur rennes daceurs, avec les tibies, harpes, & batbytons, l'un desquelz danseurs marchoit devant les autres, & leur monstroit certaines formules de dances & morgues, que tous les autres qui le suyuoient, s'efforçoient de contrefaire aprez lui, comme s'ils eussent ioué au guignolet : A ceste sem- blance fut faictte en ceste ville de Lengres vne mascarade, en laquelle vne mere-Folie precedoit trois fols, & leur prescri- uoit certains gestes, puis se retournoit pour veoir si lesdits trois fols les enfans, feroient bien comme elle : Ils dançoient le branle des sabots, qu'ils y auoient adapté.

Capriol.


Comment se dance ce branle des sabots?

Arbeau.

par mesure binaire, comme les branles doubles, en faisant quatre pas à main gaulche, puis quatre pas à main droite. Puis deux simples, & trois tappements de pieds que l'on repete.

ORCHESOGRAPHIE
Tabulature du branle des sabots.

Air de ce branle. *Mouuements d'iceluy.*



Pied gaulche largy.
pied droit approché.
pied gaulche largy.

Ces quatre pas
font vn double
gaulche.

Pieds ioincts.

Pied largy droit.
pied gaulche approché.

Ces quatre pas
font vn double
adroict.

Pieds ioincts.
Pied gaulche largy.

Ces deux font
vn simple a gau-
che.

Pieds ioincts.

pied largy droit.

Ces deux font
simple droit.

pieds ioincts.

tappement du pied droit;

tappement du pied droit.

tappement du pied droit.

En lieu de ces tappements de pied, on fait d'autres morgues qui veult.

En ce branle des sabots, les hommes feront (si on veult) les trois premiers tappements des pieds, & cependant les femmes ne feront aucun mouvement, & à la répétition, les femmes feront les autres trois tappements d'un pied, & cependant les hommes ne se bougeront: Puis tous ensemble recommanderont le branle, pour y faire nouvelle morgue, qui voudra.


Capriol.

Ces tappements de pied me font souvenit des chevaux quand il veuillent troubler l'eau, ou des haquenees, quand il leur tardé d'auoir le picotin d'aucine.


Arbeau.

B. DES CHEVAVLX.

A ce propos, iay veu que l'on dançoit en ceste ville un branle, qu'on nommoit le branle des chevaux, ou l'on faisoit des tappements de pied, comme au branle précédent, & me semble que l'air est tel ou semblable que voyez en la tabulature suyante, laquelle se dançoit par mesure binaire, comme le branle commun, le ieune homme tenant sa Dame si le par les deux mains. Le commencement de l'air dudit branle estoit comme voyez icy notté, & se dançoit par quatre doubles à gaulche, & par quatre doubles à droit.




Double à gaul. Double à droit. Double à gaul. Double



adroit. Double à gaulche. Double à droit. Double

ORCHESOGRAPHIE




a gaulche. Double a droit.


Tabulature du reste de ce branle.

Air.

Mouvements.



Deux tappements du pied droit par l'homme.




pied largy droit.




pieds ioincts.

pied largy gaulche.




pied droit approché.



pied largy gaulche.



pieds ioincts.



pied largy droit.

pieds ioincts.

Pendant ces tappements de pied, & le tour que l'homme fait, la femme ne bouge.

Ces deux pas fût simple a droit.


Pendant ces quatre pas icy, l'homme fait un tour a la main gaulche.

Pendant ces tappements de pied, & le tour que la femme fait, l'homme ne bouge.

Ces deux pas fût simple a gaulche.

Continuation

Continuation de l'air. *Continuation des mouvements.*



Pied large gaulche.

Pendant ces quatre pas, la femme fait un tour à la main gauchie.

Pied droit approché.

Pied largy gaulche.

Pieds joints.

Ce fait, les danseurs se repreignent par les deux mains, & reiterent comme au commencement.

B. DE LA MONTARDE.

Aultresfois nous auons dance vn branle morgué, que l'on nommoit la montarde, qui se dançoit par mesure binaire, avec petits faultz comme le hault-barrois, en allant touſiours a gauſche, ſans diuerſir a la main droiſte. Les danceurs ſont en pa-reil nombre d'hommes & de femmes, vn des hommes meyne le deuant, vne des femmes tient la queuhe, & dancent en-ſemble quatre doubles a gauche: quoy fait, le premiet fait vn tour en ſe ſeparant des aultres: Puis la deuxieme fait vn tour en ſ'approchant du premier: Puis le troisieme fait vn tour en ſ'ap-prochät de la deuxieme, & ainsi conſequemment tous ceulx de la dace font chacun leur tour. Et quand la dernière a fait ſon tour, le premier fait vne haye, en paſſant par deuant les fem-mes, & par derrier les hommes, & ſe met a la queuhe prenant par la main la dernière femme: Et pédant qu'il fait cete haye, les aultres (par deuant & par derrier lesquels le premier eſt paſſé) ſe repreignent tous par les mains, & repetent le branle co-me au commencement. Ainsi faifant; celle qui eſtoit la den-xieme, ſe treuuue la premiere, & fault qu'elle face ainsi qu'a fait

z

ORCHESOGRAPHIE

Le premier au commencement: & ainsi chacun meyne le premier & le dernier a son tour: Et quand la dernière est venue à la primaulté, & qu'elle a fait sa haye, elle se retrouue dernière comme elle estoit premièrement: Lors les ioueurs d'instruments finissent le branle, duquel voicy la tabulature.

Tabulature du branle de la Montarde.

Air de ce branle. Pas & mouvements



Pied largy gaulche.	Ces quatre pas fōt
Petit fault.	vn double a gaul-
Pied droit approché.	che.
Petit fault.	
Pied largy gaulche.	
Petit fault.	
Pieds ioincts.	
Petit fault.	
Pied largy gaulche.	Ces quatre pas fōt
Petit fault.	encore vn double a
Pied droit approché.	gaulche.
Petit fault.	
Pied largy gaulche.	
Petit fault.	
Pieds ioincts.	
Petit fault.	
Pied largy gaulche.	Ces quatre pas fōt
Petit fault.	encore vn double
Pied droit approché.	a gaulche.
Petit fault.	
Pied largy gaulche.	
Petit fault.	
Pieds ioincts.	
Petit fault,	

Continuation de l'air. Continuation des mouvements.



Pied largy gaulche.	Ces quatre pas font Petit fault.
Pied droit approché.	encore vn double a Petit fault. gaulche.
Pied largy gaulche.	
Petit fault.	
Pieds ioincts. soupir.	
Pied en l'air gaulche.	
Pied en l'air droit.	
Pied en l'air gaulche. pieds ioincts.	Les joueurs d'instruments repe- tent ceste finaultat de fois qu'il ya de danseurs, afin que chacu d'eulx face son tour, puis recom- mencent le branle, lors le pre- mier fait la haye, & les autres se repreignent par les mains pour dancer.

Capitol.

Ce branle de la montarde, est donc celuy que les Damoiselles appellent la haye.


Arbeau.

BRANLE DE LA HAYE.


La dance de la haye que vous dîtes est aultre; Elle se dance par mesure binaire, comme la Courante. Les danseurs seuls, & lvn aprez l'autre, premierement dancent l'air en façon de Courante, & sur la fin s'entrelacent, & font la haye les vns parmy les aultres; le vous donneray en premier lieu l'air de ladiète Courante, lequel (comme sçavez) va par deux simples double, puis ic

ORCHESOGRAPHIE
donneray l'air que les ioueurs d'instruments sonnent sur la fin,
pendant lequel, les danseurs s'entrelacent.


Tabulature de la dance de la haye.



Deux simples double. Deux simples



double. Deux simples double.



Deux simples double.

Air & mouuements de la haye.



pied gaulche auancé.

pied droit auancé.

pied gaulche auancé.

pieds ioincts.

Pendant ces quatre pas, & autres suyuants qui sont semblables, les danseurs font la haye, en changeant de place l'un l'autre.

Vous entendrez en la page suyuante, comme se doit continuer le reste de la dite haye.

Continuation de l'air. Continuation des mouuemens.



pied droit auancé.

pied gaulche auancé.

pied droit auancé.

pieds ioincts.

Pendat ces quatre pas, le premier de la dance continue la haye, jusques a ce qu'il soit venu a la derniere personne, & les ioueurs sonnent tousiours ceste fin, jusques a ce que la haye soit faicte.

Capriol.

Ie ne peulx pas bien comprendre ce que diates de ceste haye.
Arbeau.

Vous l'entendrez bien facilement ainsi : posez le cas qu'ilz soient trois danseurs (cest le moindre nombre qui y peult estre) & ymaginez qu'ils soient comme voiez ces lettres A B C.

A B C.

E's premiers quatre pas de l'air de la haye, A & B changent de place en passant a leurs gaulches, puis e's quatres ecôdes me sures A & C changent de place, en passant a leurs mains droites, tellement qu'ils se treuueront placez ainsi que voiez icy.

B C A.

Cefait, B & C changeront comme dessus, puis B & A ; tellement qu'ils se treuueront disposez ainsi que voiez e's troisiemes quatre pas de l'air de la haye.

C A B.

E's quatre pas suyuants, C changera avec A , puis ledit C auce B, & ainsi se retrouueront comme au commencement.

A B C.

ORCHESOGRAPHIE

Capriol.

Si d'auenture les danceurs estoient plus de trois, l'entrelaz se feroit-il de mesme que venez de dire?

Arbeau.

Vous le pouuez conclure. Mais il fauldroit auoir esgard a ce que ie vous vay dire: posez le cas qu'ils soient sept en nombre, a b c d e f g. quand a le premier aura changé avec b le secōd, & que l'edit a aura encore changé avec c le troisieme, & qu'il viendra a changer avec d le quatrieme, il fauldra quant & quat que b maintenant premier, commence de hayer & changer avec c maintenant le seconde, & ainsi conséquemment.

Capriol.

A ce que vous dites, i'y imagine que c soit le premier, & qu'il fauldra donc qu'il commence sa haye en changeant avec d, maintenant second, en mesme instant que b changera & fera la haye avec e, maintenant quatrieme, & ainsi conséquemment.

Arbeau.

Vous le prenez & entendez fort bien: Le branle de l'Official ne vous sera pas si difficile.

B. DE L'OFFICIAL.

N'a pas long temps que ce branle est en termes, lequel se danse par mesure binaire, & par petits faults, comme le hault-barrois, & se commence par vn double a gaulche & vn double a droit repetez: puis les danceurs vont tousiours a gaulche six simples durans, a la fin desquels les ioueurs d'instruments font la cadance, lors les hommes preignent les femmes par le fault du corps, & les font faultier & bondir en l'air, pour tumber a la diète cadance, & cependant les hommes se tiennent fermes sur les pieds pour les soustenir, & en ces endroits sont bien empeschez ceux qui se paiforcent de soufleuer celles qui ne se veulent ayder de leurs coustez.

Tabulature du branle de l'Official.

Air de ce branle. Mouuements d'iceluy.



- Pied gaulche largy.
petit fault.
Pied droit approché.
petit fault.
Pied gaulche largy.
petit fault.
Pieds ioincts.
petit fault.
Pied largy droit.
petit fault.
pied gaulche approché.
petit fault.
pied largy droit.
petit fault.
Pieds ioincts.
petit fault.
Pied gaulche largy.
petit fault.
pieds ioincts.
petit fault.
pied largy gaulche.
petit fault.
Pieds ioincts.
petit fault.
pied largy gaulche.
petit fault.


Ces quatre pas
font vn double a
gaulche.

Ces quatre pas
font vn double a
droict.

*Pendant ces pas icy, les dan-
ceurs vont tousiours du
cousté gaulche, sans dimer
tir a droict.*

ORCHESOGRAPHIE

Continuation de l'air. Continuation des mouvements.



pieds ioincts.

petit fault.

pied largy gaulche.

petit fault.

pieds ioincts.

petit fault.

pied largy gaulche.

petit fault.

pieds ioincts.

petit fault.

pied largy gaulche.

petit fault.

pieds ioincts.

Pied en l'air gaulche.

Pied en l'air droit.

pieds ioincts.

paufe.

La continuatio de ces mouvements icy, se fait touſtours à gaulche, ſans divertir à droict.

Pendant ces quatre pas icy, l'homme empoigné la femme par le faulx du corps, l'efllevant en l'air pour la faire faulter, & pour ce faire fe retourne a la main droicté.

Capriol.

I entends bien qu'il fault continuer ce branle, en repetant comme au commencement: Mais ie le treue de grand peine, ioinct que pour le biē dacer. on depend en partie de la dextérité & allegresse de la Damoiselle qu'il fault que le danſeur faſſe faulter, & tel danſeroit qui n'auroit pas force compétente.

Arbeau.

Arbeau.

Vous ne treuueriez pas de grand peine les branles des Gauottes, esquelz il ne fault point enleuer en l'air les Damoiselles, seulement il les fault baisser.

Capriol.

Cest chose que ie ferois aisement & bien voluntiers, parquoy ie desir lescouoir & apprendre.

Arbeau.

GAVOTES.

Gauottes, eest vn recueil & ramazun de plusieurs branles doubles que les ioueurs ont choisy entre aultres, & en ont composé vne suytte que vous pourrez lescouoir deulx & de voz compagnons, a laquelle suytte ils ont donné ce nom de Gauottes, lequelles se dancent par mesure binaire, avec petits faults, en façon de hault barrois, & consistent de double a droit & de double a gaulche comme les branles communs: Mais les danseurs decoupent lesdits doubles tant à droit qu'à gaulche, par passages a plaisir tirez des gaillardes: Quand lesdits danseurs ont quelque peu dance, lvn d'iceulx (avec sa Damoiselle) s'escarte a part, & fait quelques passages au meillieu de la dance au conope de tous les aultres, puis il vient baifer toutes les aultres Damoiselles, & sa Damoiselle tous les ieusnes hommes, & puis se remettent en leur rence, ce fait, le second danseur en fait autant, & consequemment tous les aultres: Aulcuns donnent ceste prerogatiue de baisser, seulement a celuy qui est le chef de la feste, & a celle qu'il mene: Et en fin la diete Damoiselle ayant vn chapelet ou bouquet, le presente a celuy des danseurs qui doibt payer les ioueurs, & estre le chef de la feste a la prochaine assemblee, lequel y vlera de mesme prerogatiue, & ainsi font par tour: Je vous donneray l'air du premier branle, & aulcuns decouppements que changerez a plaisir:

ORCHESOGRAPHIE
Tabulature d'une Gauotte.

Air de la Gauotte. Mouvements.

Gauotte



pied largy gaulche.

petit fault.

pied droit approché.

petit fault.

marque-pied droit croisé.

petit fault.

greue droite croisée.

petit fault.

pieds ioincts.

petit fault.

marque-pied g. croisé.

n arque pied droit croisé.

greue droite croisée.

petit fault.

pieds ioincts avec capriole.

Passage de quatre pas,

equivalents à un double à

gaulche.

Passage de cinq pas, com-

tenant la mesure de qua-

tre pas, equivalents à un

double à droit.

Voyez le reste de l'air du premier branle de la suytte des Gauottes, que sonnent nozioueurs de Lengres: Vous y adaptez les decouppements cy dessus, ou tels aultres qu'il vous plaira choisir & inuenter, ou imitter après les bons & gaillards danseurs: Si cette espece de dance fust venue du temps de mes premières iambes, je neussie pas failly d'en faire des memoires.



Double à gaulche. Double à droit.

MORISQUES.

De mon ieusne aage, iay veu qu'és bonnes compagnies, aprez le souper entroit en la salle, vn garçonnnet machuré & noir-
cy, le front bandé d'un taffetats blanc ouiaulne, lequel avec
des jambieres des sonnettes dançoit la dance des Morisques, &
marchant du long de la salle, faisoit vne sorte de passage, puis
retrogradant, feuenoit au licu où il auoit commencé, & faisoit
soit vn autre passage nouveau, & ainsi contiuant, faisoit di-
uers passages bien agreables aux assistans: Macrode en son
troisième liure des Satyrnales chap. 14. fait reciter par Horus,
que les nobles enfans & ieusnes filles des bonnes maisons de
Rome, dançoient avec Crotales, que Bade commentateur in-
terprete sonnettes, mais ceste interpretation ne me plaist, &
croitois plustost que Crotales fussent vn petit tabourin de bas-
que, garny de clochettes & sonnettes, tel que l'on faisoit por-
ter à la mere des Dieux, ou bien que ce fussent ce que nous ap-
pellons cymbales & fer triangulaire, garny de boucles, dont
aulcuns iouent & font vn bruit agreable pour accompa-
gner la vielle: Quoy qu'il en soit, ils tenoient a grand louange
d'y sçauoir bien danser.

Capriol.

Ce vers de Virgile sert pour vostre opinion.

Crispum sub Crotalo docta mouere latus.

Si le Poëte eust entendu des sonnettes, il eust mis *cum*, & non
pas *sub*: Tandis ie vous prie m'en donner quelque peu de tabu-
lature, & ie les apprendray adancez a mon laquaiz.

Arbeau.

Les Morisques se dancent par mesure binaire: Du commen-
cement on y alloit par tappements de pieds, & parce que les
danceurs les treuuoienc trop penibles, il y ont mis des tappe-
ments des talons seulement, en tenat les arteils des pieds fer-

a ij

ORCHESOGRAPHIE

mes: Aulcuns les ont voulu danser avec des marque-pieds, & marque-talons meslez ensemble: L'exercice de toutes les trois sortes, signamment celle qui va par tappements de pieds, a fait cognoistre par experience, que finablement on y engendre la podagre & maladies des gouttes, parquoy ceste danse est tumbee en dessuetude: Je ne laisseray de vous en donner l'air, avec les mouvements d'un passage, & quand aux autres passages, vous les pourrez apprendre de ceulx qui y sont stilez, desquels pour le iourd'huy s'en treue bien petit nombre.

Tabulature des Morisques.

Air de Morisques. *Mouvements.*



frappe talon droit. Le danseur de *Morisques* tient
frappe talon gaulche. le bout des arteils touſtours fer-
frappe talon droit. me ce, endant qu'il frappe des
frappe talon gaulche talons, pour faire resonner ses
frappe talons. sunnettes, & les frappe talons
souſpir. sans dire a droit ny a gaulche, &
frappe talon droit. qui polent a pieds iointz,
frappe talon gaulche.
frappe talon droit.
frappe talon gaulche.
frappe talons.
souſpir.

frappe talon droit.
frappe talon gaulche,
frappe talon droit.
frappe talon gaulche.

Continuation de l'air de Morisques, comme aussi des mouuements.



frappe talon droit.
 frappe talon gaulche.
 frappe talons.
 soupir.

Capriol,

Ainsi que me deduisez les mouuements de eeste Morisque,
il semble que le danseur ne bougera d'vneplace.

Arbeau.

Il fault bien qu'il marche tousiours auant, iusques au bout de la salle: Et pour ce faire, notterez qu'aprez le frappe talons qui equipole a pieds ioincts & cadance , auant le frappe- talon droit, le danseur auance legerement ses deux pieds, & en mesme instant, fait ledit frappe talon droit: Car si vous cōsiderez bien, aprez les pieds ioincts, le frappe talo droit suyt. Notterez aussi, que cest air de Morisques se decoupe par crochues, & a chacune d'icelles, fault des frappe talons comme dessus.



ORCHESOGRAPHIE

Capriol.

Monsieur Arbeau, ie me suis pris garde qu'en toutes les dances desquelles auez donné les mouuelements, vous n'avez point parlé du Riu de vache, & neātmoins vous me l'avez figuré par cy deuant entre les aultres mouuelements.


Arbeau.

Vous dîtes vray : Mais la raison est, parce que les danceurs n'en usent quasi point, si ce n'est en la dance des Canaries, de laquelle ie voulois entrer en propos.

CANARIES.

Aulcuns dient qu'és Isles des Canaries on vse de ceste dance, & qu'elle leur est ordinaire: Aulcres , de l'opiniō desquels iay-merois mieux estre, soustienent qu'elle a pris source d'un ballet composé pour vne malcatade, ou les danceurs estoient habillez en Roys & Roynes de Mauritanie, ou bien en forme de Sauuages, avec plumaches teintes de diuerses couleurs. La fa-çon de dacer les Canaries est telle: Vn ieune homme prēd vne Damoiselle, & danceans ensemble soubz les cadances de l'air qui y est propre, la mene sister au bout de la salle : Ce fait il se recule ou il a commencé, regardant tousiouts sa Damoiselle, puis il va la retreuer, en faisant certains passages, quoy fait, il recule comme dessus: Lors la damoiselle en vient faire aultant deuant luy, & aprez se recule en la place ou elle estoit, & continuent tous deux ces allees & reculements, tant que la diuersité des passages leur en administre les moyens, & notterez que ledits passages sont gaillards, & neātmoins estrâges, bizarres, & qui ressentent fort le sauusage: Vous les apprendrez de ceulx qui les façauent, & en pourrez inuenter vous mesmes de nouueaux, seulement ie vous donneray l'air de ceste dance, & aulcuns mouuelements des passages qu'ont accoustumé de faire les danseurs, aveoir lesquels les spectateurs preignent plaisir.

Tabulature de la dance des Canaries.

*Air des Canaries.**Mouuements.*

- tappement du pied gaul. causant pied en l'air d.
marque-talon droit.
marque-pied droit.
tappemēt du pied droit, causant
pied en l'air gaulche.
marque talon gaulche.
marque-pied gaulche.
tappemēt du pied gaulche, cau-
sant pied en l'air droit.
marque-talon droit.
marque pied droit.
tappemēt du pied droit, causant
pied en l'air gaulche.
marque talon gaulche.
marque-pied gaulche.

*Le reste de c'est air est continué à danser comme dessus, tant
& si long temps que le danseur meût à aller iusques devant
sa damoiselle & à retrograder, en demarchant iusques en sa
premiere place.*

*Et noterez que pour vn second passage, en lieu des tappa-
ments de pied que lon a faict sur les minimes blanches de
ceste air, on peult faire vne greve fort haulte, rabaissee en tap-
pement de pied traîné en derrier, comme si on marchoit des-
sus vn cr.chat, ou qu'on voulust tuer vne araignee.*

Capriol.

*Vous m'avez cy devant promis la pauane d'Espagne aprez
les Canaries: Comment la fault-il danser?*

ORCHESOGRAPHIE PAVANE D'ESPAGNE.

La pauane d'Espagne se dance par mesure binaire mediocre, soubz l'air, & avec les mouuements, dont s'ensuyt la tabulature, & quand on l'a dancee en marchant en auant pour le premier passage, il la fault retrograder en desmarchant, puis continuant le mesme air, on fait avec aultres nouveaulx mouuements le second passage, puis les aultres consequemment, lesquels pourrez apprendre tout a loisir

Air & mouuements de la pauane d'Espagne.



pied gaulche auancé.
pieds ioincts.

pied droit auancé.

pieds ioincts.

pied gaulche auancé.

Pied droit approché, causant pied en l'air gaul.
fleuret.

fleuret.

fleuret.

fleuret.

fleuret.

En la page suyuante pourrez veoir le reste.

Ces deux pas fōt
simple a gaulche.

Ces deux pas fōt
simple a droit.

Es aultres passages de ceste pavane d'Espagne, en lieu de ces fleurets icy, le danseur fait d'autres geslications, tant en marchant que retrogradant.

Continuation.

Continuation de l'air. Continuation des mouvements.



fleuret.

fleuret.

pieds ioincts.

pied en l'air droit.

pied en l'air gaulche.

pied en l'air droit.

pieds ioincts.

*Le danseur fait ceste fin
en tous les passages de la
pauane d'Espagne.*

Il me semble (Capriol mon bon amy) vous auoir satisfait, en vous donnant ce que i'ay peu me resouvenir, tant de la saltatio & dance guerriere, que de la recreative: N'est ce pas suffisamment, attendu qu'il y a si long temps que ie n'en n'ay fait exercice, & que la pluspart des dances sont nouvelles.

Capriol.

Le ne pense pas (monsieur Arbeau) qu'il soit possible d'entrainer d'avantage ny plus lucidement: Vray est qu'auez encore oublié a parler des Bouffons.

Arbeau.

Vrayement puisque vous m'en aduisez, ie vous diray ce que i'en ay peu apprendre.

LES BOVFFONS.

Les Saliens ou danceurs instituez par le Roy Numa en nombre de douze, pour celebrer les festes sacrees a Mars, estoit vêtus de robes peintes, avec riches bauldriers & bônets aguz, les braquemards aux coustéz, les petites baguettes en la main droide, & en la main gaulche les boucliers (desquelz lvn estoit

ORCHESOGRAPHIE

comme on disoit descendu du Ciel) dançoient au son des ti-
bies, & faisoient gesticulations militaires, tantost les vns aprez
les autres, tantot ensemblement.

Capriol.

Ceste dance, n'estoit ce pas la dance armee appellee Pirri-
que, que Minerue dança de ioye aprez les Titanes vaincuz
Arbeau.

La fable dit que les Curetes inventerent ceste Pirrique pour amuser le petit enfant Iuppiter, a leurs gesticulations, & au bruit qu'ils faisoient de leurs espees heurtees contre les boucliers: De ces deux sortes de dances, on en a composé vne que nous appelons les Bouffons ou Mattachins, qui sont vestus de petits corcelets, avec fimbries es espaulles, & soubz la ceinture, vne pente de taffetats soubz icelles, le morion de papier doré, les bras nuds, les sonnettes aux iambes, l'espee au poing droit, le bouclier au poing gaulche: Lesquels dancent soubz vn air a ce propre, & par mesure binaire, avec battements de leurs espees & boucliers: Pour comprendre ceste dance, fault presupposer qu'on y fait plusieurs sortes de gestes: L'un des gestes est appellé feinche, quand le danseur saute sur ses pieds iointz, tenant son espee sans en toucher aucunement: L'autre geste est appellé estocade, quand le danseur recule son bras, & auace la pointe de son espee, pour frapper d'icelle son compagnon. L'autre geste est appelle taille haulte, quand le danseur frappe son compagnon en descendant & fauchant de la main droite (de laquelle il tient son espee) à la main senestre: L'autre geste est appelle reuers hault, quand au contraire le danseur frappe son compagnon, en fauchant & descendat des sa main senestre à la main droite: L'autre geste est appellé taille basse, quand le danseur frappe son compagnon, en montant de la main droite à la senestre: L'autre geste est nommé reuers bas, quand le danseur frappe son compagnon, en montant de la

main senestre a la droite: Et a fin que vous entendiez mieux la tabulature que ie vous en veux donner, ie n'espargneray pas de vous figurer lesdites sortes de gestes.

Feinete.



Estocade.



Taille haulte.



Reuers hault.



Vous voyez ci dessus quatre figures des gestes dont ie vous ay parlé, &ç auoir la feinete, l'estocade, taille haulte, & reuers hault,

ORCHESOGRAPHIE

restent les figures des deux aultres gestes, que vous voyez icy dessoubz, oultre lesquels il y a encore quelques mouuements de corps qu'il me semble suffiront de vous estre donnez par escrit, sans qu'il soit besoin de figures.

Taille basse.



Reuers bas.



Capriol,

L'escrime m'auoit desja appris tous ces gestes: Dicte moy maintenant comment on dance les Bouffons.

Arbeau.

Presupposez que quatre personnes, soient Soldats ou Amazones, ou deux dvn & deulx d'auttres, sont a l'entree de la salle, A. B. C. D. bien proprement habillez.

Capriol.

Ie les y imagine comme vous dictez, que feront-ils?

Arbeau.

Premierement A. entrera seul, & en maniant son espee a mesures , fera vne ronde par la salle , & se viendra presenter a l'entree , mettant la poincte de son espee contre le plancher, comme s'il vouloit appeller au combat ses cōpagnons: Ce fait

il recommencera vne ronde, & b. le suyura , a la fin de la ronde , appellera ses compagnons: Lors A. b. recommenceroent vne ronde, & c. les suyura lequel fera comme les deux aultres auront fait: Puis tous trois feront vne ronde, & d. qui est le quatrieme les suyura: Et quand ceste quatrieme ronde sera finie , & qu'il ny aura plus personne a entrer , ils feront vne ronde tout au contraire de la premiere, & a la cadance de ceste ronde renuersee , ils se treuueront plantez en escadron pour commencer les passages de leurs batteries , & se treuueront ainsi, car ils ont premierement fait leur ronde, le pied gaulche en dehors.

D. C.

A. B.

L'air des bouffons est notoire a vn chacun: Le voicy notte entierement iusques a sa cadance, & les ioueurs le repetent tous iours, tant en faisant les rondes que les passages,

Air des Bouffons.

*Capriol.*

Quels mouuements feront ces quatre ainsi campez?

Arbeau.

Il vous fault encoré sçauoir , que tout ainsi que les ioueurs d'instruments continuēt de sonner iusques a la fin l'air cy de-

ORCHESOGRAPHIE

sus, aussi les quatre danseurs continuent de danser les mesmes mouvements, soit en cheminant quand ils font les rondes, soit en s'arrêtant quand ils font leurs batteries.

Capriol.


Les mouvements sont-ils fascheux à faire?

Arbeau.

Vous les trouuerez tresfaciles, comme il appert en la tabula-ture cy dessoubz, qui se dance par mesure binaire legiere.

Air des Bouffons.

Mouvements pour les danser.



greue gaulche.

pied en l'air droit.

pied en l'air gaulche.

greue droite.

pied en l'air gaulche.

pied en l'air droit.

greue gaulche.

pied en l'air droit.

pied en l'air gaulche.

greue droite.

pied en l'air gaulche.

pied en l'air droit.

Tant que la dance dure, jusques à ce que tout soit fait & finy, il ny a point d'autres mouuements, q'les greues qui emportent chacune deux minimes noires. & deux pieds en l'air qui emportent chacun une minime noire,


Vous avez les pas & mouvements des bouffons, apprenez maintenant les gestes quel'on y fait és passages des batteries, lesquelles il fauldra faire immédiatement aprèz les rondes, & vous souuendrez qu'à la fin d'un passage, il fault faire vne ronde le pied gaulche en dehors, puis la renuerser & retrograder

Iedit pied gaulche en dedans, auant que commencer le passage qui doit suyure, chose qui sert beaucoup aux quatre danseurs, car pendant qu'ils font la ronde, & qu'ils l'a retournent, ils meditent au passage qu'ils ont à faire, & se remettent en ceruelle. Ainsi que les Janceurs A. B. C. D. sont disposez, A. est yiz a viz de D. & battra contre ledit D. & par fois contre B. qui est a sa droicte. Et au semblable C. se treuuera viz a viz de B. & battra contre ledit B. & par fois contre D. Et notterez que les mesmes gestes que fait A. ces mesmes doit faire C. & par ainsi la tabufature propre au danseur A. seruira pour le danseur C. comme voiez icy dessoubz.

A. combat contre D. C. combat contre B.
& contre B. & contre D.

Air.

Gestes du premier passage.



feincke.

A fait feincke avec D.

taille haulte.

A. donne contre D.

reuers hault.

A. donne encore contre D. puis il fait trois quartes de tour de son couste gaulche, & donne ceste taille basse contre B.

taille basse.

A. fait vn tour a sa main droicte, en dehors, & donne encore audit B.

reuers bas.

ce reuers bas.

La page suyante vous enseignera le reste des gestes de ce premier passage.

ORCHESOGRAPHIE

Air.

Gestes.



taille haulte,

reuers bas.

A. donne encore contre B. ceste taille haulte, puis torne trois quarts de tour a sa main droite en dehors, & donne contre D. cereuers bas.

taille haulte,

A. donnera encore contre D. une taille haulte, & changera de place avec D.

Apres que A. & D. ont changé de place, & que C. & B. ont aussi changé de place en mesme instant, les quatre danseurs se trouueront ainsi disposez.

A. B.

D. C.

A. battra maintenant contre B. & parfois contre D. & C. battra contre D. & parfois contre B. & feront les mesmes gestes & batteries que cy dessus; & quand ils auront changé de place, ils se trouueront campez ainsi:

B. A.

C. D.

A. fera les gestes que nous auons dit au commencement, contre D. & par fois contre B. comme aussi fera C. contre B. & quand ils auront changé de place, ils se trouueront ainsi posez.

C. D.

B. A.

A. battra

A. battra contre B. & par fois contre C. comme aussi C. contre D. & par fois contre B. & quand ils auront changé de place, les danseurs se trouueront ainsi posez.

D. C.

A. B.

Vous voyez que les quatre danseurs sont posez comme ils estoient au commencement, parquoy leur premier passage est accomply, & doibuent sans intermission faire leur rôde & retour d'icelle pour commencer le second passage, que l'on appelle passage des trois coups.

Capriol.

Ie ferois bien les gestes de A. & de C. mais vous ne m'avez point dit quelz gestes doibuent tenir D. & B.

Arbeau.

Les mesmes que A. & C. & ny a difference, sinon que quand A. & C. font trois quarts de tour en dehors à la gaulche, D. & B. doibuent faire seulement vn quart de tour à la droide, & quand A. & C. font vn tour en dehors à la gaulche, D. & B. doibuent faire ledit tour à la droide: Les aultres passages vous les apprendrez tout a loisir.

Capriol.

Ie ne trouueray guieres de maistres ny de compagnons qui m'enseignent les aultres passages, comme ils pourront faire les aultres branles, parquoy ie vous prie les m'apprendre, car i'espere quelque iour en faire vne jolie mascarade, pour donner plaisir à ma maistresse.

Arbeau.

Ie le veulx bien: Supposez donc que les quatre danseurs sont disposez (apres leur ronde) comme au commencement, ils feront le passage suivant, que l'on appelle les trois coups.


ORCHESOGRAPHIE

Passage des trois coups.

A. battra contre D. & C. battra contre B.

Air.

Gestes du second passage.



taille haulte.

A. donne ces trois coups contre D. puis passent à leurs mains droictes & changent de place l'un l'autre, C. fait de même contre B.

reuers bas.

taille haulte.

taille haulte

A donne ces trois coups contre B. puis passent & changent de place l'un l'autre, C. & D. font de même.

reuers bas.

.taille haulte.

taille haulte.

A. donne ces trois coups contre D. puis passent & chāgēt de place l'un l'autre, C. fait de même contre B.

reuers bas.

taille haulte.

taille haulte.

A. donnera ces trois coups contre B. puis passent & chāgēt de place l'un l'autre, C. & D. font de même, & ainsi les quatre danseurs se retrouuent disposéz comme au commencement.

reuers bas.

taille haulte.


Ce q̄ dessus se repete quatre fois, & font la rôde.

DE THOINOT ARBEAU.
Passage des quinze coups.

102

Air.

Gestes du troisième passage.



- | | |
|----------------|---|
| taille haulte. | A. le visage torné en dedans, donne contre D. qui a le visage torné en d.hors. |
| reuers bas. | A donne contre B. qui a le visage torné en dehors. |
| taille haulte. | A. encore contre D. |
| reuers bas. | A. encore contr. B. |
| taille haulte. | A. tourne visage en dehors, & donne contre B. qui le tourne en dedans. |
| reuers bas. | A donne contre D. torué dedans. |
| taille haulte. | a. donne encore contre B. |
| reuers bas. | a. donne encore contre D. |
| taille haulte. | a le visage torné en dedans, donne contre D. qui a le visage torné en dehors. |
| reuers bas. | a. donne contre B. qui a le visage torné en dehors. |
| taille haulte. | a. encore contre D. |
| reuers bas. | a. encore contre B. |
| taille haulte. | a. tourne visage en dehors, & donne contre B. qui le tourne en dedans. |
| reuers bas. | a. donne contre D. torué dedans. |
| taille haulte. | a. donne contre B. passent & changent de place a leurs mains droictes. |
| Cefait, | a. le visage en dehors battra contre D. qui tornera le visage en dedans, & repeteront pour faire quatre cadances. |

c ij

ORCHEOGRAPHIE

Passage de l'estocade.

Air.

Gestes du quatrième passage.

Supposé qu'aprez la ronde faicté, les quatre da-
ceurs se trouuerent rangez comme au comencemēt.

taille haulte.

a. donne contre D. & C. donne con-
tre B.

reuers hault.

a donne encore contre D. & C con-
tre B.

taille basse.

a donne encore contre D. & C con-
tre B.

coude retiré,

tous les quatre a. B. C. D. retirent
leur coudes en derrier, & s'entredon-
nent estocades contre leurs boucliers.

estocade.

a. donne contre D. & C. contre B.

reuers hault.

a donne encore contre D. & C. con-
tre B.

taille basse,

a donne contre D. & C contre B.


coude retiré.

tous les quatre a. B. C. D. retirent
leur coudes en derrier, & s'entr. don-
nent estocades, passent a leurs mains
droites & changent de place.

estocade.

A. maintenant battra contre B. & D. contre C. pour
la deuxiesme cadance, puis repeteront comme au-
parauant & apres ces quatre cadances le trouueiroit
disposez comme au commencement.

Passage du Bastion.

Air.*Gestes du cinquiesme passage.*

Supposé que les quatre danseurs sont tenuez comme au commencement, D. & B. se mettront le cuil lvn contre l'autre.

taille haulte. a. contre D. & C. contre B.

reuers bas. a. contre B. & C. contre D.

taille haulte. a. contre D. & C. contre B. & en passant changent de place.

taille haulte. a. contre B. & C. contre D.

reuers bas. a. contre D. & C. contre B.

taille haulte. a. contre B. & C. contre D. & en passant changent de place.

taille haulte. a. contre D. & C. contre B.

reuers bas. a. contre B. & C. contre D.

taille haulte. a. contre D. & C. contre B. & en passant changent de place.

taille haulte. a. contre B. & C. contre D.

reuers bas. a. contre D. & C. contre B.

taille haulte. a. contre B. & C. contre D. & en passant changent de place.


Apres l'air de ceste cadance repeteé quatre fois, les quatre danseurs se trouuent disposez comme au commencement: Lors sans intermission ils font l'euis rondes, comme cy deuait a este dit, pour se preparer au sixieme passage.

ORCHÉOGRAPHIE

Passage de la haye.

Air.

Gestes du sixieme passage:



- | | |
|----------------|--|
| taille haulte. | a. battra contre D. & c. contre B.
& en passant à leurs mains droictes,
changeront de place. |
| reuers bas. | a. battra contre B & c. contre D. &
en passant changeront de place. |
| taille haulte. | a. battra contre D. & c. contre B.
& en passant changeront de place. |
| reuers bas. | a. battra contre B & c. contre D. &
en passant changeront de place, & se
retreueront comme au commencement. |
| taille haulte. | a. battra contre D. & c. contre B.
passeront & changeront de place com-
me dessus. |
| reuers bas. | a. battra contre B. & c. contre D. &
en passant changeront de place. |
| taille haulte. | a. battra contre D. & c. contre B. &
en passant changeront de place. |
| reuers bas. | a. battra contre B. & c. contre D. &
en passant changeront de place, & se
retreueront comme au commencement. |

Fault maintenant renuerter la haye, parquoy a donnera con-
tre B. & C. contre D. pour la deuxieme cadance, puis repe-
ront comme au parauant ladiete haye & son reuers, pour la
troisieme & quatrieme cadances, & le tout fait, se retreue-
ront disposez comme au commencement, puis se retireront.

Capriol.

Monsieur Arbeau, ie vous mercie de la peine qu'auez pris a m'enseigner la dance.

Arbeau.

Ie desirerois auoir peü egaller l'effet a ma bonne affection, que prendrez de bonne part, attendant que ie vous recite les airs & mouuemnts de plusieurs balletz de mascarades faites en ceste ville, dont nous traicterons en vne seconde partie a nostre premier loyfit: Ce pendant pratiquez les dances honestement, & vous rendez compagnon des planettes qui dancent naturellement, & de ces Nymphes que M. Varron dit auoir veu en Lydie sortir d'un estang au son des fluttes, dacer, puis rentrer deans leur estang, & quand vous aurez dansé avec vostre maistresse, rentrez dédans le grād estang de vostre estude, pour y prossiter, comme ie prie Dieu vous en donner la grace,



Extrait du Priuilege.

Il est permis à Ichan des Preyz Imprimeur demeurant à Lengres, d'imprimer ou faire imprimer vn liure intitulé *l'Orchesgraphie*, cestant soubz le nom de *Thoinot Arbeau*, durat six ans, avec deffences à tous Imprimeurs & Libraires d'imprimer ne faire imprimer ledit liure durant ledit temps de six ans, sur peine de confiscation desdits liures, d'amende arbitraire, & de tous despés domages & interestz, comme plus amplement est contenu en ses lettres de priuilege donné à Bloys le 22. Nouembre 1588. signé par le Roy en son Conseil B V Y E R. seillé en cire iaulne, du grand sceel de sa Majesté.